

# Notes du mont Royal

[www.notesdumontroyal.com](http://www.notesdumontroyal.com)

Cette œuvre est hébergée sur « *Notes du mont Royal* » dans le cadre d'un exposé gratuit sur la littérature.

SOURCE DES IMAGES  
Google Livres

20314  
**EUCLIDIS**  
**ELEMENTORUM**

**LIBRI SEX.**

Ex traditione Federici  
**Commandini.**

51


Eu 2



**N A P O L I,**

**Typis Novelli de Bonis Typograph. Archiep. 1679.**  
*Superiorum facultate.*

**Sumptibus Gofmi Fioravanti.**





ILLUSTRISSIMO,  
ET EXCELLENTISS. DOMINO  
**D. DOMINICO**  
**MARTIO CARAFÆ**  
MAGDALUNENTIUM DUCI,  
ARGENTII MARCHIONI,  
CERRETI COMITI, &c.

**I**n Aud multum dubitatio me  
tenuit, Princeps Excellen-  
tissime, quinam hosce Eu-  
clideos Libros non immerito di-  
carem. Statim enim atque Typo-  
graphis excudendos eos tradidi, &  
meæ fuerunt cogitationes, ut tui  
nominis claritate illustrati, orna-  
a 3 tique

etique viderentur. Et sanè quidem,  
si ea animaduverterim consilia,  
quibus sapientes etiã homines suis  
solent opusculis præstantissimos  
viros donare; si ea, inquam, inspe-  
xerim, quantò id ego erga te sa-  
pientius efficiam, in quo sanè splē-  
descere ea omnia munera vide-  
mus, quæ immortalitatis testimo-  
nium ex se exhibent. Nec id mihi  
propositum nunc sit credas inter  
cætera, quæ habes ornamenta tuo-  
rum quoque facta me connume-  
rare; cum vix tua, quibus illorum  
laudes obscurasse quodammodo  
videris, enarrare mihi nunc liceat.  
Adde quod nec id facilis mihi fo-  
ret negotii, et sexcenties comme-  
morata redicerem, quodque etiam  
perperam facerē. Quis est etenim,  
qui in te uno non videat quæque  
bel-

belli, domique majores tui probè,  
strenuèque gesserunt? plures inquā  
Diomedes, et penè innumeri Tho-  
mas, Martii, alique, et pietate in-  
signes, et omni militari ingenio  
præditi. Quin etiam in te uno vi-  
gent virtutes omnes, quarū singu-  
læ optimum quemque decorarent.  
Quippè, si aliquarum meminisse  
velimus, in te admodum humani-  
tas, et majestas benè convenerunt,  
ut ad tui amorem, et observantiam  
an allicias potiùs, dubium sit, an  
potius impellas nostrum omnium  
animos. Munificentia autem tua  
quid jucundius? Qui te enim in ip-  
sa exercenda antecellat nemo est,  
ne dicam, quem tecū parem con-  
feramus; tam largè, tam sapienter  
tua impertiris beneficia optimis  
scilicet viris, ac de bonis artibus


benè meritis , quos inter sæpenu-  
mero tibi libet otium consumere,  
Unde Philosophos inter , Mathe-  
maticos , atque Poetas summam  
tibi dignitatem es assequutus . O  
aurea, ò feliciora tempora, in qui-  
bus dominantur sapientes , philo-  
sophantur Principes ! Augusti haud  
equidem invideremus ætati, si par  
animo, & imperiū inclyto Martio  
Fato concessum esset . Sed cum  
tuas laudes , quarum maxima est ,  
Princeps Sapientissime, in contem-  
ptione , ac despicientia laudem te  
posuisse , referri non patiaris ob  
tui animi magnitudinem , illas ic-  
circo silentio præteream . Tu ta-  
men quod tibi humili , ac devoto  
animo munusculum offero huma-  
niter suscipias in meæ erga te ob-  
servantiæ testimonium . Quod si  
fe.

feceris, mei voti compotem satis  
superque me efficies. Vale igitur  
summum ætatis nostræ Decus.

*Excell. Vestræ*

*Obsequentiss. servus*  
Cosmus Fioravanti.

An-



Antonii à Capua  
DE D. DOMINICO MARTIO  
Magdalunentium Duce

*Carmen*

Ad Julium Accianum.

**F**ert animus laudes, Juli, partosque  
triumphos,  
Alta quibus nomen se tollit Martii ad  
astra  
Ordiri. Neget Italico quis carmina  
Marti  
Insigni pietate simul, belloque potenti?  
Quem meritò, ut clarum Siren decus  
Urbs, & Orbis,  
Sebethusque colit. Mens deficit ast, ani-  
musque  
Grandia sectanti mihi, nec deterrita  
captis

Ma-

Musa aspirat, nequicquam vestigia  
calcans,

Qua post Argolicas Latia pressere  
Camena.

Tu tamen, ò Patria, ò seculi lux unica  
nostri,

Quem cithara, quemque arte sua dona-  
vit Apollo,

Maxime Iuli vaturn, suscipe viribus  
aquam

Materiam, resonetque immensis Martii  
olympus

Laudibus aternus; lumenque ut clarius  
edit

Fax geminata; tuis poterit sic maxi-  
mus Heros

Versibus aeternum sic tu fulgere vicif-  
sim

Virtute illius: mihi namque siluisse li-  
cebit.

Sin:


# Studiofis Geometriæ S. P. D.

Cosmus Fioravanti.

**M** Irabitur fortè aliquis, quod ad Elementorum Geometricorum impressionem animum appulerim, quando satis magna eorundem copia ubique vènalis exat. Verùm duo potissimùm mihi animum addidere, vt pecuniam in hos sumptus erogarem: alterum est, quod tanta errorum illuvies in Veneto Codice reperitur, qui ut plurimùm tyronum manibus teritur, ut ne legi quidem, nedùm intelligi possit; alterum ejusdem libelli necessitas, sine quo frustrà scientiarum fores pulsantur, unde clarissimus Galilæus, qui primus Philosophiam Mathematicæ lociavit, in Epistola sivè mavis libello, cui nomen fecit *il Saggiatore* ait: *La Filosofia è scritta in questo grandissimo libro, che*  
con-

*continuamente ci sta aperto innanzi a  
gl'occhi (io dico l'universo) ma non si può  
intendere se prima non s'impara a inten-  
der la lingua, e conoscer i caratteri, ne  
quali è scritto: egli è scritto in lingua ma-  
tematica, & i caratteri sono triangoli,  
cerchi, & altre figure geometriche, senza  
quali mezzi è impossibile a intenderne  
umanamente parola; senza questi è un  
aggirarsi vanamente per un'oscuro labe-  
rinto. Atque hinc desinant plerique in-  
fultè querere, cui bono hæc addiscan-  
tur, ne illis contingat, quod & olim  
mihi Florentiâ discedenti, nâm ubi pri-  
mùm Liburni navigia prospexi altissimis  
malis aliisque quam multis instrumentis  
instrueta, mecum rebar ad hoc parata  
esse omnia, ut animi levandi gratia lice-  
ret Nautis malorum vertices scandere,  
quò latiores Maris tractus cernerent, &  
frigidiusculam auram captarent, nec  
alii præterea usui esse. Cum verò ve-  
la aptari vidi, & tam variorum instru-*  
men-

mentorū ope navium cursus regi, tūm  
primūm sensi aliquid majoris momenti,  
quam quod suspicabar in tanto appara-  
tu subesse. Similiter Geometriæ neces-  
sitatē atque admirandos usus iis spontē  
manifestos futuros auguror, quibus con-  
tingerit his elementis feliciter perceptis  
ad scientiæ culmen pervenire, secūs pro-  
fectō ignotæ artis mysteria perspecta  
habere velle infania est. Commandini  
versionem præ cæteris selegimus, cum  
ea per quam brevis sit, & græco co-  
dici quasi ad verbum respondeat. Addi-  
dimus Corollaria, ne Lectores in illis  
proprio Marte eruendis cruciarentur.  
Præterea quam in correctione adhibui-  
mus diligentiam, vobis cognoscendum  
relinquimus, ne longa oratione id pro-  
bare conemur, quod res ipsa demonstrat.  
Verum si hæc curiosis placuerint, breui  
eādem forma reliquos elementorum li-  
bellos imprimi curabimus. Valete.



# EUCLIDIS

## ELEMENTORUM.

### LIBER PRIMUS.

Ex traditione Federici  
Commandini.

#### DIFFINITIONES.

1. **P**unctum est, cujus nulla est pars, vel quod magnitudinem nullam habet.
2. Linea verò est longitudo latitudinis expers.
3. Lineæ fines sunt puncta.
4. Recta linea est, quæ ex æquali suis interijicitur punctis.
5. Superficies est id, quod longitudinem, & latitudinem tantum habet.
6. Superficiæ fines sunt lineæ.
7. Plana superficies est, quæ ex æquali suis interijcitur lineis.
8. Planus angulus est, duabus lineis in plano se se contingentibus, & non in directum jacentibus, alterius ad alteram inclinatio.
9. Quando autem quæ angulum continent rectæ li-

A

neæ

neque fuerint, rectilineus angulus appellatur.

10. Cum verò recta linea super rectam lineam insistent, eos, qui deinceps sunt, angulos, æquales inter se fecerit, rectus est uterque æqualium angulorum: & quæ insistit recta linea, perpendicularis vocatur ad eam, cui insistit.

11. Obtusus angulus est, qui major est recto.

12. Acutus autem, qui recto est minor.

13. Terminus est, qui alicujus est finis.

14. Figura est, quæ aliquo, vel aliquibus terminis continetur.

15. Circulus est figura plana una linea cōtenta, quæ circumferentia appellatur, ad quam, ab uno puncto intra figuram existente, omnes rectę lineę pertinentes sunt æquales.

16. Hoc autem punctum centrum circuli nuncupatur.

17. Diameter circuli est recta quædam linea per cētrum ducta, & ex utraque parte à circumferentia, circuli terminata, quæ quidem & bifariam circumlum secat.

18. Semicirculus est figura, quæ continetur diametro, & ea, quæ ex ipsa circuli circumferentia intercipitur.

19. Portio circuli est figura, quæ, recta linea, & circuli circumferentia continetur.

20. Rectilineę figurę sunt, quæ rectis continentur lineis.

21. Trilaterę quidem, quæ tribus.

22. Quadrilaterę, quæ quatuor.

23. Mul-

23. Multilateræ verò, quæ pluribus, quam quatuor rectis lineis comprehenduntur,
24. Trilaterarum figurarum æquilaterum est triangulum, quod tria latera habet æqualia.
25. Isosceles, five æquicrura, quod duo tantum æqualia latera habet.
26. Scalenum verò est, quod tria inæqualia habet latera.
27. Ad hæc, trilaterarum figurarum, rectangulum quidem est triangulum, quod rectum angulum habet.
28. Obtusangulum est, quod obtusum habet angulum.
29. Acutangulum verò, quod tres acutos angulos habet.
30. Quadrilaterarum figurarum quadratum est, quod & æquilaterum est, & rectangulum.
31. Altera parte longior figura est, quæ rectangula quidem, æquilatera verò non est.
32. Rhombus, quæ æquilatera quidem, sed rectangula non est.
33. Rhomboides, quæ, & opposita latera, & oppositos angulos inter se æquales habet, neque æquilatera est, neque rectangula.
34. Præter has autem reliquæ quadrilateræ figuræ Trapezia vocentur.
35. Parallelæ, seu æquidistantes rectæ lineæ sunt, quæ cum in eodem sint plano, & ex utraque parte in infinitum producantur, in neutram partem inter se conveniunt.


1. **P**ostuletur à quovis puncto ad quodvis punctū rectam lineam ducere.
2. Rectam lineam terminatam in continuum, & directum producere.
3. Quovis centro, & intervallo circulum describere.
4. Omnes angulos rectos inter se æquales esse.
5. Et si in duas rectas lineas recta linea incidens, interiores, & ex eadem parte angulos, duobus rectis minores fecerit, rectas lineas illas in infinitum productas inter se convenire ex ea parte, in qua sunt anguli duobus rectis minores.

*Axiomata, seu Communes notiones.*

1. **Q**uæ eidem æqualia, & inter se sunt æqualia.
2. Et si æqualibus æqualia adjiciantur tota sūt æqualia.
3. Et si ab æqualibus æqualia auferantur, reliqua sunt æqualia.
4. Et si inæqualibus æqualia adjiciantur, tota sunt inæqualia.
5. Et si ab inæqualibus æqualia auferantur, reliqua sunt inæqualia.
6. Et quæ ejusdem dupla, inter se sunt æqualia.
7. Et quæ ejusdem dimidia, inter se sunt æqualia.
8. Et quæ sibi ipsis congruunt, inter se sunt æqualia.
9. Totum est sua parte majus.
10. Duæ rectæ lineæ spatium non comprehendunt.

PROBLEMA I. PROPOSITIO I.

*In data recta linea terminata, triangulum æquilaterum constituere.*




**S**it data recta linea terminata AB. oportet in ipsa AB triangulum æquilaterum constituere. Centro quidem A intervallo autem AB circulus describatur BCD. Et rursus centro B, intervalloq; BA describatur circulus ACE, & à puncto C, in quo circuli se invicem secant, ad AB ducantur rectæ lineæ CA, CB. Quoniam igitur A centrum est circuli CBD, erit AC ipsi AB æqualis; (1) rursus quoniam B circuli CAE est centrum, erit BC æqualis BA. ostensa est autem & CA æqualis AB. utraque igitur ipsarum CA, CB ipsi AB est æqualis. Quæ autem eidem sunt æqualia, & inter se æqualia sūt. (2) Ergo CA ipsi CB est æqualis, tres igitur CA, AB, BC inter se sunt æquales; ac propterea triangulum æquilaterum est ABC, & constitutum est in data recta linea terminata AB, quod fecisse oportebat.

(1) diff. 15. (2) Com. not. 1.

## PROBLEMA II. PROPOSITIO II.

Ad datum punctum data recta linea aequalem rectam  
lineam perire.




**S** It datum quidem punctum A, data, verò recta linea B C. oportet ad A punctum ipsi B C rectæ lineæ æqualem rectam lineam ponere. Ducatur à pū-

cto A ad B recta linea A B: (1) & in ipsa constituitur triangulum æquilaterum D A B, (2) producanturque in directū ipsi D A D B rectæ lineæ A E B F. (3) & centro quidem B, intervallo autē B C circulus C G H describatur. Rursusque centro D, & intervallo D G describatur circulus G K L. Quoniam igitur punctum B centrum est C G H circuli, erit B C ipsi B G æqualis. (4) Et rursus quoniam D centrum est circuli G K L, erit D L æqualis D G: quarum D A est æqualis D B. reliqua igitur A L reliquæ G B est æqualis. (5) Oñensa autem est B C æqualis B G. Quare utraq; ipsarum A L. B C est æqualis ipsi B G. Quæ autem eidē æqualia sunt, & inter se sunt æqualia (6) Ergo, & A L est æqualis B C. Ad datum igitur punctum A datæ rectæ lineæ B C æqualis posita est A L. Quod facere oportebat.

Pro-

(1) Postul. 1. (2) Prima hujus. (3) Postul. 2. (4) Defin. 15. (5) Com. no. 3. (6) Com. no. 1.

**Problema 1. Propositio 3.** Duabus datis rectis lineis inaequalibus à maiori minori aequalem abscindere.



**S**int datae duae rectae lineae inaequales AB, C; quarum maior sit AB. oportet à maiori AB minori C aequalem rectam lineam abscindere. Ponatur ad A punctum ipsi C aequ-

alis recta linea AD, (1) & centro quidem A, intervallo autem AD circulus describatur DEF. (2) Et quoniam A centrum est DEF circuli, erit AE ipsi AD aequalis. Sed & C aequalis AD. utraq; igitur ipsarum AE, C ipsi AD aequalis erit. (3) Quare & AE ipsi C est aequalis. Duabus igitur datis rectis lineis inaequalibus AB, C; à maiori AB minori C aequalis abscissa est AE. Quod fecisse oportebat.

(1) Ex antecedente. (2) post. 3. (3) Com. no. 1.


**Theorema 1. Propositio 4.** Si duo triangula duo latera duobus lateribus aequalia habeant, alterum alteri; habeant autem, & angulum angulo aequalem, qui aequalibus rectis lineis continetur: & basim basi aequalem habebunt, & triangulum triangulo aequale erit; & reliqui anguli reliquis angelis aequales, alter alteri; quibus aequalia latera subtenduntur.

**S**int duo triangula ABC, DEF, quorum duo latera

A 4

AB

$AB, AC$  duobus lateribus  $DE, DF$  equalia habeant,



alterum alteri, videlicet latus quidem  $AB$  lateri  $DE$  æquale, latus verò  $AC$  ipsi  $DF$ ; & angulum  $BAC$  angulo  $EDF$  æqualem. Dico, & basim  $BC$  basi  $EF$  æqualem


esse, & triangulum  $ABC$  æquale triangulo  $DEF$ , & reliquos angulos reliquis angulis æquales, alterum alteri; quibus æqualia latera subrenduntur; nempe angulum  $ABC$  angulo  $DEF$ : & angulum  $ACB$  angulo  $DFE$ . triangulo enim  $ABC$  congruente ipsi  $DEF$ , & puncto quidem  $A$  posito in  $D$ , recta verò linea  $AB$  in ipsa  $DE$ : & punctum  $B$  puncto  $E$  cōgruet; quod  $AB$  ipsi  $DE$  sit æqualis, Congruente autem  $AB$  ipsi  $DE$ ; congruet, &  $AC$  recta linea, rectæ lineæ  $DF$  cum angulus  $BAC$  sit æqualis angulo  $EDF$ . Quare, &  $C$  congruet ipsi  $F$ : est enim rursus recta linea  $AC$  æqualis rectæ  $DF$ . Sed, & punctum  $B$  congruebat puncto  $E$ . Ergo, & basis  $BC$  basi  $EF$  congruet. Nam si puncto quidem  $B$  congruente ipsi  $E$ ,  $C$  verò ipsi  $F$ ; basis  $BC$  basi  $EF$  non congruit; duæ rectæ lineæ spatium comprehendent: quod fieri non potest. (1) Congruet igitur  $BC$  basis, basi  $EF$ , & ipsi æqualis erit. Quare, & totum  $ABC$  triangulum congruet toti triangulo  $DEF$ , & ipsi erit æquale; & reliqui

*Liber Primus.*

9


Si quilibet angulus reliquis angulis congruent , & ipsis æquales erunt. Videlicet angulus  $A B C$  angulo  $D E F$ , & angulus  $A C B$  angulo  $D F E$ . Si igitur duo triangula duo latera duobus lateribus æqualia habeant, alterum alteri, habeant autem, & angulum angulo æqualem, qui æqualibus rectis lineis continetur: & basim basi æqualem habebunt; & triangulum triangulo æquale erit; & reliqui anguli reliquis angulis æquales, alter alteri, quibus æqualia latera subeunduntur: quod ostendere oportebat.

*Theorema 2. Propositio 5. Equicrurium triagulorum, quæ ad basim anguli inter se sunt æquales, & productis æqualibus rectis lineis, anguli, qui sunt sub basi, inter se æquales erunt.*



**S**it æquicrurum triangulum  $A B C$ ; habens  $A B$  latus, lateri  $A C$  æquale, & producantur in directum ipsis  $A B, A C$  rectæ lineæ  $B D, C E$ . Dico angulum quidem  $A B C$  angulo  $A C B$ , angulum verò  $C B D$  angulo  $B C E$  æqualem esse. Sumatur enim in linea  $B D$ , quodvis punctum  $F$ : atque à majori  $A E$  minori  $A F$  æqualis auferatur  $A G$ : (1) junganturque  $F C, G B$ . Quoniam igitur

(1) tert. Hujus.



igitur  $AF$  quidem est æqualis  $AG$ ;  $AB$  verò ipsi  $AC$ ; duz  $FA$   $AC$ , duabus  $GA$   $AB$  æquales sunt, altera alteri; & angulum  $FAG$  communem continēt. Basis igitur  $FC$  basi  $GB$  est æqualis; & triangulum  $AFC$  æquale triangulo  $AGB$ ; & reliqui anguli, reliquis angulis æquales erunt, alter alteri; quibus æqualia latera subtenduntur (2) Videlicet angulus quidem  $ACF$  æqualis angulo  $ABG$ ; angulus verò  $AFC$ ; angulo  $AGB$ . Et quoniam tota  $AF$ , toti  $AG$  est æqualis; quarum  $AB$  est æqualis  $AC$ ; erit & reliqua  $BF$  reliquæ  $CG$  æqualis. (3) Ostensa est autem  $FC$  æqualis  $GB$ ; duz igitur  $BF$ ,  $FC$  duabus  $CG$   $GB$  æquales sunt, altera alteri; & angulus  $BFC$  æqualis angulo  $CGB$ ; estque basis ipsorum  $BC$  communis; ergo & triangulum  $BFC$  triangulo  $CGB$  æquale erit; & reliqui anguli reliquis angulis æquales, alter alteri; quibus æqualia latera subtenduntur. (4) Angulus igitur  $FBC$  est æqualis angulo  $GCB$ ; & angulus  $BCF$  angulo  $CBG$ . Itaque quoniam totus  $ABG$  angulus toti angulo  $ACF$  æqualis ostensus est, quorum angulus  $CBG$  est æqualis ipsi  $BCF$ ; erit reliquus  $ABC$  reliquò  $ACB$  æqualis: (5) & sunt

(2) Ex præcedente. (3) Axioma. 3. (4) Ex præcedente. (5) Axioma. 3.

& sunt ad basim  $ABC$  trianguli: ostensus autem est, &  $ABC$  angulus æqualis angulo  $GCB$ , qui sunt sub basi. Equiæturum igitur triangulorum, qui ad basim anguli inter se sunt æquales, & productis æqualibus rectis lineis, anguli, qui sunt sub basi inter se æquales erunt. Quod ostendisse oportebat.

*Theorema 3. Propositio 6. Si trianguli duo anguli inter se sint æquales, & æquales angulos subtendentia latera inter se æqualia erunt.*




**S**it triangulum  $ABC$ , habens angulum  $ABC$  angulo  $ACB$  æqualem. Dico &  $AB$  itus lateri  $AC$  æquale esse; si enim inæqualis est  $AB$  ipsi  $AC$ ; altera ipsarum est major. Sit major  $AB$ ; atque à majori  $AB$ , minori  $AC$  æqualis auferatur  $DB$ ; (1) &  $DC$  jungatur. Quoniam igitur  $DB$  est æqualis ipsi  $AC$ ; communis autem  $BC$ : erunt duæ  $DB$   $BC$  duabus  $AC$   $CB$  æquales, altera alteri; & angulus  $DBC$  æqualis angulo  $ACB$ . Basis igitur  $DC$  basi  $AB$  est æqualis, & triangulum  $DBC$  æquale triangulo  $ACB$  (2) minus majori; quod est absurdum. Non igitur inæqualis est  $AB$  ipsi  $AC$ . Ergo æqualis erit. Si igitur trianguli duo anguli inter se sint æquales, & æquales angulos subtendentia latera inter se æqualia erunt: quod demonstrasse oportuit.

*Theo-*

(1) tert. hujus. (2) quart. hujus.

**Theorema 4. Propositio 7.** *In eadem recta linea duabus eisdem rectis lineis alia dua recta linea aequalis, altera alteri non constituentur ad aliud, atque aliud punctum, ad easdem partes, eosdem, quos prima recta linea, terminos habentes.*




**S**I enim fieri potest, in eadem recta linea  $AB$  duabus eisdem rectis lineis  $AC$ ,  $CB$  alia dua recta linea  $AD$ ,  $DB$  aequalis, altera alteri constituentur ad aliud, atque aliud punctum  $C, D$ , ad easdem partes, ut ad  $C, D$ , eosdem habentes terminos  $A, B$ , quos primae rectae lineae, ita ut  $CA$  quidem sit aequalis  $DA$ , eundem, quem ipsa terminum, habens  $A$ ;  $CB$  vero sit aequalis  $DB$ , eundem habens  $B$  terminum; &  $CD$  jungatur. Itaque quoniam  $AC$  est aequalis  $AD$ ; erit, &  $\angle ACD$  angulo  $ADC$  aequalis. (1) Major igitur est  $ADC$  angulus angulo  $DCB$ . Quare angulus  $CDB$  angulo  $DCB$  multo major erit. Rursus quoniam  $CB$  est aequalis  $DB$ , &  $\angle CDB$  aequalis erit angulo  $DCB$ : ostensus autem est ipso multo major; quod fieri non potest. Non igitur in eadem recta linea duabus eisdem rectis lineis alia dua rectae lineae aequales, altera alteri constituentur ad aliud,

(1) quint. hujus.

aliud, atque aliud punctum, ad easdem partes, eosdē, quos primæ rectæ lineæ, terminos habentes; quod ostendisse oportebat.

*Theorema 5. Propositio 8. Si duo triangula duolatera duobus lateribus aequalia habeant, alterum alteri; habeant autem, & basim basi aequalem: angulum quoque, qui aequalibus lateribus continetur, angulo aequalem habebunt.*


**S**int duo triangula  $ABC$ ,  $DEF$ , quæ duolatera  $AB$ ,  $AC$  duobus lateribus  $DE$ ,  $DF$  æqualia habeant, alterum alteri; ut sit  $AB$  quidem æquale  $DE$ ;  $AC$  verò ipsi  $DF$ : habeant autem, & basim  $BC$  basi  $EF$  æqualem. Dico angulū quoque  $BAC$  angulo  $EDF$  æqualem esse. Triangulo enim  $ABC$  congruente ipsi



$DEF$  triangulo, & puncto quidem  $B$  posito in  $E$ ; recta verò linea  $BC$  in  $EF$ : congruet, &  $C$  punctum puncto  $F$ , quoniam  $BC$  ipsi  $EF$  est æqualis. Itaque cōgruente  $BC$  ipsi  $EF$ ;

congruent &  $BA$   $AC$  ipsis  $ED$   $DF$ . si enim basis quidem  $BC$  basi  $EF$  congruit; latera autem  $BA$   $AC$  lateribus  $ED$   $DF$  non congruunt, sed permurantur; ut  $EG$ ,  $GF$ : constituentur in eadem recta linea, duabus eisdem rectis lineis, aliæ duæ rectæ lineæ æquales. altera alteri, ad aliud, atque aliud punctum, ad easdē


par-



partes, eosdem habentes terminos: non constituuntur autem, ut demonstratum est; (1) non igitur, si basis BC congruit basi EF, non congruent, & BA AC latera lateribus ED DF. congruent igitur. Quare & angulus BAC angulo EDF congruet, & ipsi erit æqualis. Si igitur duo triacula, duo latera, duobus lateribus æqualia habeant, alterum alteri; habeant autem, & basim basi æqualē: angulum quoque æqualibus lateribus contentum angulo æqualem habebunt: quod demonstrare oportebat.

(1) In antecedente.

*Problema 4. Propositio 9. Datum angulum rectilineum bisariam secare.*



**S** It datus angulus rectilineus BAC itaque oportet ipsum bisariam secare. Sumatur in linea AB quodvis punctum D; & à linea AC, ipsi AD æqualis auferatur AE; (1) junctaque DE, cōstituatur in ea triangulum æquilaterum DEF; (2) & AF jungatur. Dico angulum BAC à recta linea AF bisariam secari. Quoniam enim AD est æqualis AE;


com-

(1) text. hujus. (2) pr. hujus.

communis autem AF: duæ DA AF duabus EA AF æquales sunt, altera alteri; & basis DF æqualis basi EF, angulus igitur DAF angulo EAF est æqualis. (3) quare datus angulus rectilineus BAC à recta linea AF bifariam sectus est: quod facere oportebat.

(3) Ex antecedente.

*Problema 5. Propositio 10. Datam rectam lineam terminatam bifariam secare.*



**S**it data recta linea terminata AB, oportet ipsam bifariam secare. constituitur in ea triangulum æquilaterum AEC; (1) & secetur ACB angulus bifariam recta linea CD. (2) dico AB rectam lineam in puncto D

bifariam secari. Quoniam enim AC est æqualis CB; communis autem CD; duæ AC CD duabus BC CD æquales sunt; altera alteri: & angulus ACD æqualis angulo BCD basis igitur AD basi BD est æqualis. (1) Et ob id recta linea terminata AB bifariam secta est in puncto D: quod facere oportebat.

*Problema 6. Propositio 11. Data recta linea à puncto in ipsa dato ad rectos angulos rectam lineam ducere.*

**S**it data recta linea AB, & datum in ipsa punctum C, oportet à puncto C ipsi AB ad rectos angulos re-


(1) pri. hujus. (2) Ex antecedente. (3) quart. hujus.

rectam lineam ducere. Sumatur in AC quodvis pun-



ctum D: ipsique CD æqualis ponatur CE, (1) & in DE constitutatur triangulum æquilaterum FDE; (2) & FC jungatur. Dico datæ rectę lineę AB à puncto C in ipsa dato, ad rectos angulos ductam esse FC. Quoniam enim DC est æqualis CE, & FC communis; erunt duę DC CF duabus EC CF æquales, altera alteri; & basis DF est æqualis basi FE. angulus igitur DCF angulo ECF est æqualis, (3) & sunt deinceps. Quando autem recta linea super rectam lineam insistent, eos, qui deinceps sunt, angulos æquales inter se fecerit: rectus est uterque æqualium angularum, (4) ergo uterque ipsorum DCF, FCE est rectus. Datæ igitur rectę lineę AB à puncto in ipsa dato C ad rectos angulos ducta est FC recta linea. Quod fecisse oportuit.

*Problema 7. Propositio 12. Super datam rectam lineam infinitam, à dato puncto, quod in ea non est, perpendicularem rectam lineam ducere.*



**S**it data quidem recta linea infinita AB, datum verò punctum C, quod in ea non est. Oportet super datam rectam lineam infinitam AB, à dato puncto C, quod in ea non est, perpendicularem rectam lineam ducere.

(1) sec. hujus. (2) pr. (3) oct. hujus. (4) Diff. 10.


ducere. Sumatur enim ad alteras partes ipsius AB recta lineae quodvis punctum D: & centro quidem C, intervallo autem CD, circulus describatur EFG: (1) & EG in H bifariam secetur. (2) junganturque CG, CH, CE. Dico super datam rectam lineam infinitam AB, à dato puncto C, quod in ea non est, perpendicularem CH ductam esse. Quoniam enim æqualis est GH ipsi HE, communis autem HC, duæ GH HC, duabus EH, HC æquales sunt, altera alteris & basis CG est æqualis basi CE. Angulus igitur CHG angulo EHC est æqualis, (3) & sunt deinceps; cum autem recta linea super rectam lineam insistens, eos, qui deinceps sunt, angulos, æquales inter se fecerit, rectus est uterque æqualium angulorum, & quæ insistit recta linea, perpendicularis appellatur ad eam, cui insistit, (4) ergo super datam rectam lineam infinitam AB à dato puncto C, quod in ea non est, perpendicularis ducta est CH. Quod facere oportebat.

---

(1) Postul. 3. (2) 10. hujus (3) oct. hujus. (4) D. ff. 10.

*Theorema 6. Propositio 13. Cum recta linea super rectam consistens lineam angulos fecerit, vel duos rectos, vel duobus rectis æquales efficiet.*

**R**ecta enim linea quædam AB super rectam CD consistens angulos faciat CBA, ABD. Dico CBA ABD angulos, vel duos rectos esse, vel duobus rectis æquales, si enim CBA est æqualis ipsi ABD, duo recti  
B
sunt




sunt; ( 1 ) si minus, ducatur à puncto B ipsi CD ad rectos angulos BE. anguli igitur CBE EBD sunt duo recti, & quoniam CBE, duobus CBA ABE est æqualis, communis apponatur EBD. ergo anguli CBE EBD tribus angulis CBA ABE EBD sunt æquales. Rursus quoniam DBA angulus est æqualis duobus DBE, EBA, communis apponatur ABC. anguli igitur DBA ABC tribus DBE EBA ABC æquales sunt. At ostensum est angulos quoque CBE, EBD eisdem tribus æquales esse: quæ verò eisdem sunt æqualia, & inter se æqualia sunt, ( 2 ) ergo, & anguli CBE, EBD ipsis DBA ABC sunt æquales, suntque CBE EBD duo recti anguli; igitur DBA, ABC duobus rectis æquales erunt, ergo cum recta linea super rectam lineam consistens angulos fecerit, vel duos rectos, vel duobus rectis æquales efficiet. Quod oportebat demonstrare.

( 1 ) Defin. 10. ( 2 ) Axioma. 1.

*Theorema 7. Propositio 14. Si ad aliquam rectam lineam, atque ad punctum in ea, dua rectæ lineæ non ad easdem partes posite, angulos, qui deinceps sunt, duobus rectis æquales fecerint; ipsa recta lineæ in directum sibi invicem erunt.*

**A**D aliquam enim rectam lineam AB, atque ad punctum in ea B, duæ rectæ lineæ BC, BD non ad

ad easdem partes positæ, angulos, qui deinceps sunt, ABC ABD duobus rectis æquales faciant . Dico BD ipsi CB in directum esse. Si enim BD non est in directum ipsi CB , sit ipsi CB in directum BE . Quoniam igitur recta linea AB super rectam CBE consistit, anguli ABC ABE duobus rectis sunt æquales. ( 1 ) Sed & anguli ABC ABD sunt æquales duobus rectis. Anguli igitur CBA ABE ipsis CBA ABD æquales erunt. Communis auferatur ABC . Ergo reliquus ABE reliquo ABD est æqualis, minor majori, quod fieri non potest. Non igitur BE est in directum ipsi BC. Similiter ostendemus neque aliam quampiam esse , præter BD. Ergo CB ipsi BD in directum erit . Si igitur ad aliquam rectam lineam, atque ad punctum in ea, duæ rectæ lineæ non ad easdem partes positæ, angulos, qui deinceps sunt, duobus rectis æquales fecerint , ipsæ rectæ lineæ in directum sibi invicem erunt . Quod demonstrare oportebat.




( 1 ) Ex antecedente.

*Theorema 8. Propositio 15. Si dua recta linea se invicem secuerint, angulos, qui ad verticem sunt, inter se æquales efficiunt.*

**D**uæ enim rectæ lineæ AB, CD se invicem fecerint in puncto E . Dico angulum quidem AEC angulo DEB , angulum verò CEB angulo AED æqualem

lem esse. Quoniam enim recta linea AE super rectam CD consistens angulos facit CEA AED; erunt



hi duobus rectis æquales. (1.) Rursum quoniam recta linea DE super rectam AB consistens facit angulos AED DEB, erunt AED DEB anguli æquales duobus rectis. Ostensum autem est angulos quoque CEA AED duobus rectis esse æquales. Anguli igitur CEA

AED angulis AED DEB æquales sunt. Communis auferatur AED. Ergo reliquus CEA reliquo BED est æqualis. (2) Simili ratione, & anguli CEB, DEA æquales ostenduntur. Si igitur duæ rectæ lineæ se invicem secuerint, angulos, qui ad verticem sunt, æquales efficient. Quod ostendere oportebat.

(1) 13. hujus. (2) 3. com. not.


### C O R O L L A R I U M.

Ex hoc manifestè constat rectas lineas, quotquot se invicem secant, facere angulos ad sectionem quatuor rectis æquales.

*Theorema 9. Propositio 16. Omnis trianguli, uno latere producto, exterior angulus utroque interiore, & opposito est maior.*

**S**it triangulum ABC, & unum ipsius latus BC ad D producat. Dico exteriorem angulum ACD utro-


utroque interiore, & opposito, videlicet CBA, & BAC majorem esse, Secetur enim AC bifariam in E, ( 1 )



& juncta BE producat ad F ; ponaturq; ipsi BE æqualis EF. jungatur præterea FC, & ducta AC ad G producat. Quoniam igitur AE quidem est æqualis EC, BE verò ipsi EF, dux AE EB duabus CE EF æquales sūt, altera alteri : & angulus AEB angulo FEC est equalis, ad verticem enim sunt . Basis igitur AB æqualis est basi FC; & ABE triangulum, triangulo FEC, & reliqui anguli reliquis angulis æquales, alter alteri, quibus æqualia latera subtenduntur. ( 2 ) Ergo angulus BAC est æqualis angulo ECF. Sed ECD

angulus major est ipso ECF. Major igitur est angulus ACD angulo BAE. Similiter recta linea BC bifariam secta, ostendetur etiam BCG angulus, hoc est ACD angulo ABC major. Omnis igitur trianguli, uno latere producto, exterior angulus utroque interiore, & opposito major est. Quod oportebat demonstrare.

**Theorema 10. Propositio 17.** *Omnis trianguli duo anguli duobus rectis minores sunt, quomodocumque sumpti.*



**S**it triangulum ABC. Dico ipsius ABC trianguli duos angulos quomodocumque sumptos duobus rectis minores esse. Producat enim BC ad D. Et quoniam trianguli ABC exterior angulus ACD major est interiore,


& opposito ABC: (1) communis apponatur ACB. Anguli igitur ACD, ACB, angulis ABC, BCA majores sunt. Sed ACD, ACB sunt æquales duobus rectis. (2) Ergo ABC, BCA duobus rectis sunt minores. Similiter demonstrabimus angulos quoque BAC, ACB, itemque CAB, ABC duobus rectis minores esse. Omnis igitur trianguli duo anguli duobus rectis minores sunt, quomodocumque sumpti; quod demonstrare oportebat.

(1) 16. hujus. (2) 13. hujus.

**Theorema 11. Propositio 18.** *Omnis trianguli majus latus majorem angulum subtendit.*

**S**it triangulum ABC habens latus AC latere AB majus. Dico, & ABC angulum angulo BCA majorem

jorem esse. Quoniam enim AC majus est, quam AB, ponatur ipsi AB æqualis AD; & BD jungatur. Et




quoniam trianguli BDC exterior angulus est ADB, erit is major interiore, & opposito DCB. (1) sed ADB æqualis est ipsi ABD, quod & latus AB lateri AD

fit æquale, (2) major igitur est & ABD angulus, angulo ACB. quare ABC ipso ACB multo major erit. Omnis igitur trianguli majus latus majorem angulū subtendit: quod oportebat demonstrare.

(1) 16. hujus. (2) 5. hujus.

*Theorema 12. Propositio 19. Omnis trianguli major angulus maior latus subtendit.*




**S** It triangulū ABC majorem habens ABC angulum angulo BCA. dico, & latus AC latere AB majus esse. Si enim non est majus, vel AC est æquale ipsi AB, vel ipso minus.

Æquale igitur non est, nam & angulus ABC angulo ACB æqualis esset; non est autem: non igitur AC ipsi AB est æquale. Sed neque minus, esset enim, &

angulus ABC angulo ACB minor: atqui non est. non igitur AC minus est ipso AB. ostensum autem est neque æquale esse. ergo AC ipso AB est majus. omnis igitur trianguli major angulus majus latus subtendit, quod oportebat demonstrare.

*Theorema 17. Propositio 20. Omnis trianguli duo latera reliqua majora sunt, quomodocumque sumpta.*



**S**it enim triangulum ABC. dico ipsius ABC trianguli duo latera reliqua majora esse, quomodocumque sumpta; videlicet latera quidem BA, AC majora latere BC; latera verò AB BC majora latere AC: & latera BC CA


majora ipso AB. producat enim BA ad punctum D; ponaturque ipsi CA æqualis AD; & DC jungatur. Quoniam igitur DA est æqualis AC, erit & angulus ADC angulo ACD æqualis. (1) Sed BCD angulus major est angulo ACD. angulus igitur BCD angulo ADC est major; Et quoniam triangulum est DCB habens BCD angulum majorem angulo BCD: majorem autem angulum majus latus subtendit: (2) erit latus DB latere BC majus; Sed DB est æquale ipsis BA AC, quare latera BA AC ipso BC majora sunt. Similiter ostendemus, & latera quidem AB BC majora esse

---

(1) s. hujus. (2) Ex antecedente.

se latere CA : latera verò BC CA ipso AB majora.  
Omnis igitur trianguli duo latera reliquo majora  
sunt, quomodocumque sumpta; quod ostendere  
oportebat.

*Theorema 14. Propositio 21. Si à terminis unius lateris  
trianguli dua recta linea intra constituentur, ha reli-  
quis duobus trianguli lateribus minores quidem erunt,  
majorem verò angulum continebunt.*



**T**rianguli enim ABC in vno la-  
tere BC à terminis B, C duæ re-  
ctæ lineæ intra cōstituantur BD, DC.  
Dico BD, DC reliquis duobus trian-  
guli lateribus BA, AC minores qui-  
dem esse, majorem verò continere  
angulum BDC angulo BAC. produ-  
catur enim BD ad E. Et quoniam  
omnis trianguli duo latera reliquo sunt majora (1)  
erunt trianguli ABE duo latera BA AE majora latere  
BE. communis apponatur EC. ergo BA AC ipsis BE  
EC majora sunt. Rursus quoniam CED trianguli  
duo latera CE ED sunt majora latere CD, commu-  
nis apponatur DB. quare CE EB ipsis CD DB sunt  
majora. Sed ostensum est BA AC majora esse BE EC.  
multo igitur BA AC ipsis BD DC majora sunt. Rursus  
quoniam omnis trianguli exterior angulus interiore  
& opposito est major : (2) erit trianguli CDE exte-  
rior


---

(1) Ex antecedente. (2) 16. hujus.

sior angulus BDC major ipso CED. Eadem ratione, & trianguli ABE exterior angulus CEB ipso BAC est major. Sed angulus BDC ostensus est major angulo CEB. multo igitur BDC angulus angulo BAC major erit. Quare si à terminis unius lateris trianguli duæ rectæ lineæ intra constituentur, hæc reliquis duobus trianguli lateribus minores quidem erunt, majorem verò angulum continebunt. quod demonstrare oportebat.

*Problema 8. Propositio 22. Ex tribus rectis lineis, quarum tribus rectis lineis datis æquales sint, triangulum constituere. oportet autem duas reliqua majores esse, quomodocumque sumptas; quoniam omnis trianguli duo latera reliquo majora sunt, quomodocumque sumpta.*

**S**int tres datæ rectæ lineæ A, B, C, quarum duæ reliqua majores sint, quomodocumque sumptæ, ut scilicet A, B quidem sint majores quam C; A, C verò majores quam B; & præterea B, C majores quam A. Itaque oportet ex rectis lineis æqualibus ipsis A, B, C




triangulum constituere. Exponatur aliqua recta linea DE, terminata quidem ad D, infinita verò ad E, & ponatur ipsi quidem A æqualis DF, ipsi vero B æqualis

His FG, & ipsi C æqualis GH: & centro F, intervallo autem FD circulus describatur DKL ( 1 ) Rursusque centro G, & intervallo GH, alius circulus KLG describatur, & jungantur KF, KG. Dico ex tribus rectis lineis æqualibus ipsis A, B, C triangulum KFG constitutum esse. Quoniam enim punctum F centrum est DKL circuli; erit FD æqualis FK, Sed FD est æqualis A. ergo, & FK ipsi A est æqualis. Rursus quoniam punctum G centrum est circuli LKH, erit GH æqualis GK. Sed GH. est æqualis C. ergo, & GK ipsi C æqualis erit; est autem & FG æqualis B tres igitur rectæ lineæ KF, FG, GK tribus A, B, C æquales sunt. Quare ex tribus rectis lineis KF, FG, GK, quæ sunt æquales tribus datis rectis lineis A, B, C, triangulum constitutum est KFG. quod facere oportebat.

( 1 ) tert. postul.

*Problema 9. Propositio 23. Ad datam rectam lineam, & ad datum in ea punctum, dato angulo rectilineo æqualem angulum rectilineum constituere.*

**S**It data quidem recta linea AB, datum verò in ipsa punctum A; & datus angulus rectilineus DCE. oportet igitur ad datam rectam lineam AB, & ad datum in ea punctum A, dato angulo rectilineo DCE, æqualem angulum rectilineum constituere. Sumantur in utraque ipsarum CD, CE quævis puncta D, E, jungaturque DE, & ex tribus rectis lineis, quæ æquales sint tribus CD, DE, EC triangulum con-




constituatur  $AFG$ , ex  
præcedenti ita ut  $CD$   
sit æqualis  $AF$ , &  $CE$   
ipsi  $AG$ , &  $DE$  ipsi  
 $GF$ . Itaque quoniam  
duæ  $DC, CE$  duabus  
 $FA, AG$  æquales sunt,  
altera alteri; & basis  
 $DE$  est æqualis basi

$FG$ : erit, & angulus  $DCE$  angulo  $FAG$  æqualis,  
(1) Ad datam igitur rectam lineam  $AB$ , & ad da-  
tum in ea punctum  $A$ , dato angulo rectilineo  $DCE$   
æqualis angulus rectilineus constitutus est  $FAG$ ,  
quod facere oportebat.

(1) oct. hujus.

*Theorema 15. Propositio 24. Si duo triangula duo latera  
duobus lateribus æqualia habeant, alterum alteri, an-  
gulus autem angulo majorem, qui aequalibus rectis li-  
neis continetur, & basim basi majorem habebunt.*

**S**int duo tri. āgula  $ABC, DEF$ , quæ duo latera  $AB,$   
 $AC$  duobus lateribus  $DE, DF$  æqualia habeant,  
alterum alteri, videlicet latus quidem  $AB$  æquale  
lateri  $DE$ , latus verò  $AC$  æquale  $DF$ : & angulus  $BAC$   
angulo  $EDF$  sit major. Dico, & basim  $BC$  basi  $EF$   
majorem esse. Quoniam enim angulus  $BAC$  major  
est angulo  $EDF$ ; constituatur ad rectam lineam  $DE$ ,  
& ad pñctum in ea  $D$ , angulo  $BAC$  æqualis angulus  
 $EDG$ ,




EDG, (1) ponatur  
que alterutri ipsarum  
AC DF æqualis DG,  
& GE, FG jungantur.  
Itaque quoniam AB  
quidem est æqualis  
DE; AC verò ipsi DG;  
duæ BA AC duabus  
ED DG æquales sunt,

altera alteri; & angulus BAC est æqualis angulo  
EDG. Ergo basis BC basi EG est æqualis. (2) Rursus  
quoniam æqualis est DG ipsi DF; & angulus DFG  
angulo DGF: (3) erit DFG angulus angulo EGF  
major. Multo igitur major est EFG angulus ipso EGF.  
Et quoniam triangulum est EFG, angulum EFG ma-  
jorem habens angulo EGF; majori autem angulo ma-  
jus latere subtenditur. (4) erit, & latus EG latere  
EF majus. Sed EG latus est æquale lateri BC. Ergo, &  
BC ipso EF majus erit. Si igitur duo triangula duo la-  
tera duobus lateribus æqualia habeant, alterum al-  
teri, angulum autem angulo majorem, qui æquali-  
bus rectis lineis continetur: & basim basi majorem  
habebunt. Quod oportebat demonstrare.

Theo-

(1) Ex antecedente (2) quart. hujus. (3) 5 hujus.  
(4) 19 hujus.

**Theorema 16. Propositio 25.** Si duo triangula duo latera duobus lateribus aequalia habeant, alterum alteri, basim verò basi maiorem; & angulum angulo, qui aequalibus lateribus continetur, maiorem habebunt.




**S**int duo triangula ABC DEF, quæ duo latera AB AC duobus lateribus DE DF æqualia habeant, alterum alteri, videlicet latus AB æquale lateri DE, & latus AC lateri DF: basim autem BC basi EF sit maior. Dico, & angulum BAC angulo EDF maiorem esse. Si enim non est maior, vel æqualis est, vel minor. Æqualis autem non est angulus BAC angulo EDF: esset enim, & basis BC basi EF æqualis. (1) Non est autem. Non igitur æqualis est BAC angulus angulo EDF. Sed neque minor. Minor enim esset, & basis BC basi EF. (2) Atqui non est. non igitur angulus BAC angulo EDF est minor. Oñsum autem est, neque esse æqualem. Ergo angulus BAC angulo EDF necessariò maior erit. Si igitur duo triangula duo latera duobus lateribus æqualia habeant, alterum alteri, basim verò basi maiorem; & angulum angulo, qui æqualibus lateribus continetur, maiorem habebunt. Quod demonstrare oportebat.

Theo-

(1) quart. hujus. (2) Ex antecedente.


**Theorema 17. Propositio 26.** Si duo triangula duos angulos duobus angulis aequales habeant, alterum alteri, unumque latus uni lateri aequale, vel quod aequalibus adjacet angulis, vel quod uni aequalium angulorum subtenditur, & reliqua latera reliquis lateribus aequalia, alterum alteri, & reliquum angulum reliquo angulo aequalem habebunt.



**S**int duo triangula ABC DEF, quæ duos angulos ABC BCA duobus angulis DEF EFD æquales habeant, alterum alteri, videlicet angulū quidem ABC æqualem angulo DEF; angulum vero BCA angulo EFD.

Habeant autem, & unum latus uni lateri æquale, & primum quod æqualibus adjacet angulis; nempe latus BC lateri EF. Dico, & reliqua latera reliquis lateribus æqualia habere, alterum alteri, latus scilicet AB lateri DE; & latus AC ipsi DF, & reliquum angulum BAC reliquo angulo EDF æqualem. Si enim inæqualis est AB ipsi DE, una ipsarum major est. Sit major AB, ponaturq; GB æqualis DE, & GC jungatur. Quoniam igitur BG quidem est æqualis DE, BC verò ipsi EF, dux GB BC duobus DE EF æquales sūt, altera alteri: & angulus GBC æqualis angulo DEF. Basis igitur GC basi DF est æqualis: & GBC triangu-  
lum

lum triangulo DEF, & reliqui anguli reliquis angulis æquales, alter alteri, quibus æqualia latera sub-



tenduntur. (1) Ergo GCB angulus est æqualis angulo DFE. Sed angulus DFE angulo BCA æqualis ponitur. Quare, & BCG angulus angulo BCA est æqualis, minor majori, quod fieri non potest. Non igitur

inæqualis est AB ipsi DE. Ergo æqualis erit. Est autem & BC æqualis EF. Itaque duæ AB BC duabus DE EF æquales sunt, altera alteri, & angulus ABC æqualis angulo DEF. Basis igitur AC basi DF, & reliquus angulus BAC reliquo angulo EDF est æqualis. (2) Sed rursus sunt latera, quæ æqualibus angulis subtenduntur, æqualia, ut AB ipsi DE. Dico rursus, & reliqua latera reliquis lateribus æqualia esse; AC quidem ipsi DF, BC verò ipsi EF: & adhuc reliquum angulum BAC reliquo angulo EDF æqualem. Si enim inæqualis est BC ipsi EF, una ipsarum major est. Sit major BC, si fieri potest, ponaturque BH æqualis EF, & AH jungatur. Quoniam igitur BH quidem est æqualis EF, AB verò ipsi DE; duæ AB BH duabus DE EF æquales sunt, altera alteri, & angulos æquales continent. Ergo basis AH basi DF est æqualis, & ABH triangulum triangulo DEF, & reliqui anguli reliquis angulis

(1) quart. hujus. (2) quart. hujus.

gulis æquales erunt, alter alteri, quibus æqualia latera subtenduntur. ( 3 ) Æqualis igitur est angulus BHA angulo EFD Sed EFD est æqualis angulo BCA. Ergo, & BHA angulus angulo BCA est æqualis. Trianguli igitur AHC exterior angulus BHA æqualis est interiore, & opposito BCA, quod fieri non potest. Quare non inæqualis est BC ipsi EF. Æqualis igitur. Est autem, & AB æqualis DE. Dux igitur AB, BC duabus DE, EF æquales sunt, altera alteri, angulosq; æquales continent. Quare basis AC æqualis est basi DF, & ABC triangulum æquale triangulo DEF, & reliquus angulus BAC reliquo angulo EDF est æqualis. Si igitur duo triacula duos angulos duobus angulis æquales habeant, alterum alteri, unumq; latus uni lateri æquale, vel quod æqualibus adjacet angulis, vel quod uni æqualium angulorum subtenditur; & reliqua latera reliquis lateribus æqualia, alterum alteri, & reliquum angulum reliquo angulo æqualem habebunt. Quod oportebat demonstrare.

( 3 ) quart. hujus


*Theorema 18. Propositio 27. Si in duas rectas lineas recta linea incidens alternos angulos inter se æquales fecerit, parallela erunt recta linea.*

**I**N duas enim rectas lineas AB, CD, recta linea EF incidens alternos angulos AEF, EFD æquales inter se faciat. Dico rectam lineam AB ipsi CD parallelam esse. Si enim non est parallela, productæ AB, CD, vel ad partes B, D conveniant, vel ad partes A, C. producantur, convenientque ad partes B, D in puncto G. Itaque GEF trianguli exterior angulus

C

AEF

AEF maior est interiore, & opposito EFG (1) Sed & æqualis, quod fieri non potest : non igitur AB, CD




productæ ad partes B, D convenient. Similiter demonstrabitur neq; convenire ad partes A, C. quæ vero in neutras partes conveniunt, parallelæ inter se sunt. (2) Parallela igitur est AB ipsi CD. Quare si in duas rectas lineas recta linea incidens alternos angulos inter se æquales fecerit, parallelæ inter se erunt, rectæ lineæ, quod ostendere oportebat.

(1) 16. hujus. (2) Diff. 35.

**Theorema 19, Propositio 28.** Si in duas rectas lineas recta linea incidens exteriorem angulum interiori, & opposito, & ad easdem partes aequalem fecerit, vel interiores, & ad easdem partes duobus rectis æquales; parallela erunt inter se rectæ lineæ.

**I**N duas enim rectas lineas AB, CD recta linea EF incidens exteriorem angulū EGB interiori, & opposito GHD æqualem faciat; vel interiores, & ad easdem partes BGH, GHD, duobus rectis æquales. Dico rectam lineam AB rectæ CD parallelam esse. Quoniam .n. EGB angulus æqualis est angulo GHD,



GHD, angulus  
autē EGB angu-  
lo AGH. (1) erit,  
& angulus AGH  
angulo GHD æ-  
qualis, & sunt al-  
terni. Parallela  
igitur est AB ipsi  
CD. (2) Rursus


quoniā anguli BGH, GHD duobus rectis sunt æqua-  
les, & sunt AGH, BGH æquales duobus rectis (3)  
erunt anguli AGH, BGH angulis BGH, GHD æqua-  
les. Communis auferatur BGH. Reliquus igitur  
AGH est æqualis reliquo GHD: & sunt alterni. Ergo  
AB ipsi CD parallela erit. Si igitur in duas rectas  
lineas recta linea incidens exteriorem angulum in-  
teriori, & opposito, & ad easdem partes æqualem  
fecerit, vel interiores, & ad easdem partes duobus  
rectis æquales; parallela erunt inter se rectæ lineæ.  
Quod demonstrare oportebat.

(1) 15. hujus. (2) Ex antecedente (3) 13. hujus.

*Theorema 20. Propositio 29. In parallelas rectas lineas  
recta linea incidens, & alternos angulos inter se aequa-  
les, & exteriorem interiori, & opposito, & ad easdem  
partes æqualem, & interiores, & ad easdem partes  
duobus rectis æquales efficiet.*

**I**N parallelas enim rectas lineas AB, CD recta  
linea incidat EF. Dico alternos angulos AGH,  
GHD inter se æquales efficere, & exteriorem  
EGH, interiori, & ad easdem partes GHD æqualem:

& interiores, & ad easdem partes BGH, GHD duobus rectis æquales. Si enim inæqualis est AGH ipsi




GHD, unus ipsorum major est. Sic major AGH. Et quoniam AGH angulus major est angulo GHD; communis apponatur BGH. Anguli igitur AGH, BGH an-

gulis BGH, GHD majores sunt. Sed anguli AGH, BGH sunt æquales duobus rectis. (1) Ergo BGH, GHD anguli sunt duobus rectis minores. Quæ vero à minoribus, quam sint duo recti, in infinitum producantur rectæ lineæ inter se conveniunt (2) Ergo rectæ lineæ AB, CD in infinitum productæ convenient inter se. Atqui non conveniunt, cum parallelæ ponantur. Non igitur inæqualis est AGH angulus angulo GHD. Quare necessario est æqualis. Angulus autem AGH æqualis est angulo EGB (3) Ergo, & EGB ipsi GHD æqualis erit. Communis apponatur BGH. Anguli igitur EGB, BGH sunt æquales angulis BGH, GHD. Sed EGB, BGH æquales sunt duobus rectis. Ergo, & BGH, GHD duobus rectis æquales erunt. In parallelas igitur rectas lineas recta linea incidens, & alternos angulos inter se æquales, & exteriorem interiori, & opposito, & ad easdem par-

(1) 13. hujus. (2) post 5. (3) 15. hujus.

partes æqualem, & interiores, & ad easdem partes duobus rectis æquales efficiet. Quod oportebat demonstrare.

*Theorema 21. Propositio 30. Quæ eidem rectæ lineæ sunt parallelæ, & inter se parallelæ erunt.*




**S**it utraque ipsarum AB, CD ipsi EF parallelæ. Dico, & AB ipsi CD parallelam esse. Incidat enim in ipsas rectas linea GK. &

quoniam in parallelas rectas lineas AB, EF, recta linea GK incidit, angulus AGH angulo GHE est æqualis. Rursus quoniam in parallelas rectas lineas EF, CD, recta linea incidit GK, æqualis est GHF angulus angulo GKD. ostensus autem est, & angulus AGK angulo GKF æqualis; ergo, & AGK ipsi GKD æqualis erit, & sunt alterni. Parallelæ igitur est AB ipsi CD. Ergo quæ eidem rectæ lineæ sunt parallelæ, & inter se parallelæ erunt, quod oportebat demonstrare.

*Problema 10. Propositio 31. Per datum punctum datæ rectæ lineæ parallelam rectam lineam ducere.*

**S**it datum quidem punctum A, data vero recta linea BC. Oportet per A punctum ipsi BC rectæ

lineæ parallelam rectam lineam ducere. Sumatur in BC, quodvis punctum D, & jungatur AD: con-




stituaturq; ad rectam lineam DA, & ad punctum in ipsa A, angulo ADC æqualis angulus DAE. (1) & in directum ipsi EA recta linea AF producat. Quoniam igitur in duas

rectas lineas BC, EF recta linea AD incidens alternos angulos EAD, ADC inter se æquales efficit, EF ipsi BC parallela erit (2) Per datum igitur punctum A data rectæ lineæ BC parallela ducta est recta linea EAF. quod facere oportebat.

(1) 23. hujus. (2) 27. hujus.

**Theorema 22. Propositio 32.** Omnis trianguli uno latere producto exterior angulus duobus interioribus, & oppositis est æqualis, & trianguli tres interiores anguli duobus rectis æquales sunt.



**S**it triangulum ABC: & unum ipsius latus BC in D. producat. Dico angulum exteriorem ACD duobus interioribus, & oppositis CAB ABC, æqualem esse, & trianguli tres in-


interiores angulos ABC BCA CAB duobus rectis esse æquales. Ducatur. n. per punctum C ipsi AB rectæ lineæ, parallela CE. (1) Et quoniam AB ipsi CE parallela est, & in ipsas incidit AC, alterni anguli BAC, ACE inter se æquales sunt. (2) Rursus quoniam AB parallela est CE, & in ipsas incidit recta linea BD, exterior angulus ECD interiori, & opposito ABC est æqualis. (3) Ostensus autem est angulus ACE æqualis angulo BAC. Quare totus ACD exterior angulus æqualis est duobus interioribus, & oppositis BAC, ABC. communis apponatur ACB. anguli igitur ACD, ACB tribus ABC, BCA, CAB æquales sunt. Sed anguli ACD, ACB sunt æquales duobus rectis. (4) Ergo & ACB, CBA, CAB duobus rectis æquales erunt. Omnis igitur trianguli uno latere producto exterior angulus duobus interioribus, & oppositis est æqualis; & trianguli tres interiores anguli duobus rectis æquales sunt. Quod demonstrare oportebat.

(1) Ex antecedente. (2) 29. hujus. (3) 29. hujus  
(4) 13. hujus.

*Theorema 23. Propositio 33. Quæ æquales, & parallelae, ad easdē partes conjungunt rectæ lineæ, & ipsa æquales, & parallelae sunt.*

**S**int æquales, & parallelae AB, CD: & ipsas conjungant ad easdem partes rectæ lineæ AC, BD. Dico AC BD æquales, & parallelas esse. lunga-  
tus

eurenim BC. Et quoniam AB parallela est CD, in ipsaq; incidit BC, alterni anguli ABC, BCD æquales sunt. (1) Rursus quoniā AB est æqualis CD, communis autem BC, duæ AB, BC duabus BC, CD sunt æquales; & angulus ABC æqualis angulo BCD.



Basis igitur AC basi BD est æqualis: triangulūq; ABC triāgulo BCD: & reliqui anguli reliquis angulis æquales erunt, alter alteri, quibus æqualia latera subtenduntur (2) Ergo angulus ACB angulo CBD est æqualis. Et quoniam in duas rectas lineas AC, BD recta linea BC incidens, alternos angulos ACB, CBD æquales inter se efficit, parallela est AC ipsi BD. (3) Ostensa autem est, & ipsi æqualis. Quæ igitur æquales; & parallelas ad easdem partes conjungunt rectæ lineæ, & ipsæ æquales, & parallelæ sunt. Quod oportebat demonstrare.


---

(1) 29. hujus. (2) 4. hujus. (3) 27. hujus.

**Theorema 24. Propositio 34.** Parallelogrammorum spaiorum latera, quæ ex opposito, & anguli, inter se æqualia sunt; & diameter ea bisariam secat.

**S**it parallelogrammum ACDB, cujus diameter BC. Dico AC, DB parallelogrammi latera, quæ  
ex

ex opposito, & angulos inter se æqualia esse; & diametrum BC ipsum bifariam secare. Quoniam.




n. parallela est AB ipsi CD, & in ipsas incidit recta linea BC; anguli alterni ABC, BCD inter se æquales sunt. Rursum quoniam AC ipsi BD parallela est, & in ipsas incidit BC; al-

terni anguli ACB, CBD æquales sunt inter se. Duo igitur triangula sunt ABC, CBD, quæ duos angulos ABC, BCA duobus angulis BCD, CBD æquales habent, alterum alteri: & unum latus uni lateri æquale, quod est ad æquales angulos, utriq; commune BC. Ergo, & reliqua latera reliquis lateribus æqualia habebunt alterum alteri, & reliquum angulum reliquo angulo æqualem. æquale igitur est latus quidem AB lateri CD: latus vero AC ipsi BD, & angulus BAC angulo BDC æqualis. Et quoniam angulus ABC est æqualis angulo BCD; & angulus CBD angulo ACB, erit totus angulus ABD æqualis toti ACD. Oñensus autem est, & angulus BAC angulo BDC æqualis. Parallelogrammorum igitur spatiorum latera, quæ ex opposito, & anguli inter se æqualia sunt. Dico etiam diametrum ea bifariam secare. Quoniam n. æqualis est AB ipsi CD, communis autem BC, duæ AB, BC duabus DC, CB æquales sunt, altera alteri, & angulus ABC æqualis est angulo BCD. Basis igitur AC basi DB æqualis. Quare, & tri-

gulum ABC triangulo BCD æquale erit. Ergo diameter BC parallelogrammum ACDB bifariam secat. Quod oportebat demonstrare.

*Theorema 25. Propositio 35. Parallelogramma in eadem basi, & in eisdem parallelis constituta, inter se æqualia sunt.*




**S**int parallelogramma ABCD, EBCF in eadem basi BC, & in eisdem parallelis AF, BC constituta. Dico ABCD parallelogrammum parallelogrammo EBCF æquale esse. Quoniam enim parallelogrammum

est ABCD, æqualis est AD ipsi BC. Eadem quoque ratione, & EF est æqualis BC; quare & AD ipsi EF æqualis erit: & communis DE; tota igitur AE tota DF est æqualis, est autem, & AB æqualis DC. Ergo duæ EA, AB duabus FD, DC æquales sunt, altera alteri, & angulus FDC æqualis angulo EAB, exterior interiori; basis igitur EB basi FC est æqualis, & EAB triangulum æquale triangulo FDC (1) cœe auferatur DGE. Reliquum igitur trapezium ABGD reliquo trapezio EG CF est æquale. Commune apponatur GBC triangulum. Ergo totum parallelogrammum

(1) 4. hujus.

num ABCD toti parallelogrammo EBCF æquale erit. Parallelograma igitur in eadem basi, & in eisdem parallelis constituta inter se æqualia sunt. Quod oportebat demonstrare.

*Theorema 26. Propositio 36. Parallelogramma in æqualibus basibus, & in eisdem parallelis constituta inter se æqualia sunt.*



**S**int parallelograma ABCD, EFGH in æqualibus basibus BC, EG, & in eisdem parallelis AH, BG constituta. dico parallelogrammum ABCD pa-


rallelogrammo EFGH æquale esse. Coniungantur enim BE, CH: & quoniam æqualis est BC ipsi FG, & ipsi EH; erit & BC ipsi EH æqualis; suntq; parallelæ, & ipsas coniungunt BE, CH. Quæ autem æquales, & parallelas ad easdem partes coniungunt, æquales, & parallelæ sunt (1) ergo EB, CH & æquales sunt, & parallelæ: quare EBCH parallelogrammum est, & æquale parallelogrammo ABCD; basim enim eandem habet BC, & in eisdem parallelis BC, AD constituitur (2) Simili ratione, & EFGH parallelogram-

---

(1) 33. huius. (2) Ex antecedente.

grammum eidem parallelogrammo EBCH est æquale. Ergo parallelogrammum ABCD parallelogrammo EFGH æquale erit. Parallelogramma igitur in æqualibus basibus, & in eisdem parallelis constituta inter se sunt æqualia. Quod oportebat demonstrare.

*Theorema 27. Propositio 37. Triangula in eadem basi, & in eisdem parallelis constituta inter se æqualia sunt.*



**S**int triangu-  
la ABC, DBC in  
eadem basi BC,  
& in eisdem pa-  
rallelis AD, BC  
constituta. dico  
ABC triangulum  
triangulo DBC  
æquale esse. Pro-


ducatur AD ex utraque parte in E, F puncta: & per B  
quidem ipsi CA parallela ducatur BE, per C vero  
ipsi BD parallela CF: parallelogrammum (1) igitur est  
utrumq; ipsorum EBCA, DBCF, & parallelogram-  
mum EBCA est æquale parallelogrammo DBCF,  
etenim in eadem sunt basi BC, & in eisdem parallelis  
BC, EF, (2) estq; parallelogrammi quidem EBCA  
dimidium ABC triangulum, cum diameter AB ip-  
sum

(1) 31. hujus. (2) 35. hujus.

sum bifariam secet; (3) parallelogrammi vero DB CF dimidium triangulum DBC; diameter .n. DC ipsum bifariam secat. Quæ autem æqualium dimidia, inter se æqualia sunt (4) Ergo triangulum ABC triangulo DBC est æquale. Triangula igitur in eadē basi, & in eisdem parallelis cōstituta inter se æqualia sunt. Quod oportebat demonstrare.

(3) 34. hujus. (4) 7. com. not.

*Theorema 28. Propositio 38. Triangula in basibus æqualibus, & in eisdem parallelis constituta, inter se sunt æqualia.*



**S**int triangula ABC, DEF in æqualibus basibus, BC, EF, & in eisdem parallelis BF, AD cōstituta. Dico ABC triangulum triangulo DEF æqua-


le esse. producaturs enim AD ex utraque parte in G, H puncta: & per B quidem ipsi CA parallela ducatur BG (1) per F vero ducatur FH parallela ipsi DE. Parallelogrammum igitur est utrumque ipsorū GBCA, DEFH. Atq; est parallelogrammum GBCA æqua-

(1) 31. hujus.

$\square$ quale parallelogrammo DEFH: in  $\square$ qualibus .n. sunt basibus BC, EF, & in eisdem BF, GH parallelis. (2) Parallelogrammi vero GBCA dimidium est ABC triangulum, nam diameter AB ipsum bifariam secat (3) Et parallelogrammi DEFH dimidium est triangulum DEF, diameter enim DF ipsum secat bifariam: quæ autem  $\square$ qualium dimidia, inter se  $\square$ qualia sunt. (4) Ergo ABC triangulum triangulo DEF est  $\square$ quale. Triangula igitur in  $\square$ qualibus basibus, & in eisdem parallelis constituta, inter se sunt  $\square$ qualia. Quod demonstrare oportebat.

(2) 35. hujus. (3) 34. hujus. (4) 7. com. not.


*Theorema 29. Propositio 39. Triangula equalia in eadem basi, & ad easdem partes constituta, in eisdem quoque sunt parallelis.*



Sint  $\square$ qualia triangula ABC, DBC in eadem basi BC constituta, & ad easdem partes. Dico, & in eisdem parallelis esse. Iungatur .n. AD. Dico AD parallelam esse ipsi EC. Si enim non est parallela, ducatur per A punctum ipsi BC parallela recta linea AE, & EC jungatur.  $\square$ quale igitur est ABC triangulum triangulo EBC. in eadem .n.

n. est basi BC, & in eisdem BC, AE parallelis. Sed ABC triangulum triangulo DBC est æquale. Ergo, & triangulum DBC æquale est ipsi EBC triangulo, majus minori, quod fieri non potest. Non igitur AE ipsi BC parallela est. Similiter ostendemus neque aliam quampiam parallelam esse, præter ipsam AD. ergo AD ipsi BC est parallela. Triangula igitur æqualia, in eadem basi, & ad easdem partes constituta in eisdem quoque sunt parallelis. Quod oportebat demonstrare.

*Theorema 30. Propositio 40. Triangula æqualia in basibus aequalibus, & ad easdem partes constituta in eisdem quoque sunt parallelis.*




Sint æqualia, triangula ABC, CDE in æqualibus basibus BC, CE constituta. Dico etiam in eisdem esse parallelis. conjungatur, enim AD,

dico AD ipsi BE parallelam esse. Nam si non est, ducatur per A ipsi BE parallela AF, & FE jungatur. triangulum igitur ABC triangulo FCE est æquale, cum in æqualibus basibus, & in eisdem parallelis BE, AF constituentur (1) sed triangulum ABC æqua-

æquale est triangulo DCE, ergo & triangulum DCE triangulo FCE æquale erit, majus minori, quod fieri non potest. non igitur AF ipsi BE est parallela. Similiter demonstrabimus neque aliam quampiam parallelam esse, præter AD. ergo AD ipsi BF parallela erit. Aequalia igitur triangula in basibus æqualibus, & ad easdem partes constituta, etiam in eisdem sunt parallelis. quod demonstrare oportebat.

*Theorema 31. Propositio 41. Si parallelogrammum, & triangulum eandem basim habeant in eisdemque sine parallelis; parallelogrammum ipsius trianguli duplum erit.*



**P** Arallelogrammum enim ABCD, & triangulum EBC, basim habeant eādem BC, & in eisdem

sint parallelis BC, AE. Dico parallelogrammum ABCD trianguli EBC duplum esse. Iungatur. n. AC. triangulum igitur ABC triangulo EBC est æquale; utrumque in eadem basi BC, & in eisdem BC, AE parallelis constituitur. ( 1 ) Sed ABCD parallelogrammum


( 1 ) 37. hujus.

num duplum est trianguli ABC, cum diameter AC ipsum bifariam secet (1) Quare, & ipsius EBC trianguli duplum erit Si igitur parallelogrammum, & triangulum eandem basim habeant, & in eisdem sint parallelis; duplum erit parallelogrammum ipsius trianguli, quod demonstrare oportebat.

(2) 34. hujus.

*Problema 11. Propositio 42. Dato triangulo aequale parallelogrammum constituere in dato angulo rectilineo.*


Sit datum triangulum ABC, datus autem rectilineus angulus D. Itaque oportet, dato triangulo ABC æquale parallelogrammum constituere in angulo rectilineo ipsi D æquali. Secetur BC bifariam



in E, (1) & juncta AE, ad rectam lineam EC, atque ad punctum in ea E, constituatur angulus CEF æqualis  
D
lis

(1) 10. hujus.

lis ipsi D. (2) & per A quidem ipsi BC parallela,



ducatur AG: (3) per C verò ipsi FE ducatur parallela CG. parallelogrammum igitur est FECG. Et quoniam BE est æqualis EC, erit, & ABE triangulum triangulo AEC æquale; in æqualibus .n. sunt basibus BE, EC, & in eisdem BC, AG parallelis.

(4) Ergo triangulum ABC trianguli AEC est duplū. Est autem, & parallelogrammum FECG duplum trianguli AEC, basim .n. eandem haber, & in eisdem est parallelis: (5) æquale igitur est FECG parallelogrammum triangulo ABC, habetq; CEF angulum æqualem angulo D dato. Dato igitur triangulo ABC æquale parallelogrammum FECG constitutum est, in angulo CEF, qui angulo D est æqualis. Quod quidem facere oportebat.


(2) 23. hujus. (3) 31. hujus. (4) 38. hujus  
(5) 41. hujus.

*Theorema 32. Propositio 43. Omnis parallelogrammi spatiorum, qua circa diametrum sunt, parallelogrammorum supplementa inter se sunt æqualia.*

**S**it parallelogrammum ABCD, cujus diameter AC, & circa ipsam AC parallelogramma quidem sint EH, FG, qua verò supplementa dicuntur BK, KD.

Di-

Dico BK supplementum suplemēto KD æquale esse. Quoniam enim parallelogrammum est ABCD, & ejus



diameter AC, æquale est ABC triangulum triangulo ADC. (1) Rursus quoniam EKHA parallelogrammum est, cujus diameter AK, triangulum AEK triangulo AHK æquale erit. Eadem ratione, & triangulum KGC triangulo KFC est æquale. Cum igitur triangulum quidē AEK æquale sit triangulo AHK: triangulum verò KGC ipsi KFC; erit triangulum AEK una cum triangulo KGC æquale triangulo AHK una cum KFC triangulo. Est autem, & totum triangulum ABC æquale toti ADC. reliquum igitur BK supplementum reliquo supplemento KD est æquale, Ergo omnis parallelogrammi spatij, eorum, quæ circa diametrum sunt, parallelogrammorum supplementa inter se equalia sunt. Quod oportebat demonstrare:

(1) 34. hujus.


*Problema 13. Propositio 44. Ad datam rectam lineam dato triangulo aequale parallelogrammum applicare in dato angulo rectilineo.*

**S**it data quidem recta linea AB; datum verò triangulum C: & datus angulus rectilineus D. oportet igitur ad datam rectam lineam AB, dato triangulo C æquale parallelogrammum applicare in an-

D a

gu-

gulo ipsi D æquali. Cōstituatur triangulo C æquale  
parallelogrammum BEFG, in angulo EBG, (1) qui  
est æqualis D, & ponatur BE in directum ipsi AB,  
producaturq; FG, ad H: & per A alterutri ipsarum




BG, EF parallela ducatur AH, (2) & HB jungatur.  
Quoniam igitur in parallelas AH, EF recta linea  
HF incidit, anguli AHF, HFE duobus rectis æquales  
sunt. (3) Quare BHG, GFE duobus rectis sunt mi-  
nores, quæ vero à minoribus, quàm sint duo recti, in  
infinitum producantur, conveniunt inter se. (4)  
Ergo HB, FE productæ convenient. producantur &  
conveniant in K; perque K alterutri ipsarum EA, FH  
parallela ducatur KL, (5) & HA, GB ad L, M puncta  
producantur. parallelogrammum igitur est HLKF,  
cujus diameter HK, & circa HK parallelogramma  
quidem sunt AG, ME; ea vero, quæ supplementa  
dicuntur, LB, BF: ergo LB ipsi BF est æquale. (6)  
Sed, & BF æquale est triangulo C. quare, & LB tri-  
angulo C æquale erit. Et quoniam GBE angulus  
æqualis est angulo ABM, (7) sed & æqualis angulo  
D,

(1) 42. hujus (2) 31. hujus. (3) 29. hujus. (4) 5.  
1. off. (5) 31. hujus. (6) Ex antecedente. (7) 15. hujus.

**B.** erit & angulus ABM angulo D æqualis. Ad datam igitur rectam lineam AB, dato triangulo C æquale parallelogrammum constitutum est LB, in angulo ABM, qui est æqualis angulo D. Quod facere oportebat.

*Problema 13. Propositio 45. Rectilineo dato æquale parallelogrammum constituere in dato angulo rectilineo.*



**S**it datum rectilineum ABCD, datus vero angulus rectilineus E. Itaq: oportet rectilineo ABCD æquale parallelogrammum con-


stituere in angulo ipsi E æquali, conjungantur enim DB, & constituatur triangulo ADB æquale parallelogrammum FH, in angulo HKF. (1) qui est æqualis angulo E. deinde ad rectam lineam GH applicetur triangulo DBC æquale parallelogrammum GM, in angulo GHM. (2) qui angulo E est æqualis. Et quoniam angulus E æqualis est utriq; ipsorum HKF, GHM, erit, & HKF angulo GHM æqualis; communis apponatur KHG. anguli igitur FKM, KHG angulis KHG, GHM æquales sunt. Sed FKH, KHG sunt æquales duobus rectis (3) Ergo, & KHG, GHM

D 3

duo-

(2) 42. hujus. (3) Ex antecedente. (3) 29. hujus.

duobus rectis æquales erunt. Itaque ad aliquam rectam lineam GH, & ad datum in ea punctum H, duæ




rectæ lineæ KH, HM non ad easdem partes positæ angulos deinceps duobus rectis æquales efficiunt. In directum igitur est KH ipsi HM. (4) Et quoniam in paralle-

las KM, FL recta linea HG incidit, alterni anguli MHG, HGF æquales sunt. (5) Communis apponatur HGL. anguli igitur MHG, HGL angulis HGF, HGL sunt æquales. At anguli MHG, HGL æquales sunt duobus rectis (6) Quare, & anguli HGF, HGL duobus rectis æquales erunt. In directum igitur est FG ipsi GL. Et quoniam KF ipsi HG, & æqualis est, & parallela; sed, & HG ipsi ML; erit KF ipsi ML, & æqualis, & parallela, (7) ipsasque conjungunt rectæ lineæ KM, FL. Ergo, & KM, FL æquales, & parallelæ sunt. (8) Parallelogrammum igitur est KFLM, Quod cum triangulum quidem ABD æquale sit parallelogrammo HF; triangulum vero DBC parallelogrammo GM; erit totum ABCD rectilineum toti parallelogrammo KFLM æquale. Dato igitur rectilineo ABCD æquale parallelogrammum constitutum est KFLM in angulo FKM, qui est æqualis angulo E dato. Quod facere oportebat.

(4) 14. hujus. (5) 29. hujus (6) 34. hujus.

(7) 30 hujus. (8) 33. hujus.

**Problema 14. Propositio 48.** *Adatæ rectæ lineæ quadratum describere.*




**S** It data recta linea AB, oportet ab ipsa AB quadratum describere. Ducatur rectæ lineæ AB à puncto in ea dato A ad rectos angulos AC; & ipsi AB æqualis ponatur AD; perque punctum D ducatur DE ipsi AB parallela, & per B ipsi AD parallela ducatur BE. parallelogrammum igitur est ADEB, & AB quidem est æqualis DE, AD verò ipsi BE: Sed, & BA ipsi AD est æqualis; quatuor igitur BA, AD, DE, EB inter se æquales sunt, ideoque æquilaterum est ADEB parallelogrammum. Dico etiam rectangulum esse. Quoniam enim in parallelas AB, DE recta linea incidit AD, anguli BAD, ADE duobus rectis sunt æquales. (1) Rectus autem est BAD. Ergo, & ADE rectus erit. parallelogrammorum verò spatiorum, quæ ex opposito sunt latera, & anguli inter se æqualia sunt (2) Rectus igitur est uterque oppositorum ABE, BED angulorum: & ob id rectangulum est ADEB. Ostensum autem est æquilaterum esse. Quadratum igitur sit necesse est, atque est à recta linea AB descriptum, quod ipsum facere oportebat.

D 4

Theor-

(1) 29. hujus. (2) 34. hujus.

**Theorema 33. Propositio 47.** In rectangulis triangulis, quod à latere rectum angulum subtendente describitur quadratum, æquale est quadratis, quæ à lateribus rectum angulum continentibus describuntur.



**S**ic triangulum rectangulum ABC, rectum habens BAC angulum. Dico quadratū descriptum à recta BC æquale esse quadratis, quæ ab ipsis AB, AC describuntur. Describatur enim à BC quidē quadratū BDEC, ab ipsis verò BA, AC quadrata GB, HC, perq. A alterutri ipsarum BD, CE parallela ducatur

AL; & AD, FC jungantur. Quoniam igitur uterque angulorum BAC, BAG rectus est, ad aliquam rectam lineam BA, & ad datum in ea punctum A duæ rectæ lineæ AC, AG non ad eandem partes positæ, angulos qui deinceps sunt duobus rectis æquales efficiunt. In directum igitur est CA ipsi AG. (1) Eadem ratione, & AB ipsi AH est in directum. Et quoniam angulus DBC est æqualis angulo FBA, rectus .n. uterque est, & communis apponatur ABC: totus igitur DBA angulus toti FBC est æqualis. Quod cum duæ AB, BD duabus FB, BC æquales sint, altera

al-

alteri, & angulus DBA æqualis angulo FBC; erit, & basis AD basi FC æqualis, & ABD triangulum triangulo FBC æquale ( 2 ) estque trianguli quidem ABD duplum BL parallelogrammum, basim. n. eandem habent BD, & in eisdem BD, AL sunt parallelis ( 3 ) trianguli verò FBC duplum est GB quadratum; rursus enim basim habent eandem FB, & in eisdem sunt parallelis FB, GC. Quæ autem æqualium dupla, inter se æqualia sunt. Ergo æquale est parallelogrammum BL ipsi GB quadrato. Similiter junctis AE, BK, ostendetur etiam CL parallelogrammum æquale quadrato HC. Totum igitur BDC quadratum duobus quadratis GB, HC est æquale. Et describitur quidem BDEC quadratum à recta linea BC; quadrata verò GB, HC ab ipsis EA, AC. quadratū igitur BE, à latere BC descriptum æquale est quadratis, quæ describuntur à lateribus BA, AC. Ergo in rectangulis triangulis quadratum, quod describitur à latere rectum angulum subtendente, æquale est quadratis, quæ à lateribus rectum angulum continentibus describuntur. Quod oportebat demonstrare.


---

( 2 ) 4. hujus, ( 3 ) 41. hujus.

*Theorema 34. Propositio 48. Si quadratum, quod describitur ab uno laterum trianguli æquale sit quadratis, quæ à reliquis trianguli lateribus describuntur; angulus reliquis duobus trianguli lateribus contentus rectus erit.*

**T**rianguli enim ABC, quod ab uno latere BC describitur quadratum, æquale sit quadratis, quæ

quæ à reliquis trianguli lateribus  $BA$ ,  $AC$  describuntur. Dico angulum  $BAC$  rectum esse. Ducatur. n. à puncto  $A$  ipsi  $AC$  ad rectos angulos  $AD$ , (1) ponaturque  $AD$  ipsi  $BA$  æqualis, &  $DC$  jungatur. Quoniam igitur  $DA$  est æqualis  $AB$ , erit, & quadratum, quod describitur ex  $DA$ , æquale quadrato, quod ex



$AB$ , commune apponatur quadratum, quod ex  $AC$ . ergo quadrata, quæ ex  $DA$ ,  $AC$  æqualia sunt quadratis, quæ ex  $BA$ ,  $AC$  describuntur. Sed quadratis quidem, quæ ex  $DA$ ,  $AC$ , æquale est, quod ex  $DC$  quadratum; rectus. n. angulus est  $DAC$ : quadratis verò, quæ ex  $BA$ ,  $AC$  æquale ponitur quadratum, quod ex  $BC$ . quadratum igitur, quod ex  $DC$  æquale est ei, quod ex  $BC$  quadrato. Ergo, & latus  $DC$  lateri  $CB$  est æquale. Et quoniam  $DA$  est æqualis  $AB$ , communis autem  $AC$ , dux  $DA$ ,  $AC$  duabus  $BA$ ,  $AC$  æquales sunt, & basis  $DC$  est æqualis basi  $CB$ . angulus igitur  $DAC$  angulo  $BAC$  est æqualis (2) Rectus autem est  $DAC$ . ergo, &  $BAC$  rectus erit. Si igitur quadratum, quod describitur ab uno laterum trianguli, æquale sit quadratis, quæ à reliquis trianguli lateribus describuntur, angulus reliquis duobus trianguli lateribus contentus rectus erit. Quod oportebat demonstrare.

(1) 11. hujus. (2) 8. hujus.

59

# EUCLIDIS

## ELEMENTORUM.

### LIBER SECUNDUS.

Ex traditione Federici  
Commandini.


#### DIFFINITIONES.

1. **O**Mne parallelogrammum rectangulum contineri dicitur duabus rectis lineis, quæ rectum angulum constituunt.
2. Omnis parallelogrammi spatij unumquodque eorum, quæ circa diametrum ipsius sunt, parallelogrammorum, cum duobus supplementis Gnomon vocetur.

*Theorema 1. Propositio 1. Si sint dua recta linea, altera autem ipsarum secta fuerit in quocumque partes; rectangulum duabus rectis lineis contentum aequale est eis rectangulis, quæ recta linea in secta, & singulis partibus continentur.*

**S**int duæ rectæ lineæ A, BC; & secta sit BC utcumque in punctis D, E. dico rectangulam rectis lineis

acis A, BC contentum æquale esse rectangulo, quod continetur A, BD, & rectangulo, quod A, DE, & ei,




quod A, EC continetur. Ducatur .n. à puncto B, ipsi BC ad rectos angulos BF: (1) &que ipsi A ponatur æqualis BG: (2) & per G quidem ipsi BC parallela ducatur GH: (3) per D, E, C verò ducantur DK, EL, CH parallelæ ipsi BG rectangulum igitur

BH est æquale rectangulis BK, DL, EH: atque est BH quidem, quod A, BC continetur; etenim continetur GB, BC; & BG ipsi A est æqualis; rectangulum autem BK, est quod continetur ipsis A, BD; continetur .n. GB, BD, quarum GB est æqualis A: & rectangulum DL, est quod continetur A, DE, quoniam DK, hoc est BG ipsi A est æqualis; & similiter rectangulum EH, est quod A, EC continetur, ergo rectangulum contentum A, BC est æquale rectangulo contento A, BD, & contento A, DE, & adhuc contento A, EC. Si igitur sint duæ rectæ lineæ, altera autem ipsarum secta fuerit in quotiunque partes; rectangulum duabus rectis lineis contentum est æquale eis, quæ recta linea infecta, & singulis partibus continentur. Quod oportebat demonstrare.

Theo-

(1) 11. primi. (2) 1. primi. (3) 31. primi.


**Theorema 2. Propositio 2** Si recta linea secta fuerit utcumque; rectangula, quæ tota, & singulis partibus continentur, æqualia sunt ei, quod à tota fit, quadrato.



**R**ecta enim linea AB secta sit utcumque in puncto C dico rectangulum, quod AB, BC continetur, una cum contento BA, AC æquale esse quadrato, quod fit ex AD. describatur n. ex AB quadratum ADEB, (1) & per C ducatur alterutri ipsarum AD, BE parallela CF (2) æquale igitur est AE rectangulis AF, CE atque est AE quidem quadratum, quod ex AB; AF vero rectangulum contentum BA, AC; etenim DA, AC continetur, quarum AD ipsi AB est æqualis, & rectangulum CE continetur AB. BC, cum BE sit æqualis AB. ergo rectangulum BAC una cum rectangulo ABC æquale est quadrato ex AB. Si igitur recta linea utcumque secta fuerit, rectangula, quæ tota, & singulis partibus continentur, æqualia sunt ei, quod à tota fit, quadrato. Quod demonstrare oportebat.

(1) 46. primi. (2) 31. primi.


**Theorema 3. Propositio 3.** Si recta linea utcumque secta fuerit; rectangulum tota, & una ejus parte contentum aequale est, & rectangulo, quod partibus continetur, & ei, quod à prædicta parte fit, quadrato.



**R**ecta enim linea AB secta sit utcumque in puncto C. Dico ABC rectangulum æquale esse rectangulo ACB una cum quadrato, quod fit ex BC. describatur. n. ex BC quadratum CDEB (1) producaturque ED in F; & per A alterutri ipsarum CD, BE parallela ducatur AF (2) æquale utique erit rectangulum AE ipsis AD, CE: & est AE quidem rectangulum contentum AB, BC; etenim AB, BE continetur, quarum BE est æqualis BC: rectangulum vero AD est quod continetur AC, CB, cum DC ipsa BC sit æqualis: & DB est quadratum, quod fit ex BC. ergo rectangulum ABC est æquale rectangulo ACB una cum quadrato, quod ex BC. Si igitur recta linea utcumque secta fuerit; rectangulum tota, & una ejus parte contentum, æquale est rectangulo, quod partibus continetur, & ei, quod à prædicta parte fit quadrato.

(1) 46. primi. (2) 31 primi.

**Theorema 4. Propositio 4.** Si recta linea secta fueris utcumque, quadratum, quod fit à rota aequale eris, & quadratis, quæ à partibus fiunt, & ei, quod bis partibus continetur, rectangulo.




**R**ecta .n. linea AB secta, sit utcumque in C. dico quadratum, quod fit ex AB æquale esse, & quadratis ex AC, CB, & ei rectangulo, quod bis AC, CB continetur. describatur .n. ex AB quadratum ADEB; (1) jungaturque BD, & per C quidem alterutri ipsarum AD, BE parallela ducatur CGF; (2) per G vero alterutri ipsarum AB, DE ducatur parallela HK. Et quoniam CF est parallela ipsi AD, & in ipsas incidit BD: erit exterior angulus BGC interiori, & opposito ADB æqualis: (3) angulus autem ADB est æqualis angulo ABD, quod, & latus BA æquale est lateri AD (4) quare CGB angulus angulo GBC est æqualis: ac propterea latus BC lateri CG æquale. (5) Sed, & latus CB æquale est lateri GK, & CG ipsi BK, (6) ergo & GK est æquale KB, & CGKB æquilaterum est. dico insuper etiam rectangulum esse. quoniam .n. CG est parallela ipsi BK, & in ipsas incidit GB; anguli KBC, GCB duobus rectis sunt

(1) 46 primi. (2) 31. primi. (3) 29. primi.

(4) 5. primi. (5) 6. primi (6) 34. primi.

sunt æquales. (7) rectus autem est  $\angle KBC$  angulus, ergo, & rectus  $\angle GCB$ , & anguli oppositi  $\angle CGK$ ,  $\angle GKB$



recti erunt. (8) rectangulum igitur est  $\angle CGKB$ . Sed ostensum fuit, & æquilaterum esse. quadratum igitur est  $\angle CGKB$ , quod quidem fit ex  $BC$ . eadem ratione, &  $HF$  est quadratum, quod fit ex  $HG$  hoc est ex  $AC$ . ergo  $HF$ ,  $CK$  ex ipsis  $AC$ ,  $CB$  quadrata sunt, & quoniam rectangulum  $AG$  est æquale rectangulo  $GE$  (9) atque est  $AG$ , quod  $AC$ ,  $CB$  continetur, est .n.  $GC$  ipsi  $CB$  æqualis: erit &  $GE$  æquale ei, quod continetur  $AC$ ,  $CB$ , quare rectangula  $AG$ ,  $GE$  æqualia sunt ei, quod bis  $AC$ ,  $CB$  continetur. Sunt autem, &  $HF$ ,  $CK$  quadrata ex  $AC$ ,  $CB$ . quatuor igitur  $HF$ ,  $CK$ ,  $AG$ ,  $GE$ , & quadratis ex  $AC$ ,  $CB$ , & ei quod bis  $AC$ ,  $CB$  continetur rectangulo sunt æqualia, sed  $HF$ ,  $CK$ ,  $AG$ ,  $GE$  sunt totum  $ADEB$  quadratum, quod fit ex  $AB$ . quadratum igitur ex  $AB$  æquale est, & quadratis ex  $AC$ ,  $CB$ , & ei, quod bis  $AC$ ,  $CB$  continetur rectangulo; quare si recta linea utcumque secta fuerit, quadratum, quod sit à tota æquale erit, & quadratis, quæ à partibus fiunt, & ei rectangulo, quod bis partibus continetur, atque illud est, quod demonstrare oportebat.

ALITER. Dico quadratum ex  $AB$  æquale esse, & qua-

(7) 29. primi. (8) 34. primi. (9) 43. primi.

& quadratis ex AC, CB, & ei rectangulo, quod bis AC, CB. continetur: quoniam n. in eadem figura æqualis est BA ipsi AD; & angulus ABD angulo ADB æqualis erit: (10) & cum omnis trianguli tres anguli duobus rectis sint æquales; (11) erunt trianguli ABD tres anguli ABD, ADB, BAD æquales duobus rectis. rectus autem est angulus BAD, ergo reliqui ABD, ADB sunt uni recto æquales, & sunt æquales inter se se, uterque igitur ipsorum ABD, ADB est recti dimidius. Sed rectus est BCG, æqualis namque est angulo opposito, qui ad A. (12.) reliquus igitur CGB dimidius est recti: ac propterea CGB angulus angulo CBG est æqualis, & latus BC æquale lateri CG. (13.) Sed CB est æqualis GK, & CG ipsi BK. (14) æquilaterum igitur est CK, & cum habeat rectum angulum CBK, etiam est quadratum; quod quidem fit ex CB. eadem ratione, & HF quadratum est, & æquale quadrato, quod ex AC. quadrata igitur sunt CK, HF, & quadratis ex AC, CB æqualia. Rursus quoniam rectangulum AG est æquale ipsi GE (15) atque est AG id quod AC, CB continetur, est enim CG ipsi CB æqualis: erit & GE æquale contento AC, CB. quare AG, GE æqualia sunt ei, quod bis AC, CB continetur. Sunt autem, & CK, HF æqualia quadratis ex AC, CB, ergo CK, HF, AG, GE æqualia sunt, & quadratis ex AC, CB, & ei quod bis AC, CB continetur. Sed CK, HF, & AG, GE sunt totum AE, quod fit ex AB quadratum. quadratum igitur ex AB æquale

E

le


(10) 5. primi. (11) 32. primi. (12) 29. primi. (13) 6. primi. (14) 34. primi. (15) 43. primi.

le est, quadratisquè ex AC, CB, & ei quod bis AC, CB continetur rectangulo: Quod ostendere oportebat.

### C O R O L L A R I U M.

Ex hoc perspicue constat in quadratis spatij parallelogrāma, quæ sunt circa diametrum, quadrata esse.

*Theorema 5. Propositio 5. Si recta linea secta fuerit in partes aequales, & in partes inaequales, rectangulum inaequalibus totius partibus contentum una cum quadrato linea, qua inter sectiones interjicitur, aequale esset, quod à dimidia sit quadrato.*



**R**ecta .n. linea, quædam AB secta sit in partes æquales ad punctum C, & in partes inæquales ad D. Dico rectan-

gulum contentum AD, DB unà cum quadrato, quod ex CD æquale esse ei, quod ex CB, quadrato. Describatur .n. ex BC quadratum CEFB: (1) jungaturque BE; & per D quidem alterutri ipsarum CE, BF parallela ducatur DHG; (2) per H verò ducatur KLO parallela alterutri ipsarum CB, EF, & rursus per A ducatur alterutri CL, BO parallela AK. & quoniam CH supplementum æquale est supplemento HF, (3)

com-

(1) 46. primi. (2) 31. primi (3) 43. primi.

commune apponatur DO; totum igitur CO toti DF est æquale, sed CO est æquale AL; quoniam & AC ipsi CB (4) ergo & AL æquale est DF. commune apponatur CH. totum igitur AH ipsis FD, DL æquale erit. Sed AH quidē est quod AD DB cōtinetur etenim DH ipsi DB est æqualis; FD, DL verò est gnomō MNX. gnomon igitur MNX æqualis est ei, quod AD; DB continetur, commune apponatur LG, æquale sc. licet quadrato, quod ex CD. ergo MNX gnomon, & LG æqualia sunt rectangulo, quod continetur AD, DB, & ei, quod fit ex CD quadrato. Sed MNX gnomon, & LG sunt totum quadratum CEFB, quod quidem fit ex CB, ergo rectangulum ADB una cum quadrato, quod ex CD æquale est ei, quod ex CB quadrato. Si igitur recta linea secta fuerit in partes æquales, & in partes inæquales, rectangulum inæqualibus totius partibus contentum una cum quadrato lineæ, quæ inter sectiones interjicitur, æquale esse ei, quod à dimidia fit quadrato. quod demonstrare oportebat.

---

(4) 36. primi.


*Theorema 6. Propositio 6. Si recta linea bifariam secetur, atque ipsi in rectum adjiciatur quadam recta linea; rectangulum tota cum adjecta, & adjecta contentum, una cum quadrato dimidia, æquale est quadrato, quod ab ea, quæ ex dimidia, & adjecta constat tãquam ab una linea describitur.*

**R**ecta enim linea quædam AB secetur b'fariam in puncto C, adjiciaturque ipsi in rectum BD.

E 2

Di-

Dico rectangulum ADB una cum quadrato ex BC  
æquale esse ei, quod fit ex CD quadrato. Describa-




tur. n. ex CD qua-  
dratum CEFD, (1)  
& jungatur DE; per-  
que B alterutri ipfa-  
rum CE, DF paral-  
lela ducatur BHG:  
(2) & per H duca-  
tur KLM parallela  
alterutri ipsarum

AD, EF; & adhuc per A alterutri CL, DM parallela  
AK. Itaque quoniam AC est æqualis CB; erit, & re-  
ctangulum AL rectangulo CH æquale. (3) Sed CH  
æquale est HF. (4) Ergo, & AL ipsi HF æquale erit.  
Commune apponatur CM. totum igitur AM gno-  
moni NXO est æquale: atque est AM, quod AD, DB  
continetur. etenim DM est æqualis DB Ergo, & gno-  
mon NXO æqualis est rectangulo ADB. Rursus com-  
mune apponatur LG, æquale scilicet quadrato, quod  
ex CB. rectangulum igitur ADB una cum quadrato,  
quod ex BC æquale est gnomoni NXO & ipsi LG. Sed  
gnomon NXO, & LG totum sunt CEFD quadratum;  
quod quidem fit ex CD. Ergo rectangulum ADB una  
cum quadrato ex BC æquale est ei, quod fit ex CD  
quadrato. Si igitur recta linea secetur bisariam,  
adjiciaturque ipsi in rectum quædam recta linea; re-  
ctan-

(1) 46. primi. (2) 31. primi. (3) 36. primi. (4) 43.  
primi.

69  
 frangulum tota cum adjecta, & adjecta contentum  
 una cum quadrato dimidiz æquale est quadrato,  
 quod ab ea, quæ ex dimidia, & adjecta constat, tam-  
 quam ab una linea describitur. quod oportebat de-  
 monstrare.

*Theorema 7. Propositio 7. Si recta linea utcumque secta fuerit, quæ à tota; & una parte sunt utraque quadrata equalia sunt, & rectangulo, quod bis tota, ac dicta parte continetur, & c. quod à reliqua parte fit quadrato.*



**R**ecta enim linea quædam AB secta sit utcumque in puncto C. Dico quadrata ex AB, BC æqualia esse, & rectangulo, quod bis AB, BC continetur, & ei quod fit ex AC quadrato. Describatur enim ex AB quadratum,


ADEB( 1 ) & figura construatur : Itaque quoniam AG rectangulum æquale est rectangulo GE. ( 2 ) cōmune apponatur CF, quare totum AF toti CE est æquale; rectangula igitur AF, CB dupla sunt rectanguli AF. Sed AF, CE sunt KLM gnomon, & quadratum CF, ergo KLM gnomon, & quadratum CF dupla sunt rectanguli AF. est autem id quod vis AB,

**8. 2**

**BC**

( 1 ) 46. primi. ( 2 ) 43. primi.

BC continetur duplum ipsius AF; etenim BF est  
 æqualis BC. gnomon igitur KLM, & quadratum CF




æqualia sunt, ei quod bis  
 AB, BC continetur. com-  
 mune apponatur DG, quod  
 est ex AC quadratum. Er-  
 go gnomon KLM, & qua-  
 drata BG, GD æqualia sunt  
 ei, quod bis AB, BC conti-  
 netur, & quadrato ex AC.  
 at gnomō KLM, & quadra-

ta BG, GD totum sunt ADEB, & CF; quæ sunt ex  
 AB, BC quadrata. quadrata igitur ex AB, BC æqualia  
 sunt rectangulo, quod bis AB, BC continetur unâ cū  
 eo, quod sit ex AC quadrato. Ergo si recta linea ut-  
 cumque secta fuerit; quæ à tota, & una parte fiunt  
 utraque quadrata æqualia sunt rectanguloque, quod  
 bis tota, ac dicta parte continetur, & ei, quod à re-  
 liqua parte sit, quadrato; quod ostendere oportebat.

*Theorema 8. Propositio 8. Si recta linea utcumque secta  
 fuerit, quod quater tota, & una parte continetur re-  
 ctangulum unâ cum quadrato reliqua partis, æquale  
 est quadrato quod ex tota, & dicta parte tamquam ex  
 una linea describitur.*

**R**ecta enim linea AB secta sit utcumque in C.  
 Dico rectangulum quater AB, BC contentum,  
 unâ cum quadrato, quod ex AC, æquale esse quadra-


to, quod ex AB, BC. tamquam ex una linea describitur. Producat. n. recta linea AB in D; & ipsi CB ponatur æqualis BD; describaturque ex AD quadratum AEFD; & dupla figura construatur. Quoniam igitur CB est æqualis BD. atque est CB ipsi GK æqualis; BD verò ipsi KN: erit, & GK æqualis KN (1) eadem ratione, & PR ipsi RO est æqualis, & quoniam CB est æqualis BD, & GK ipsi KN; erit rectangulum quidem CK rectangulo



RD (2) rectangulum verò GR ipsi RN æquale, Sed CK est æquale RN, (3) supplementa .n. sunt parallelogrammi CO. Ergo & KD æquale est GR, & quatuor rectangula DK, KC. GR, RN inter se æqualia: ideoque quadrupla sunt rectanguli CK. Rursus quoniam CB est æqualis BD, & BD quidem ipsi BK, hoc est ipsi CG æqualis; CB verò ipsi GK, hoc est GP: erit & OG æqualis GP. est autè & PR ipsi RO æqualis. rectangulum igitur AG rectangulo MP, & rectangulum PL ipsi RF æquale erit. Sed MP est æquale PL; (4) supplementa enim sunt ML parallelogrammi. Quare & AG ipsi RF est æquale. quatuor igitur  
 B. 4. AG,

(1) 34. primi. (2) 36. primi. (3) 43. primi.  
 (4) 43. primi.

AG, MB, PL, RE inter se aequatæ sunt. ac propterea ipsius AG quadrupla. Oñtensum autem est, & qua-




tuor CK, KD, GR, RN quadrupla esse CK. Quæ octo continentia gnomonem STY ipsius AK quadrupla sunt. Et quoniam AK est quod AB, BC continetur; etenim BK est æqualis BC; erit cõtentum quater AB, BC, ipsius AK quadruplum. At demonstratus est gnomon STY quadruplus

AK. Quod igitur quater AB, BC continetur æquale est gnomoni STY. Commune apponatur XH, quod quidem quadrato ex AC est æquale. Ergo quod quater AB, BC continetur unà cum quadrato ex AC, æquale est ipsi STY gnomoni, & quadrato XH. Sed STY gnomon, & XH totum sunt AEFD quadratum, quod describitur ex AD. Rectangulum igitur quater AB, BC contentum unà cum quadrato ex AC æquale est ei, quod ex AD, hoc est ex AB, BC tamquam ex una linea describitur, quadrato. Ergo si recta linea ætenuque secta fueris; quod quater tota, & una parte continetur rectangulum, unà cum quadrato reliquæ partis æquale est quadrato, quod ex tota, & dicta parte tamquam ex una linea describitur. Quod ostendendum fuerat.

Quod si recta linea ætenuque secta fueris; quod quater tota, & una parte continetur rectangulum, unà cum quadrato reliquæ partis æquale est quadrato, quod ex tota, & dicta parte tamquam ex una linea describitur.

Thy.

**Theorema 9. Propositio 9.** Si recta linea in partes aequales, & in partes inaequales secta fuerit, quadrata, quae ab inaequalibus totius partibus describuntur, dupla sunt, & quadrati dimidia, & quadrati linea eius, quae intersectionem interjicitur.




**R**ecta. n. linea quaedam  $AB$  secta sit in partes aequales, ad  $C$ , & in partes inaequales ad  $D$ . Dico quadrata ex  $AD$ ,  $DB$ , quadratorum ex  $AC$ ,  $CD$  dupla esse. Ducatur n. à puncto  $C$  ipsi  $AB$  ad rectos angulos  $CE$ , (1)

& utrique ipsarum  $AC$ ,  $CB$  aequalis ponatur, iunganturque  $EA$ ,  $EB$ . ac per  $D$  quidem ipsi  $CB$  parallela ducatur  $DF$ ; (2) per  $F$  vero ipsi  $AB$  parallela  $FG$ , &  $AF$  iungatur. itaque quoniam  $AC$  est aequalis  $CE$ ; erit, & angulus  $EAC$  angulo  $AEC$  aequalis. (3) Et cum rectus sit angulus ad  $G$ , reliqui  $AEC$ ,  $EAC$  uni recto aequales erunt. (4) & igitur aequales inter se se; uterque igitur ipsorum  $AEC$ ,  $EAC$  rectus est dimidius. eadem ratione, & recti dimidius est uterque ipsorum  $CEB$ ,  $EBC$ ; ergo totus angulus  $AEB$  rectus est. & quoniam angulus  $GEF$  dimidius est recti, re-

(1) 11. primi. (2) 31. primi. (3) 5. primi.

(4) 32. primi.

Etus autem  $EGF$ ; æqualis .n. est interiori, & opposito  $ECB$ ; (5) erit, & reliquus  $EFG$  recti dimidius: æqua-




lis igitur est  $GEF$  angulus ipsi  $EFG$ , quare, & latus  $FG$  lateri  $GE$  est æquale. (6) Rursus quoniã angulus ad  $B$  dimidius est recti, rectus autem  $FDB$ , quod sit æqualis interiori, & opposito  $ECB$ : reliquus  $BFD$  recti

erit dimidius. angulus igitur ad  $B$  æqualis est angulo  $DFB$ ; ideoque latus  $DF$  lateri  $DB$  æquale, & quoniam  $AC$  est æqualis  $CE$ , erit, & ex  $AC$  quadratum æquale quadrato ex  $CE$  quadrata igitur ex  $AC$ ,  $CE$  dupla sunt quadrati ex  $AC$  quadratis autem ex  $AC$ ,  $CE$  æquale est quadratum ex  $EA$ , si quidem rectus est angulus  $ACE$ . (7) ergo quadratum ex  $EA$  quadrati ex  $AC$  est duplum. rursus quoniam  $EG$  æqualis est  $GF$ ; & quadratum ex  $EG$  quadrato ex  $GF$  est æquale. quadrata igitur ex  $EG$ ,  $GF$  dupla sunt quadrati ex  $GF$ . at quadratis ex  $EG$ ,  $GF$  æquale est quod ex  $EF$  quadratum. Ergo quadratum ex  $EF$  quadrati ex  $GF$  duplum erit. æqualis autem est  $GF$  ipsi  $CD$ . quadratum igitur ex  $EF$  duplum est quadrati ex  $CD$ . Sed & quadratum ex  $AE$  quadrati ex  $AC$  est duplum, ergo quadrata ex  $AE$ ,  $EF$  dupla sunt quadratorum ex  $AC$ ,  $CD$ . quadratis verò ex  $AE$ ,  $EF$  æquale est ex  $AF$  qua-

(5) 29. primi. (6) 6. primi. (7) 47. primi.

quadratum, quoniam angulus AEF rectus est. quadratum igitur ex AF quadratorum ex AC, CD est duplum. Sed quadrato ex AF equalia sunt ex AD, DF quadrata. rectus enim est angulus qui ad D. ergo ex AD, DF quadrata dupla sunt quadratorum ex AC, CD, est autem DF ipsi DB æqualis quadrata igitur ex AD, DB quadratorum ex AC, CD dupla erunt. Quare si recta linea in partes æquales, & in partes inæquales secta fuerit, quæ ab inæqualibus totius partibus describuntur quadrata dupla sunt, & quadrati dimidii, & quadrati lineæ ejus, quæ inter sectionem interjicitur. quod ostendere oportebat.


*Theorema 10. Propositio 10. Si recta linea secetur bifariam, & ipsi in rectum quadam recta linea adjiciatur, quæ à tota cum adjuncta, & adjuncta sunt utraque quadrata dupla sunt, & quadrati dimidia, & quadrati, quod ab ea quæ ex dimidia, & adjuncta constat, tamquam ab una linea describitur.*



**R**ecta enim linea AB secetur bifariam in C, & ipsi in rectum adjiciatur quadam recta linea BD. dico quadrata ex AD, DB quadra-

totum ex AC, CD dupla esse. ducatur enim à pun-  
cto

Et C ipsi AB ad rectos angulos CE, (1) & utrique ipsarum AC, CB æqualis ponatur; junganturq; AE,



EB, & per E quidem ipsi AD parallela ducatur EF; (2) per D verò ducatur DF parallela ipsi CE: & quoniam inter parallelas EC, FD, rectas quædam

linea EF incidit, anguli CER, EFD æquales sunt duobus rectis. (3) anguli igitur FEB, EFD duobus rectis sunt minores, quæ autem à minoribus, quam sint duo recti in infinitum producantur, conveniunt inter sese. (4) Ergo EB, FD productæ ad partes BD convenient; producantur, & conveniant in puncto G, & AG jungatur. itaque quoniam AC est æqualis CE, & angulus AEC angulo EAC æqualis erit: (5) atque est rectus qui ad C. uterque igitur ipsorum EAC, AEC est recti dimidius. eadem ratione, & recti dimidius est uterque CEB, EBC. ergo AEB est rectus, & quoniam EBC est dimidius recti; erit, & recti dimidius DBG; (6) cum sit ad verticem, Sed, & BDG rectus est; etenim est æqualis ipsi DCE alterno. (7) reliquus igitur DGB dimidius est recti, &

ob

(1) 11. primi, (2) 31. primi. (3) 29. primi.

(4) Ex demonstratis ad 29. primi (5) 5. primi.


(6) 15. primi. (7) 29. primi.

ob id ipsi DBG æqualis. ergo & latus BD æquale lateri DG ( 8 ) rursus quoniam EGF est dimidius recti, rectus autem, qui ad F, est enim angulo opposito qui ad C æqualis; erit, & reliquus FEG recti dimidius, & æqualis ipsi EGF. quare & latus GF lateri EF est æquale. & cum EC sit æqualis CA; & quadratum ex EC æquale est ei, quod ex CA, quadrato. ergo quadrata ex EC, CA dupla sunt quadrati ex CA. quadratis autem ex EC, CA æquale est quadratum ex EA. quadratum igitur ex EA quadrati ex AC est duplum. rursus quoniam GF est æqualis FE, æquale est & ex GF quadratum quadrato ex FE. quadrata igitur ex GF, FE quadrati ex EF sunt dupla. at quadratis ex GF, FE, æquale est, quod ex EG quadratum, ergo quadratum ex EG duplum est quadrati ex EF. æqualis autem est EF ipsi CD. quadratum igitur ex EG quadrati ex CD duplum erit. Sed ostensum est. quadratum ex EA duplum quadrati ex AC. ergo ex AE, EG quadrata quadratorum ex AC, CD sunt dupla. quadratis verò ex AE, EG æquale est quod ex AG quadratum. quadratum igitur ex AG duplum est quadratorum ex AC, CD. at quadrato ex AG æqualia sunt ex AD, DG quadrata. ergo quadrata ex AD, DG sunt dupla quadratorum ex AC, CD. Sed DG est æqualis DB. quadrata igitur ex AD, DB quadratorum ex AC, CD sunt dupla. Ergo si recta linea bifariam secetur, & ipsi in rectum quædam recta linea adiciatur; quæ à tota cum adjecta, & adjecta sunt utraq;

qua-

quadrata dupla sunt, & quadrati dimidia, & quadrati, quod ab ea, quæ ex dimidia, & adjecta constat tamquam ab una linea describitur. quod ostendere oportebat.

*Problema 1. Propositio 11. Datam rectam lineam secare ita ut, quod tota, & altera parte continetur rectangulum aequale sit ei, quod à reliqua parte fit, quadrato.*



**S**It data recta linea AB. oportet ipsam AB ita secare, ut quod tota, & altera parte continetur rectangulum æquale sit ei, quod à reliqua parte fit, quadrato. Describatur .n. ex AB quadratum ABDC: seceturque AC bifariam in E, & BE jungatur: deinde producta CA in F, ponatur ipsi BE æqualis EF: describaturque ex AF quadratum FGHA: & GH ad K

producatur. Dico AB sectam esse in H, ita ut ABH rectangulum æquale sit quadrato ex AH. Quoniam .n. recta linea AC bifariam secatur in E; adjiciturque ipsi in rectum AF, rectangulum CFA una cum quadrato ex AE æquale erit quadrato ex EF. (1) Sed EF est æqualis EB, rectangulum igitur CFA una cum quadrato ex AE æquale est ei, quod fit ex EB, quadrato.

(1) 6. hujus.

drato, quadrato autem ex  $EB$  æqualia sunt quadrato ex  $BA$ ,  $AE$  (2) etenim angulus ad  $A$  rectus est. ergo rectangulum  $CFA$  una cum quadrato ex  $AE$  æquale est quadratis ex  $BA$ ,  $AE$ . commune auferatur, quod ex  $AE$  quadratum. reliquum igitur rectangulum  $CFA$  æquale est quadrato ex  $AB$ : est autem  $CFA$  quidem rectangulum  $FK$ . si quidem  $AF$  est æqualis  $FG$ : quadratum autem ex  $AB$  est ipsum  $AD$ . rectangulum igitur  $FK$  æquale est quadrato  $AD$ . commune auferatur  $AK$ , ergo reliquum  $FH$  reliquo  $HD$  est æquale. atque est  $HD$  rectangulum  $ABH$ , cum  $AB$  sit æqualis  $BD$ , &  $FH$  est quadratum ex  $AH$ . rectangulum igitur  $ABH$  quadrato ex  $AH$  æquale erit. Quare data recta linea  $AB$  secta est in  $H$ . ita ut  $ABH$  rectangulum quadrato ex  $AH$  sit æquale. Quod facere oportebat.


(2) 47. primi.

*Theorema 11. Propositio 12. In obtusangulis triangulis, quod à latere obtusum angulum subdendente fit quadratum, majus est, quam quadrata, quæ sunt à lateribus obtusum angulum continentibus, nec angulo contentis uno latere, quæ sunt circa obtusum angulum. in quod scilicet protractum perpendicularis cadit. & linea assumpta exterius à perpendiculari ad angulum obtusum.*

**S**i obtusangulum triangulum  $ABC$ . obtusum angulum habens  $BAC$ .: & ducatur à puncto  $B$  ad  $CA$  protractam perpendicularis  $BD$ . (1) Dico quadrata-

(1) 12. primi.

dratum ex  $BC$  majus esse, quàm quadrata ex  $BA$ ,  $AC$ ,  
 rectangulo, quod bis  $CA$ ,  $AD$  continetur. Quoniam




enim recta linea  $CD$  secta  
 est utcumque in puncto  $A$ ,  
 erit quadratum ex  $CD$   
 æquale, & quadratis ex  $CA$ ,  
 $AD$ , & ei quod bis  $CA$ ,  $AD$   
 continetur rectangulo. (2)  
 Commune apponatur ex  
 $DB$  quadratum. Quadrata  
 igitur ex  $CD$ ,  $DB$  æqualia

sunt, & quadratis ex  $CA$ ,  $AD$ ,  $DB$ , & rectangulo,  
 quod bis  $CA$ ,  $AD$  continetur. Sed quadratis ex  $CD$ ,  
 $DB$  æquale est quadratum ex  $CB$ . (3) Rectus enim  
 est angulus ad  $D$ , cum sit  $BD$  perpendicularis. Qua-  
 dratis verò ex  $AD$ ,  $DB$  æquale est quadratum ex  $AB$ .  
 Quadratum igitur ex  $CB$  æquale est, & quadratis ex  
 $CA$ ,  $AB$ , & rectangulo bis  $CA$ ,  $AD$  contento. Ergo  
 quadratum ex  $CB$  majus est, quàm quadrata ex  $CA$ ,  
 $AB$ , rectangulo quod bis  $CA$ ,  $AD$  continetur. In obtu-  
 rufangulis igitur triangulis, quadratum, quod à la-  
 tere obtusum angulum subtendente fit, majus est  
 quàm quadrata; quæ sunt à lateribus obtusum angu-  
 lum continentibus, rectangulo contento bis uno la-  
 terum, quæ sunt circa obtusum angulum, ad quod  
 protractum perpendicularis cadit, & linea assumpta  
 exterius à perpendiculari ad angulum obtusum.  
 Quod demonstrare oportebat.

Theo-

(2) 4. hujus. (3. 47. primi.

**Theorema 12. Propositio 13.** In acutangulis triangulis, quod à latere acutum angulum subtendente fit quadratum, minus est, quam quadrata, quæ fiunt à lateribus acutum angulum continentibus, rectangulo contento bis uno laterum, quæ sunt circa acutum angulum, in quod perpendicularis cadit, & linea à perpendiculari intus assumpta ad angulum acutum.



**S**it acutangulum triangulum ABC acutum habens angulum ad B: & ducatur à puncto A, ad BC perpendicularis AD. (1) Dico quadratum, quod fit ex AC minus esse, quam quadrata, quæ ex CB, BA,

rectangulo, quod bis CB, BD continetur. Quoniam enim recta linea CB secta est utcumque in D, erunt quadrata ex CB, BD æqualia & rectangulo, quod bis CB, BD continetur, & quadrato ex DC. (2) commune apponatur, quod ex AD quadratum. Quadrata igitur ex CB, BD, DA æqualia sunt, & rectangulo bis CD, BD contento, & quadratis ex AD, DC. Sed quadratis ex BD, DA æquale est quod ex AB quadratum; (3) rectus enim angulus est qui ad D. quadratis vero ex AD, DC æquale est quadratum ex AC. quadra,

F


ta

---

(1) 12. primi. (2) 7. hujus. (3) 47. primi.

ta igitur ex CB, BA sunt æqualia quadrato ex AC, & ei, quod bis CB, BD continetur, rectangulo. quare solum quadratum ex AC minus est quam quadrata ex CB, BA rectangulo, quod bis CB, BD continetur. In acutangulis igitur triangulis quadratum, quod à latere acutum angulum subtendente fit, minus est quam quadrata, quæ sunt à lateribus acutum angulum continentibus, rectangulo contento bis uno latere, quæ sunt circa acutum angulum, in quod perpendicularis cadit, & linea à perpendiculari intus assumpta ad angulum acutum. Quod demonstrare oportebat.

*Problema 2. Propositio 14. Dato rectilineo æquale quadratum constituere.*



**S**It datum rectilineum A. Oportet ipsi A rectilineo æquale quadratum constituere. constituatur rectilineo A æquale

parallelogrammum rectangulum BCDE. ( 1 ) Si igitur BE est æqualis ED factum jam erit, quod proponebatur; etenim rectilineo A æquale quadratum constituitur.

stitutum est BD: sin minus, una ipsarum BE, ED major est. sit BE major, & producat ad F, ponaturque ipsi ED æqualis EF. deinde secta FB bifariam in G centro quidem G, intervallo autem una ipsarum GB, GF semicirculus describatur BHF; producatuq; DE in H, & GH jungantur. Quoniam igitur recta linea BF secta est in partes æquales ad G, & inæquales ad E; erit rectangulum BEF una cum quadrato, quod fit ex EG æquale quadrato ex GF. (1) est autem GF æqualis GH. Rectangulum igitur BEF una cum quadrato ex GE æquale est quadrato ex GH. Sed quadrato ex GH æqualis sunt ex HE, EG quadrata. Ergo rectangulum BEF una cum quadrato ex EG æquale est quadratis ex HE, EG. Commune auferatur ex EG quadratum. Reliquum igitur rectangulum BEF est æquale quadrato ex EH. Sed rectangulum BEF est ipsum BD parallelogrammum, quoniam EF est æqualis ED. Ergo BD parallelogrammum quadrato ex EH est æquale. Parallelogrammum autem BD est æquale rectilineo A. Rectilineum igitur A quadrato ex EH descripto æquale erit. Quare dato rectilineo A æquale quadratum constitutum est, quod videlicet ex ipsa EH describitur. Quod facere oportebat.

**Finis Libri Secundi.**

EU

---

(1) 5. hujus.

ANGVLVS  
SEG

SEGMENTV



SECTOR

TANGENS



SECANS

TAN GEN

TES

SECAN TES

85

# EUCLIDIS

## ELEMENTORUM.

### LIBER TERTIUS.

Ex traditione Federici  
Commandini

#### DIFFINITIONES.

1. **A** Equales circuli sunt, quorum diametri sunt æquales, vel quorum, quæ ex centris sunt æquales.
2. **R**ecta linea circulum contingere dicitur, quæ contingens circulum, & producta ipsum non secat.
3. **C**irculi contingere sese dicuntur, qui contingentes se ipsos non secant.
4. **I**n circulo æqualiter distare à centro rectæ lineæ dicuntur, quando à centro ad ipsas perpendiculares ductæ sunt æquales.
5. **M**agis autem distare à centro dicitur ea, ad quam major perpendicularis cadit.
6. **P**ortio circuli est figura, quæ recta linea, & circuli circumferentia continetur.

7. Portionis autem angulus est, qui recta linea, & circuli circumferentia comprehenditur.
8. In portione angulus est, quando in circumferentia portionis sumitur aliquod punctum, atque ab ipso ad terminos lineæ ejus, quæ basis est portionis, rectæ lineæ ducuntur: angulus vero ductis lineis fit contentus.
9. Quando autem continentes angulum rectæ lineæ assumunt circumferentiam, in illa consistere angulus dicitur.
10. Sector circuli est, quando angulus ad centrum confiterit, figura contenta rectis lineis angulum comprehendentibus, & circumferentia ab ipsis assumpta.
11. Similes circulorum portiones sunt, quæ angulos suscipiunt æquales, vel in quibus anguli æquales consistunt.

### PROBLÉMA I. PROPOSITIO I.


*Dati circuli centrum invenire.*

**S**It datus circulus ABC. oportet circuli ABC centrum invenire. Ducatur in ipso quædam recta linea AB utcumque, & in puncto D bifariam secetur. (1) à puncto autem D ipsi AB ad rectos angulos ducta DC (2) in E producat; & secetur CE bifariam in F. Dico punctum F circuli ABC centrum

---

(1.) 10. primi. (2.) 11. primi.

trum esse, Non .n: sed, si fieri potest, sit G, & GA, GD, GB jungantur. itaque quoniam AD est æqualis



DB, communis autem DG, erunt duæ AD, DG duabus GD, DB, æquales altera alteri: & basis GA æqualis est basi GB (3) sunt .n. ex centro G. angulus igitur ADG angulo GDB est æqualis. (4) Cum autem recta linea super rectam lineâ resistens angulos, qui deinceps sunt, æquales inter se fecerit, rectus est uterque æqualium, angulorum. (5) Ergo angulus


GDB est rectus. Sed, & rectus FDB. æqualis igitur est angulus FDB angulo GDB, major minori, quod fieri non potest. quare G non est circuli ABC centrû. Similiter ostendemus neque aliud esse, præter ipsum F. ergo F centrum est circuli ABC. quod facere oportebat

(3) Diff. 15. primi. (4) 8. primi. (5) Diff. 10. pr.

### COROLLARIUM.

Ex hoc perspicuum est, si in circulo quædam recta linea rectam lineam quandam bisariam, & ad angulos rectos secet, in secante circuli centrum inesse.

**Theorema 1. Propositio 2.** Si in circumferentia circuli, duo quævis puncta sumantur, quæ ipsa conjungit recta linea intra circulum cadet.



**S**it circulus ABC, & in circumferentia ipsius sumantur duo quævis puncta A, B. dico rectam lineam, quæ a puncto A ad B ducitur, intra circulum cadere. Non enim: sed, si fieri potest, cadat extra, ut AEB, & sumpto circuli ABC centro, quod sit D, jungantur DA, DB, & producat DF in E. Quoniam igitur DA est æqualis DB; erit & angulus DAE angulo DBE æqualis. (2) & quoniam trianguli DAE unum-


latus AEB protenditur, angulus DFB angulo DAE major erit. (3) angulus autem DAE æqualis est angulo DBE, ergo DEB, angulus angulo DBE est major. Sed majori angulo majus latus subtenditur. (4) major, igitur est DB ipsa DE, est aut DB æqualis DF. Ergo DF est major DE, minor majore, quod fieri non potest. non igitur à puncto A ad B ducta recta linea extra circulum cadet. Similiter ostendemus neque in

---

(1.) Exanteced. (2.) 5. primi. (3.) 16. primi  
(4.) 18. primi.

in ipsam cadere circumferentiam. Ergo extra cadat necesse est. Si igitur in circumferentiam circuli duo quævis puncta sumantur, quæ ipsa conjungit recta linea intra circulum cadet. quod oportebat demonstrare.


*Theorema 2. Propositio 3. Si in circulo recta linea per centrum ducta rectam lineam quandam non ductam per centrum bifariam secet, & ad angulos rectos ipsam secabit; quod si ad angulos rectos ipsam secet, & bifariam secabit.*



**S**it circulus ABC, & in ipso recta linea per centrum ducta CD rectam lineam quandam AB non ductam per centrum bifariam secet in puncto F. Dico & ad angulos rectos ipsam secare. Sumatur .n. circuli ABC centrum, (r) quod sit E, & AE, EB jungantur. quoniam igitur AF est æqualis FB, communis autem FE, duæ duabus æquales sunt, &

basis EA basi EB est æqualis, ergo & angulus AFE angulo BFE æqualis erit. Cum autem recta linea super rectam insistens, angulos, qui deinceps sunt, æquales inter se fecerit, rectus est uterque æqualium  
an-

angulorum. ( 2 ) uterque igitur AFE, BFE est rectus. quare recta linea CD per centrum ducta rectam li-




neam AB non ductam per centrum bifariam secans, & ad angulos rectos ipsam secabit. Sed CD secet AB ad rectos angulos. Dico, & bifariam ipsam secare, hoc est AF ipsi FB æqualem esse. Iisdem .n. constructis, quoniam EA, quæ ex centro, est æqualis EB, & angulus EAF angulo EBF æqualis erit. ( 3 ) est autem, & AFE rectus æqualis recto BFE. duo

igitur triângula EAF, EBF duos angulos duobus angulis æquales habent, unumque latus uni lateri æquale, EF commune, scilicet utrisque quod uni angulorum æqualium subtenditur. ergo, & reliqua latera reliquis lateribus æqualia habebunt. ( 4 ) Atq; erit AF ipsi FB æqualis. Si igitur in circulo recta linea per centrum ducta rectam lineam quandam non ductam per centrum bifariam secet, & ad angulos rectos ipsam secabit. quod si ipsam secet ad rectos angulos, & bifariam secabit. quod oportebat demonstrare.

Theo-

( 2 ) Diff. 10. primi. ( 3 ) 5. primi. ( 4 ) 26. primi.

*Theorēma 3. Propositio 4. Si in circulo duæ rectæ lineæ se invicem secant non ductæ per centrum, se se bifariam non secabunt.*



**S**it circulus ABCD; & in ipso duæ rectæ lineæ AC, BD se invicem secant in puncto E, non ductæ per centrum, Dico eas se se bifariam non secare. Si .n. fieri potest, secant se se bifariam, ita ut AE sit æqualis EC, & BE ipsi ED : sumaturq; centrum ABCD circuli; ( 1 ) quod sit F, & EF jungatur. quoniam


igitur recta linea FE per centrum ducta rectam lineam quandam AC non ductam per centrum bifariam secat, & ad rectos angulos ipsam secabit. quare rectus est FEA angulus, rursus quoniam recta linea FE rectam lineam quandam BD non ductam per centrum bifariam secat, & ad angulos rectos ipsam secabit. ( 2 ) rectus igitur angulus est FEB. ostensus autem est rectus, & FEA. ergo FEA angulus ipsi FEB æqualis erit, minor majori, quod fieri non potest. Non igitur AC, BD se se bifariam secant. quare si in circulo duæ rectæ lineæ se invicem secant, non ductæ per centrum, se se bifariam non secabunt. quod ostendere oportebat.

*Theo-*

---

1 ) 1. hujus. ( 2 ) Ex antecedente.


*Theorema 4. Propositio 5. Si duo circuli se invicem secant, non erit ipsorum idem centrum.*



Duo enim circuli se invicem secant ABC, CDG in punctis B, C. Dico ipsorum idē centrum non esse. Si .n. fieri potest, sit centrum E; jungaturque EC, & EFG utcumque ducatur; Et quoniam

E centrum est circuli ABC erit CE ipsi EF æqualis. rursus quoniam E centrum est CDG circuli, æqualis est CE ipsi EG. Sed ostensa est CE æqualis EF. ergo EF ipsi EG æqualis erit, minor majori, quod fieri non potest. non igitur punctum E centrum est circulorum ABC, CDG. quare si duo circuli se invicem secant, non erit ipsorum idem centrum. Quod ostendendum fuit.


*Theorema 5. Propositio 6. Si duo circuli se se intra contingant, ipsorum idem centrum non erit.*



Duo .n. circuli ABC, CDE contingant se se intra in puncto C. Dico ipsorum non idem centrum. si enim fieri potest, sit E, jungaturque EC, & EFB utcumque ducatur. quoniam igitur E centrum est circuli ABC æqualis est CE ipsi EB; rursus quoniam E centrum est circuli CDE.

CDF, erit CE æqualis FE. ostensa autem est CE æqualis EB, ergo, & EF ipsi EB est æqualis, minor majori quod fieri non potest. non igitur E punctum centrum est circulorum ABC, CDF. quare si duo circuli se se intra contingant, ipsorum idem centrum non erit. quod demonstrare oportebat.


*Theorema 6. Propositio 7. Si in circuli diametro aliquod punctum sumatur, quod non sit centrum circuli, & ab eo in circulum cadant quædam rectæ lineæ; maxima quidem erit, in qua centrum, minima verò reliquæ; aliarum autem propinquior ei, qua per centrum transit, semper remotiore major est. at duæ tantum æquales ab eodem puncto in circulum cadent ad utrasque partes minima.*



**S**it circulus ABCD, cujus diameter AD: & in ipsa AD sumatur aliquod punctum E, quod non sit centrum circuli. Sit autem circuli centrum E: & à puncto E intra circulum ABCD cadant quædam rectæ lineæ FB, FC, FG. Dico FA maximam esse, & FD minimam: aliarum verò FB quidem ma-

jorem quam FC, & FC majorem quam FG. jungantur. n. BE, CE, GE. Et quoniam omnis trianguli duo latera reliqua sunt majora; (1) erunt BE, EF ma-

maiores quàm BF. est aut AE æqualis EB. Ergo BE, EF ipsi AF sunt æquales. major igitur est AF, quàm



FB. rursus quoniam BE est æqualis EC, communis autem FE, duæ BE, EF duabus CE, EF æquales sunt. Sed BEF angulus major est angulo CEF. basis igitur BF basi FC est major (2) eadem ratione, & CF major est quàm FG. rursus quoniam GF, FE majores sunt quàm EG, æqualis autem GE ipsi ED;

erunt GF, FE majores quàm ED. communis auferatur EF. Ergo reliqua GF major est quàm reliqua ED. maxima igitur est FA, & FD minima: major verò BF quàm FC, & CF quàm FG major. dico, & à puncto F duas tantum rectas lines cadere in circulum ABCD ad utraq; partes minimæ FD. constituatur .n. ad lineam EF, atque ad datum in ea punctum E angulo GEF æqualis angulus FEH. (3) & FH jungatur. quoniam igitur GE est æqualis EH, communis autem EF, duæ GE, EF duabus HE, EF æquales sunt: & angulus GEF est æqualis angulo HEF. basis igitur FG basi FH æqualis erit. (4) dico à puncto F in circulum non cadere aliam ipsi FG æqualem. Si enim fieri potest, cadat FK. & quoniam FK est æqualis FG, estque ipsi FG æqualis FH; erit, & FK ipsi FH æqualis, videlicet propinquior ei, quæ per centrum transit, æqua-


(2) 24. primi. (3) 23. primi. (4) 4. primi.

$\alpha$ qualis remotiori, quod fieri non potest. Vel hoc modo, jungatur EK, & quoniam GE ipsi EK est  $\alpha$ qualis, communis autem FE, & basis GF  $\alpha$ qualis basi FK; erit, & angulus GEF  $\alpha$ qualis angulo KEF. Sed angulus GEF angulo HEF est  $\alpha$ qualis: angulus igitur HEF ipsi KEF  $\alpha$ qualis erit, minor majori, quod fieri non potest quare à puncto F in circulum non cadet alia recta linea  $\alpha$ qualis ipsi GF. Ergo una tantum cadet. Si igitur in circuli diametro aliquod punctum sumatur, quod non sit centrum circuli, & reliqua, quæ sequuntur. quod demonstrare oportebat.

*Theorema 7. Propositio 8. Si extra circulum aliquod punctum sumatur, atque ab eo ad circulum ducantur quadam recta linea, quarum una per centrum transeat, alia verò utcumque; earum quidem, quæ in concavam circumferentiam cadunt, maxima est, quæ per centrum transit; aliarum autem propinquior ei, quæ per centrū, semper remotiore major est. at earum, quæ in curvam circumferentiam cadunt minima est, quæ inter punctum, & diametrum interjicitur; aliarum verò, quæ propinquior minima semper remotiore est minor. duæ autem tantum æquales à puncto in circulum cadunt ad utraq; partes minima.*

**S**it circulus ABC, & extra circulum sumatur aliquod punctum D: ab eo autem in circulum ducantur rectæ lineæ quædam DA, DE, DF, DC: sitque DA per centrum. Dico earum quidem, quæ in concavam AEFC circumferentiam cadunt, maximam esse

esse DA, quæ per centrum transit; & minimam, quæ inter punctum D, & diametrum AG interjicitur, videlicet DG: majorem autem



DE quam DF., & DF majorem quam DC: eorum verò, quæ in curvam circumferentiâ HLKG cadunt, quæ propinquior minime DG semper remotiore esse minorem, hoc est DK minorem, quam DI., & DL minorem quam DH. Sumatur .n. centrum circuli ABC, quod sit M. & jungantur ME, MF, MC, MH, ML, MK. & quoniam AM est æqualis ME, & communis apponatur MD. ergo AD est æqualis ipsi EM, MD. Sed EM, MD sunt majores quàm

ED. ( 1 ) ergo & AD quam ED est major. rursus quoniam æqualis est ME ipsi MF communis apponatur MD. erunt EM, MD ipsi MF, MD æquales; & angulus EMD major est angulo FMD. Basis igitur ED basi FD major erit. ( 2 ) Similiter demonstrabimus, & FD majorem esse quam CD. ergo maxima est DA; major autem DE quàm DF, & DF quàm DC major. Præterea quoniam MK, KD sunt majores quam MD, & MG est æqualis MK; erit reliqua KD quàm reliqua GD major. quare GD minor quam KD, & id.

& idcirco GD, minima est; & quoniam trianguli MLD in uno latere MD, duæ rectæ lineæ MK, KD, intra constituuntur, erunt MK, KD minores ipsi ML LD, (3) quarum MK est æqualis ML, reliqua igitur DK minor est, quàm reliqua DL. Similiter ostendemus & DL, quàm DH minorem esse. Ergo DG minima est; minor verò DK quam DL, & DL minor, quàm DH. Dico etiam duas tantum æquales à puncto D, in circulum cadere ad utraq; minimæ partes; constituatur ad rectam lineam MD, ad datumq; in ea punctum M, angulo KMD æqualis angulus DMB, (4) & DB jungantur; itaque quoniam MK est æqualis MB, communis autem MD, duæ KM, ML duabus BM, MD æquales sunt, altera alteri, & angulus KMD, æqualis angulo BMD, basis igitur DK basi DB est æqualis. (5) Dico à puncto D, nullā aliam ipsi DB æqualem in circulum cadere, si enim fieri potest, cadat DN, & quoniam DK est æqualis DN, & DK ipsi DB est æqualis; erit, & DB æqualis DN, propinquior scilicet minimæ æqualis remotiori, quod fieri non posse ostensum est. Vel & aliter. Iungatur MN, & quoniam æqualis est KM ipsi MN, communis autem MD; & basis DK basi DN æqualis erit, & propterea angulus KMD æqualis angulo DMN. Sed KMD angulus est æqualis angulo BMD; angulus igitur BMD angulo NMD æqualis erit, minor majori quod fieri non potest. Quare, non plures quàm duæ rectæ lineæ à puncto D, in circulum ABC ad utrasque partes mi-

G


ni-

---

(3) 21. primi. (4) 23. primi. (5) 4. primi.

nimæ GD cadent. Si igitur extra circulum aliquod punctum sumatur, & reliqua deinceps, quod ostendere oportebat.

*Theorema 8. Propositio 9. Si intra circulum sumatur aliquod punctum, atque ab eo in circulum cadant plures, quàm dua rectæ lineæ æquales, punctum, quod sumitur, circuli centrum erit.*




**S**it circulus ABC, & intra ipsum sumatur punctum D, à quo in circulum cadant plures, quàm duæ rectæ lineæ æquales, videlicet DA, DB, DC. Dico punctum D, circuli ABC centrum esse. Iungantur enim AB, BC. ieceturq; bifariam in punctis

E, F: & iunctæ ED, DF, ad puncta G, K, H, L producantur, quoniam igitur AE est æqualis EB, communis autē ED, erunt duæ AE, ED, duabus BE, ED, æquales; & basis DA, est æqualis basi DB, angulus igitur AED, angulo BED æqualis erit, ( 1 ) & idcirco uterq; angulorum AED, BED est rectus. ( 2 ) Ergo GK bifariam secans AB, & ad angulos rectos secat. & quoniam si in circulo quædam recta linea, rectam lineam quandam bifariam, & ad angulos rectos secet, in secante est circuli centrum; ( 3 ) erit in GK centrum circuli ABC,

( 1 ) 8. primi. ( 2 ) 13. primi. ( 3 ) Coroll. 1. hujus.

ABC. Eadem ratione, & in HL centrum est ABC circuli, & nullum aliud commune habent rectæ lineæ GK, HL, nisi punctum D. Ergo D circuli ABC est centrum. Si igitur intra circulum sumatur aliquod punctum, atq; ab eo in circulum cadant plures, quàm duæ rectæ lineæ æquales; punctum, quod sumitur circuli centrum erit.

A L I T E R.




Sumatur enim intra circulum ABC punctum aliquod D: atque à puncto D, in circulum ABC cadant plures, quàm duæ rectæ lineæ æquales DA, DB, CD. Dico punctum D, quod sumitur, circuli ABC esse centrum, non enim; sed si fieri potest, sit E, & juncta DE in FG producat, ergo FG diameter est ABC circuli, itaq; quoniam in FG diametro circuli ABC sumptum est aliquod punctum D, quod non est centrum circuli; maxima quidem erit DG, major autem DC, quàm DB, & DB, quàm DA major. (1) Sed, & æquales, quod fieri non potest, non igitur E centrum est circuli ABC. Similiter ostendemus, neque aliud punctum centrum esse præter ipsum D, ergo D circuli ABC, centrum erit, quod oportebat demonstrare.

G 2

Theo-

*Theorema 9. Propositio 10. Circulus circulum in pluribus, quàm duobus punctis non secat.*



**S**I enim fieri potest, circulus ABC circulum DEF secet in pluribus punctis, quàm duobus, videlicet in E, G, H, F; & iunctæ BG, BH bifariam secentur in K, L, atquæ punctis K, L ipsis BG, BH


ad rectos angulos ductæ KC, LM in puncta A, E producantur. Quoniam igitur in circulo ABC quædam recta linea AC rectam lineam quandam BH bifariam, & ad angulos rectos secat, in ipsa AC circuli ABC erit centrum. (1) Rursus quoniam in eodem circulo ABC, quædam recta linea NX rectam lineam quandam BG bifariam secat, & ad rectos angulos; in ipsa NX centrum erit circuli, ostensum autem est, & in ipsa AC centrum esse, & in nullo alio puncto conveniunt inter se rectæ lineæ AC, NX, præter quàm in O, ergo O circuli ABC est centrum. Similiter ostendemus punctum O, centrum esse circuli DEF, ergo duorum circulorum se se secantium ABC, DEF, idem erit centrum O, quod fieri non potest. (2) non igitur circulus circulum secat in pluribus punctis, quàm duobus.

A L I.

---

(1) Coroll. 1. hujus. (2) 3. hujus.

A L I T E R.



Circulus enim ABC rursus circulum DEF secet in pluribus punctis, quàm duobus; nēpē in B, G, F, H, & circuli ABC centrum sumatur, quod sit K, & KB, KG, KF jungantur. quoniā igitur intra circulū DEF

sumptum est aliquod punctum K, à quo in circulum DEF incident plures, quàm duæ rectæ lineæ KB, KG, KF, erit punctum K, circuli DEF centrum: est autem, & circuli ABC centrum K, duorum igitur circulorum, qui se se secant, idem erit K, centrum, quod fieri non potest, quare circulus circulum in pluribus, quàm duobus punctis non secat, quod oportebat demonstrare.

*Theorema 10. Propositio 11. Si duo circuli se se intus contingant, & sumantur centra ipsorum; recta linea ipsorum centra conjungens, & producta in circulorum contactum cadet.*




**D**uo enim circuli ABC, ADE, se se intus contingant in puncto A, & sumatur circuli quidem ABC centrum, quod sit F, circuli verò ADE centrum G. Dico rectam lineam à puncto G, ad F, ductam, si producat in punctum A, cadere. Non enim: sed si fieri potest,

test, cadat vt FGDH. Et AF, AG, jungantur, Itaque quoniam AG, GF, majores sunt, quàm FA, ( 1 ) hoc est quàm FH, communis auferatur FG, reliqua igitur AG major est, quàm reliqua GH. Sed AG est equalis GD. Ergo GD ipsa GH, est major, minormajore quod fieri non potest. Non igitur à puncto F, ad G, ducta recta linea extra contactum A cadet, quare in ipsum cadat necesse est. Si igitur duo circuli se se intus contingant; recta linea ipsorum centra conjungens, si producat in contactum circulorum cadet, quod oportebat demonstrare.

(1) 20. primi.

## A L I T E R.




**Theo-**

(1) 20 primi.

**Theorema II. Propositio 12.** Si duo circuli se se extra contingant, recta linea ipsorum centra conjungens per contactum transibit.

**D**uo enim circuli ABC, ADE, se se extra contingant in puncto A; & sumatur circuli quidem




ABC centrum, quod sit F: circuli verò ADE centrum G. Dico rectam lineam, quæ à puncto F, ad G, ducitur, per contactum A, transire. Non enim: sed si fieri potest, cadat, ut FCDG: & FA, AG, jungantur. Quoniam igitur F, centrū est circuli ABC, erit AF æqualis FC. Rursus quoniam G, centrum est ADE circuli, erit AG, ipsi GD æqualis, ostensa est autem, & AF æqualis FC, sunt igitur FA, AG, ipsis FC, DG, æquales. Ergo tota FG, major est, quàm FA, AG. Sed & minor, ( 1 ) quod fieri non potest. Non igitur à puncto F, ad G, ducta recta linea per contactum A, non transibit, quare per ipsum transeat necesse est. Si igitur duo circuli se se extra contingant, recta linea ipsorum centra conjungens per contactum transibit, quod oportebat demonstrare.

G 4

Theo-


*Theorema 12. Propositio 13. Circulus circulum non contingit in pluribus punctis, quàm uno, siue intus siue extra contingat.*



**S**I enim fieri potest, circulus ABDC circulum EBFD cōtingat primum intus in pluribus punctis, quàm uno, videlicet in B, D: & sumatur circuli quidem ABDC cētrum G; circuli verò EBFD centrū H, ergo recta linea, quæ à puncto G, ad H, ducitur, in pūcta BD cadet. cadat, ut BGHD, & quoniam G, centrum est circuli ABDE, erit BG ipsi GD æqualis, major igitur est BG, quàm HD; & BH, quàm HD, multo major. Rursus quoniā H, centrum est EBFD circuli, æqualis est BH ipsi HD, atqui ostensa est ipsa multo major, quòd fieri non potest, non igitur circulus circulum intus contingit in pluribus punctis, quàm uno. Dico etiam neque extra contingere. Si enim fieri potest, circulus ACK circulum ABDC extra cōtingat in pluribus punctis, quàm uno, videlicet in A, C, & AC, jungatur. Itaq; quoniam in circumferentia utrorumque circulorum ABDC, ACK, sumpta sunt duo quævis puncta A, C; recta linea, quæ ipsa conjungit intra utrumque ipsorum cadet. Sed intra circulum quidē ABDC cadit, extra circulum verò ACK, quod est absurdum, non igitur.

igitur circulus circulum extra contingit in pluribus punctis, quàm uno: ostensum autem est neque intus contingere, circulus igitur circulum non contingit in pluribus punctis; quàm uno, si vè intus, si vè extra contingat, quod oportebat demonstrare.

*Theorema 13. Propositio 14. In circulo aequales rectæ lineæ aequaliter à centro distant; & quæ aequaliter à centro distant, inter se sunt aequales.*




**S**it circulus ABDC, & in ipso æquales rectæ lineæ AB, CD. dico eas à centro æqualiter distare. Sumatur enim circuli ABDC centrum, quod sit E, & ab ipso ad AB, CD, perpendiculares ducantur EF, EG, & AE, EC, jungantur. Quoniam igitur recta linea quædam per centrum ducta EF, rectam li-

neam quandam AB, non ductam per centrum ad rectos angulos secat, & bifariam ipsam secabit. (1) Quare AF, est æqualis FB, ideòque AB, ipsius AF, dupla. eadem ratione, & CD, dupla est CG, atque est AB ipsi CD æqualis, æqualis igitur, & AF ipsi CG. Et quoniam AE, est æqualis EC, erit, & quadratum ex AE, quadrato ex EC æquale. Sed quadrato quidè ex AE, æqualia sunt ex AF, FE, quadrata (2) rectus enim angulus est ad F: quadrato autem ex EC æqualia

---

(1) 3. hujus. (2) 47. primi.

lia sunt quadrata ex EG, GC, cum angulus ad G, sit




rectus. Quadrata igitur ex AF, FE, æqualia sunt quadratis ex CG, GE, quorum quadratum ex AF quadrato ex CG est æquale, etenim æqualis est AF ipsi CG, reliquum igitur, quod sit ex FE, quadratum, æquale est reliquo, quod ex EG; ac propterea FE ipsi EG est æqualis: in circulo autem æqualiter

distare à centro rectæ lineæ dicuntur, quando à centro ad ipsas perpendiculares ductæ æquales sunt, ergo AB, CD, à centro æqualiter distant; sed AB, CD, æqualiter distant à centro, hoc est æqualis sit FE ipsi EG, dico AB, ipsi CD, æqualem esse. Iisdem enim constructis, similiter ostendemus AB, duplam esse ipsius AF, & CD, duplam ipsius CG. Et quoniam æqualis est AE, ipsi EC, erit, & ex AE, quadratum quadrato ex EC, æquale. Sed quadrato quidem ex AE, æqualia sunt quadrata ex EF, FA: quadrato autem ex EC, æqualia quadrata ex EG, GC, quadrata igitur ex EF, FA, quadratis ex EG, GC, æqualia sunt, quorum quadratum ex EG, æquale est quadrato ex EF; est enim EG, ipsi EF æqualis, reliquum igitur ex AF quadratum æquale est reliquo ex CG, ergo AF ipsi CG est æqualis, atque est AB, ipsius AF dupla, & CD, dupla ipsius CG. In circulo igitur æquales rectæ lineæ æqualiter à centro distant, & quæ æqualiter à centro distant, inter se sunt æquales. Quod oportebat demonstrare.

*Theo-*

*Theorema 14. Propositio 15. In circulo maxima quidem est diameter; aliarum verò semper propinquior ei, quæ per centrum transit, remotiore major est.*




**S**it circulus ABCD, cujus dia-  
meter AD, centrum E, &  
propinquior quidē diametro  
AD, sit BC, remotior verò  
FG. dico AD maximam esse,  
& BC majorem, quàm FG. Du-  
cantur enim à centro ad BC,  
FG, perpendiculares EH, EK.  
& quoniam BC propinquior  
est ei, quæ per centrū transit,  
remotior autem FG; erit EK,  
quàm EH major. ponatur ipsi EH, æqualis EL, & per  
L, ipsi EK, ad rectos angulos ducta LM in N, produ-  
catur, & jungantur EM, EN, EF, EG. Quoniam igitur  
EH, est æqualis EL, erit, & BC ipsi MN, æqualis,  
(1) rursus, quoniam æqualis est AE, ipsi EM, & DE,  
ipsi EN, erit, & AD, ipsis ME, EN, æqualis. Sed ME,  
EN, majores sunt, quàm MN, ergo, & AD, major est,  
quàm MN, & MN, est æqualis BC, est igitur AD, quàm  
BC, major. Quòd cum duæ EM, EN, duabus FE, EG,  
æquales sint, angulusque MEN, major angulo FEG,  
& basis MN, basi FG major erit, (2) ostensa autem  
est MN, æqualis BC, ergo, & BC, quàm FG, est major.  
Ma.

(1) Ex antecedente. (2) 24. primi.

Maxima igitur est AD diameter, & BC major, quàm FG. Quare in circulo maxima est diameter, aliarum verò semper propinquior ei, quæ per centrum transit remotiore est major. Quod demonstrare oportebat.

*Theorema 15. Propositio 16. Qua diametro circuli ad rectos angulos ab extremitate ducitur, cadit extra circum-  
lum: & in locum, qui inter rectam lineam, & circum-  
ferentiam interjicitur, altera recta linea non cadet: &  
semicirculi angulus omni angulo acuto rectilineo ma-  
ior est; reliquus autem minor.*



**S**it circulus ABC, circa cen-  
trum D, & diametrum AB,  
dico rectam lineam, quæ à  
puncto A, ipsi AB, ad rectos an-  
gulos ducitur extra circum-  
cadere. Non enim, sed, si fieri  
potest, cadat intus, ut AC, &  
DC jungatur. Itaque quoniã  
æqualis est DA, ipsi DC, erit, & angulus DAC angulo  
ACD æqualis, (1) rectus autem est DAC, ergo, &  
ACD est rectus; ac propterea anguli DAC, ACD,  
duobus rectis æquales sunt, quod fieri nō potest, (2)  
non igitur à pūcto A ipsi BA ad rectos angulos ducta  
cadet intra circum-ferentiam. Similiter ostendemus, neque in  
circum-ferentiam cadere, extra igitur cadat necesse  
est. cadat, ut AE, dico in locum, qui inter rectam,  
li-

(1) 5. primi. (2) 17. primi.


lineam AE, & circumferentiam CHA interjicitur, alteram rectam lineam non cadere. Si enim fieri potest, cadat, ut FA, & à puncto D, ad FA, perpendicularis ducatur DG; & quoniam rectus est angulus AGD, minor autem recto DAG, erit DA, quàm DG major, (3) æqualis autem est DA, ipsi DH, major igitur est DH ipsa DG, minor majore, quod fieri non potest. Non igitur in locum, qui inter rectam lineam, & circumferentiam interjicitur, altera recta linea cadet. Dico præterea angulum semicirculi, qui recta linea BA, & circumferentia CHA continetur, omni angulo acuto rectilineo majorem esse; reliquum verò contentum circumferentia CHA, & recta linea AE, omni angulo acuto rectilineo esse minorem. Si enim est aliquis angulus rectilineus major quidem contento recta linea BA, & CHA circumferentia, minor autem contento CHA circumferentia, & recta linea AE, in locum, qui inter circumferentiã CHA, & rectam lineam AE interjicitur, cadet aliqua recta linea, quæ faciet angulum majorem quidem contento recta linea BA, & CHA circumferentia, qui scilicet rectis lineis continetur, minorem verò contento circumferentia CHA, & AE recta linea: non cadit autem, non igitur erit angulus acutus, qui rectis lineis continetur, major angulo contento recta linea BA, & CHA circumferentia, neque minor contento circumferentia CHA, & AE, recta linea.

CO-

## COROLLARIUM.

Ex hoc manifestum est rectam lineam, quæ ab extremitate diametri circuli ad rectos angulos ducitur, circulum contingere, & rectam lineam contingere circulum in uno tantum puncto, quoniam quæ occurrit in duobus punctis intra ipsum cadit, ut ostensum est.

*Problema 2. Propositio 17. A dato puncto rectam lineam ducere, qua datum circulum contingat.*




**S**it datum quidem punctum A, datus autem circulus BCD, oportet à puncto A, rectam lineam ducere, quæ circulum BCD contingat. Sumatur enim centrum circuli E; & iuncta AE, centro quidem E, intervallo autem EA, circulus AFG, describatur: & à puncto D, ipsi EA, ad rectos angulos ducatur DF: junganturque EBF, AB. Dico à puncto A, ductam esse AB, quæ circulum BCD, contingit. Quoniam enim E, centrum est circulorum BCD, AFG, erit EA, æqualis EF, & ED, ipsi EB. Dux igitur AE, EB, duabus FE, ED, æquales sunt, & angulum communem continent, qui est ad E, ergo basis DF, basi AB, est æqualis; triangulumque DEF, æquale triangulo EBA, & reliqui anguli, reliquis angulis. (1) æqualis igitur est angulus EBA, angulo EDF, & EDF, rectus est, quare, & rectus EBA: atque est EB, ex centro,

tro, quæ autem diametro circuli ab extremitate ad rectos angulos ducitur, circulū contingit, ( 2 ) ergo AB, contingit circulum. A dato igitur puncto A, ducta est recta linea AB, quæ circulum BCD contingit, quod facere oportebat.

( 2 ) Ex antecedente.

*Theorema 16. Propositio 18. Si circulum contingat quædam recta linea, à centro autem in contactum rectæ linea ducatur, ea ad cōtingentem perpendicularis erit.*




Circulum enim ABC, contingat quædam recta linea DE, in puncto C : & circuli ABC, centrum sumatur F, à quo ad C, ducatur FC. Dico FC ad ipsam DE, perpendicularem esse. Si enim non ita sit, ducatur à puncto F, ad DE, perpendicularis FG. Quoniam igitur angulus FCC, rectus est, erit GCF acutus, ( 1 ) ac propterea FGC, angulus major angulo FCG, majorem autem angulum majus latus subtendit, ( 2 ) major igitur est FC, quàm FG, æqualis autem FC, ipsi FB, ergo FB, ipsa FG, est major, minor majore, quod fieri non potest, non igitur FG, est perpendicularis ad DE. Similiter ostendemus neq; aliam quam-

piam

( 1 ) 17. primi. ( 2 ) 19. primi.

piam esse præter ipsam FC, ergo FC, ad DE, est perpendicularis. Si igitur circulum contingat quædam recta linea, à centro autem in contactum recta linea ducatur, ea ad contingentem perpendicularis erit, quod oportebat demonstrare.


*Theorema 17. Propositio 19. Si circulum contingat, quædam recta linea, à contactu autem ad rectos angulos contingentis recta linea ducatur: in ea circuli centrum erit.*



**C**irculum enim ABC cōtingat quædam recta linea DE, in C, & à puncto C, ipsi DE, ad rectos angulos ducatur CA. Dico in ipsa AC, circuli centrum esse. Non enim: sed, si fieri potest, sit F, centrū, & jungatur CF. Quoniam igitur circulum ABC, contingit quædam recta linea DE, & à centro ad contactum, ducta est FC; erit FC ad ipsam DE, perpendicularis; rectus igitur angulus est FCE; est autē, & ACE rectus, ergo FCE, angulus est æqualis angulo ACE, minor majori, quod fieri non potest. Non igitur F, centrum est ABC circuli. Similiter ostendemus neque aliud aliquod esse, præterquàm in ipsa AC. Quare si circulum contingat, quædam recta linea, à contactu autem ad rectos angulos contingentis recta linea ducatur; in ea circuli erit centrum; quod demonstrare oportebat.

*Theo-*

*Theorema 18. Propositio 20. In circulo angulus, qui ad centrum, duplus est ejus, qui ad circumferentiam, quando circumferentiam eandem pro basi habeant.*



**S**it circulus ABC, ad cujus cētrum quidem angulus sit BEC, ad circumferentiam verò BAC, & eandem circumferentiam BC, pro basi habeant; dico BEC angulum, anguli BAC duplum esse. Iungatur enim AE, & ad F, producat. Itaq; quoniam EA, est æqualis EB, erit, & angulus EAB angulo

EBA æqualis; (1) anguli igitur EAB, EBA, dupli sūt ipsius anguli EAB, sed angulus BEF est æqualis angulis EAB, EBA; (2) ergo BEF angulus, anguli EAB est duplus. Eadem ratione, & angulus FEC duplus est ipsius EAC; totus igitur BEC, totius BAC, duplus erit. Rursus inflectatur, & sit alter angulus BDC, junctaque DE, ad G producat. Similiter ostendemus angulum GEC, anguli EDC, duplum esse; quorum GEB duplus est ipsius EDB. ergo reliquus BEC, reliqui BDC est duplus. In circulo igitur angulus, qui ad centrum duplus est ejus, qui ad circumferentiam, quando circumferentiam eandem pro basi habeant, quod oportebat demonstrare.


H

Theo.

---


(1) 5. primi. (2) 32. primi.

*Theorema 19. Propositio 21. In circulo, qui in eadem portione sunt anguli, inter se aequales sunt.*



**S**it circulus ABCDE, & in eadem portione BAED, anguli sint BAD, BED. Dico eos inter se æquales esse. Sumatur enim circuli ABCDE centrum, quod sit F: junganturque BF, FD; & quoniam angulus quidem BFD, est ad centrum, angulus verò BAD ad circumferentiã, & circumferentiã eandem, pro basi habent BCD; erit BFD angulus, anguli BAD duplus. Eadem ratione angulus BFD, duplus est etiã anguli BED. Ergo angulus BAD, angulo BED, æqualis erit. In circulo igitur, qui in eadem portione sunt anguli, inter se æquales sunt. quod oportebat demonstrare

*Theorema 20. Propositio 22. Quadrilaterorum, quæ in circulis describuntur, anguli oppositi duobus rectis æquales sunt.*




**S**it circulus ABCD, & in ipso quadrilaterum ABCD. Dico angulos ipsius oppositos duobus rectis æquales esse. Iungatur AC, BD. Quoniam igitur omnis trianguli tres anguli duobus rectis sunt æquales, (1) erunt

(1) 32. primi.

erunt trianguli ABC, tres anguli CAB, ABC, BCA, æquales duobus rectis. Sed angulus CAB, est æqualis angulo BDC, in eadem enim sunt portione BADC; & angulus ACB, æqualis ipsi ADB, quod sunt in eadē ADCB portione; totus igitur angulus ADC, angulis BAC, ACB, est æqualis; communis apponatur ABC, angulus duobus angulis, qui sunt ad A, & C, & seorsum uni angulo, qui est ad D; erūt anguli ABC, BAC, ACB, angulis ABC, ADC, æquales. Sed ABC, BAC, ACB, sūt æquales duobus rectis; ergo, & anguli ABC, ADC, duobus rectis æquales erunt. Similiter ostendemus angulos quoque BAD, DCB, duobus rectis esse æquales. Quadrilaterorum igitur, quæ in circulis describuntur, anguli oppositi duobus rectis æquales sunt. Quod oportebat demonstrare.

*Theorema 21. Propositio 23. In eadem recta linea duæ circularum portiones similes, & inæquales ex eadem parte non constituentur.*



**S**I enim fieri potest, in eadem recta linea AB, duæ circularū portiones similes, & inæquales cōstituantur ex eadem parte ACB, ADB; ducaturque ACD, & CB, BD jungantur. Itaque quoniam portio ACB, similis est portioni ADB, similes autem circularum portiones sunt, quæ angulos suscipiunt æquales; (1)

It 2.


erit

(1) Diff. 11. hujus.

erit ACB angulus æqualis angulo ADB, exterior interiori, quod fieri non potest. Non igitur in eadem recta linea, duæ circuloꝝ portiones similes, inæquales ex eadem parte constituentur. Quod demonstrare oportebat.

*Theorema 22. Propositio 24. In æqualibus rectis lineis similes circuloꝝ portiones inter se æquales sunt.*

**S**int enim in æqualibus rectis lineis AB, CD, similes circuloꝝ portiones AEB, CFD. Dico portionem AEB, portioni CFD æqualem esse; congruē-




te enim AEB portione, portioni CFD, & posito puncto quidem A, in C, recta verò linea AB, in CD; congruet, & B, punctum puncto D, propterea quod AB, ipsi CD, sit æqualis; congruente autem recta linea AB rectæ CD; congruet, & AEB portio, portioni CFD. Si enim AB congruet ipsi CD, portio autem AEB, portioni CFD, non congruet, sed permutabitur, ut CGD, circulus circulum in pluribus, quàm duobus punctis secabit; etenim circulus CGD, circulum CFD secat in pluribus punctis, quàm duobus, videlicet in punctis C, G, D, quod rursus fieri non potest.

Non

Non igitur congruente recta linea AB, rectæ CD, non congruet, & ACB portio, portioni CFD; quare congruet, & ipsi æqualis erit. In æqualibus igitur rectis lineis similes circulorum portiones inter se æquales sunt. Quod oportebat demonstrare.

*Problema 3. Propositio 25. Circuli portione data describere circum, cujus ea portio est.*



**S**it data, circuli portio ABC, itaque oportet portionis ABC, describere circum, cujus est portio. Secetur AC, bifariam in D: & à puncto D, ipsi AC, ad rectos angulos ducatur DB, & AB. jungatur; vel igitur angulus ABD, major est angulo BAD, vel mi-

nor, vel ipsi æqualis. Sit primum major, & ad rectam lineam BA, atque ad datum in ea punctum A, constituatur angulus BAE, æqualis angulo ABD; (1) & BD, ad E, producat, jungaturque EC. Quoniam igitur angulus ABE, est æqualis angulo BAE, erit, & BE recta linea ipsi EA æqualis; (2) & quoniam AD, est æqualis DC, communis autem DE, duæ AD, DE, duabus CD, DE, æquales sunt, altera alteri; & angulus ADE, æqualis angulo CDE, rectus enim uterque est; ergo, & basis AE, basi EC, est æqualis. Sed ostensa est AE, æqualis EB; quare, & BE, ipsi EC, est æqualis, ac propterea tres rectæ lineæ AE, EB, EC,

H 3



in.

---

(1) 23. primi. (2) 6. primi.


inter se æquales sunt; centro igitur E, intervallo autem una ipsarum AE, EB, EC, circulus descriptus etiam per reliqua transibit puncta, & circulus descriptus erit. Quare circuli portione data descriptus est circulus; cujus ea portio est. Sed, & illud constat, portionem ABC, semicirculo minorem esse; pro-

pterea quod centrum ipsius extra cadit. Similiter, & si angulus ABD, sit æqualis angulo BAD, facta AD, æquali utrique ipsarum BD, DC, erunt tres rectæ lineæ AD, DB, DC, inter se æquales, atque erit D, circuli descripti cœtrum, & portio ABC, semicirculus. Si verò angulus ABD, minor sit angulo BAD, constitutur ad rectam lineam BA, & ad punctum in ea datum A, angulo ABD, æqualis angulus BAE, intra portionem ABC; erit cœtrum in ipsa DB, atque erit ABC, portio semicirculo major. Circuli igitur portione data descriptus est circulus, cujus portio est;



quod facere oportebat.

*Theorema 23. Propositio 26. In aequalibus circulis aequalis anguli aequalibus insistant circumferentijs, sive ad centra, sive ad circumferentias insistant.*



**S**int æquales circuli ABC, DEF, & in ipsis æquales anguli ad centra quidem BGC, EHF, ad circumferentias vero BAC,

EDF. Dico BKC circumferentiam, circumferentiæ ELF, æqualem esse. Iungantur enim BC, EF. Et quoniam æquales sunt ABC, DEF circuli, erunt & quæ ex centrīs æquales; duæ igitur BG, GC, duabus EH, HF, æquales sunt: & angulus ad G, æqualis angulo ad H; ergo, & basis BC, basi EF, est æqualis. (1) Rursus quoniam æqualis est angulus ad A, angulo ad D, portio BAC, similis erit portioni EDF. (2) & sunt in æqualibus rectis lineis BC, EF. Quæ autem in æqualibus rectis lineis similes sunt circulorum portiones, inter se æquales sunt; (3) portio igitur BAC, portio EDF, est æqualis. Sed, & totus ABC, circulus æqualis est toti DEF; ergo, & reliqua circumferentia BKC, reliqua ELF, æqualis erit. In æqualibus igitur circulis æquales anguli æqualibus insistant circumferentijs, sive ad centra, sive ad cir-


H 4

cum

(1) 4. primi. (2) Diff. 11. hujus. (3) 24. hujus.

cumferentias insistant; quod oportebat demonstrare.

*Theorema 24. Propositio. 27. In aequalibus circulis anguli, qui aequalibus insistant circumferentiis, inter se aequales sunt, si vè ad centra, si vè ad circumferentias insistant.*




**I**N aequalibus enim circulis ABC, DEF, aequalibus circumferentiis BC, EF, insistant anguli ad centra quidè BGC, EHF, ad circumferentias verò BAC, EDF. Dico angulum BGC, angulo EHF, & angulum BAC, angulo EDF, æqualem esse. Si quidem igitur angulus BGC, æqualis sit angulo EHF; manifestum est angulum quoque BAC, angulo EDF, esse æqualem. Sin minus, unus ipsorum est major; sit major BGC, & constitutur ad rectam lineam BG, & ad punctum in ipsa G, angulo EHF, æqualis angulus BGK; (1) æquales autem anguli aequalibus insistant circumferentijs, quando ad centra fuerint. (2) Ergo circumferentia BK, æqualis est circumferentiæ EF. Sed circumferentia EF, æqualis est ipsi BC; ergo, & BK, ipsi BC, est æqualis, minor majori, quod fieri non potest. Non igitur inæqualis est angulus BGC, angulo EHF; ergo est æqualis.

(1) 23. primi. (2) Ex antecedente.

lis. Atque est anguli quidem BGC dimidius angulus qui ad A; anguli verò EHF, dimidius qui ad D; angulus igitur qui ad A, angulo qui ad D, est æqualis. In æqualibus igitur circulis anguli, qui æqualibus insistant circumferentijs inter se æquales sunt, sive ad centra, sive ad circumferentias insistant; quod oportebat demonstrare.

*Theorema 25. Propositio 28. In æqualibus circulis æquales rectæ lineæ circumferentias æquales auferunt, majorem quidem majori, minorem verò minori.*

**S**int æquales circuli ABC, DEF; & in ipsis æquales rectæ lineæ BC, EF, quæ circumferentias, quidem BAC, EDF, majores auferant, circumferentias



verò BGC, EHF, minores. Dico circumferentiam BAC majorem, majori circumferentiæ EDF, & minorem circumferentiam BGC, minori EHF æquale esse. Sumatur enim centra circulorum K, L, (1) junganturque BK, KC, EL, LF. Et quoniam circuli æquales sunt, erunt, & quæ ex centris æquales. (2) duæ  
igi-


---

(1) i. hujus. (2) Diff, i. hujus.

igitur BK, KC, sunt æquales duabus EL, LF: & basi BC, æqualis est basi EF. Ergo angulus BKC, angulo ELF est æqualis; (3) æquales autem anguli æqualibus insunt circumferentijs, (4) quando ad centra fuerint; quare circumferentia BGC, æqualis est circumferentiæ EHF. Sed, & totus ABC, circulus, toti DEF est æqualis; reliqua igitur circumferentia BAC, reliqua EDF, æqualis erit. Ergo in æqualibus circulis æquales rectæ lineæ circumferentias æquales auferunt, maiorem quidem majori, minorem verò minori, quod demonstrare oportebat.

(3) 8. primi. (4) 26. hujus.

*Theorema 26. Propositio 29. In æqualibus circulis, æquales circumferentias æquales recta linea subtrahunt.*



**S**int æquales circuli ABC, DEF: & in ipsis æquales assumantur circumferentiæ BGC, EHF, & BC, EF, jun-

gantur. Dico rectam lineam BC, rectam EF, æqualem esse. Sumantur enim centra circulorum K, L. (1) & jungantur BK, KC, EL, LF; quoniam igitur circum-


(1) 1. hujus.

ferentia BGC est æqualis circumferentiæ EHF, erit, & angulus BKC, angulo ELF, æqualis. (2) Et quoniam circuli AFC, DEF, sunt æquales, & quæ ex cætris æquales erunt; (3) duæ igitur BK, KC, sunt æquales duabus EL, LF; & æquales angulos continent; quare basis BC, basi EF, est æqualis (4) In æqualibus igitur circulis æquales circumferentias æquales rectæ lineæ subtendunt; quod oportebat demonstrare.

---

(2) 26. hujus. (3) Diff. 8 hujus. (4) 4. primi.

*Problema 4. Propositio 30. Datam circumferentiam bifariam secare.*




**S**it data circumferentia ADE; oportet ADB, circumferentiæ bifariam secare. Iungatur AB, & in C, bifariam secetur: (1) à puncto autem C, ipsi AB, ad rectos angulos ducatur CD; & jungantur AD, DB. Quoniam igitur AC, est æqualis CB, communis autem CD, duæ AC, CD, duabus BC, CD, æquales sunt: & angulus ACD, æqualis angulo BCD, rectus enim uterque est: ergo basis AD, basi DB, est æqualis; (2) æquales autem rectæ lineæ circumferentias æquales auferunt, majorem quidem majori, minorem verò minori; (3) & est utraque ipsarum AD,

---

(1) 10. primi. (2) 4. primi. (3) 28. hujus.

AD, DB, circumferentiarum semicirculo minor; quare circumferentia AD, circumferentia DB, æqualis erit; data igitur circumferentia bifariam secta est. Quod facere oportebat.

*Theorema 27. Propositio 31. In circulo angulus, qui in semicirculo rectus est, qui verò in maiori portione, minor est recto, & qui in minori, maior recto; & insuper maioris quidem portionis angulus recto maior est, minoris verò portionis angulus recto minor.*



**S**it circulus ABCD, cujus diameter BC, centrum autem E; & jungantur BA, AC, AD, DC. Dico angulum quidem, qui est in semicirculo BAC, rectum esse, qui verò in portione ABC, maiore semicirculo, videlicet angulum ABC, minorem esse recto, & qui in portione ADC, minore semicirculo, hoc est angulum ADC, recto maiorem; jungatur AE,

& BA ad F producat. Itaque quoniam BE, est æqualis EA, erit, & angulus EAB, angulo EBA, æqualis. (1) Rursus quoniam AE, est æqualis EC, & angulus ACE, angulo CAE, æqualis erit; totus igitur angulus BAC, est æqualis duobus ABC, ACB, angulis; est autem, & angulus FAC extra triangulum ABC, duo-

duobus  $ABC, ACB$ , æqualis; (2) angulus igitur  $BAC$ , est æqualis angulo  $FAC$ ; ac propterea uterque ipsorum rectus. (3) Quare in semicirculo  $BAC$ , angulus  $BAC$ , rectus est; & quoniam trianguli  $ABC$ , duo anguli  $ABC, BAC$ , duobus rectis sunt minores. (4) rectus autem  $BAC$ : erit  $ABC$ , angulus recto minor, atque est in portione  $ABC$ , majore semicirculo. Quod cum in circulo quadrilaterum sit  $ABCD$ , quadrilaterorum verò, qui in circulis describuntur, anguli oppositi duobus rectis sint æquales: (5) erunt  $ABC, ADC$ , anguli æquales duobus rectis; & angulus  $ABC$ , minor est recto; reliquus igitur  $ADC$ , recto major erit, atque est in portione  $ADC$ , minore semicirculo. Dico præterea majoris portionis angulum, qui continetur  $ABC$  circumferentia, & recta linea  $AC$ , recto majorem esse; angulum verò minoris portionis contentum circumferentia  $ADC$ , & recta linea  $AC$ , recto minorem; quod quidem perspicue apparet. Quoniam enim angulus, qui rectis lineis  $BA, AC$ , continetur, rectus est, erit, & contentus  $ABC$ , circumferentia, & recta linea  $AC$ , recto major. Rursus quoniam angulus contentus rectis lineis  $CA, AF$ , rectus est, erit qui continetur recta linea  $CA$ , &  $ADC$  circumferentia, minor recto. In circulo igitur angulus, qui in semicirculo rectus est, qui verò in majori portione minor est recto, & qui in minori major recto; & insuper majoris quidem portionis angulus recto major est: minoris verò recto minor. Quod demonstrare oportebat.

*ALI.*

(2) 32. primi. (3) 13. primi. (4) 17. primi. (5) 22. hujus.


## A L I T E R.

**D**emonstrabitur angulum  $BAC$ , rectum esse. Quoniam enim angulus  $AEC$ , duplus est anguli  $BAE$ , etenim duobus interioribus, & oppositis est æqualis; est autem, &  $AEB$ , duplus ipsius  $EAC$ : anguli  $AEB$ ,  $AEC$ , anguli  $BAC$ , dupli erunt. Sed, &  $AEB$ ,  $AEC$ , anguli duobus rectis sunt æquales; ergo angulus  $BAC$ , rectus est; quod demonstrare oportebat.

## C O R O L L A R I U M.

Ex hoc manifestum est, si trianguli unus angulus sit æqualis duobus, eum rectum esse; propterea quod, & qui deinceps est, iisdem est æqualis; quando autem anguli deinceps sunt æquales, necessario recti sunt.

*Theorema 28. Propositio 32. Si circumulum contingat quædam recta linea, a contactu autem in circumulum ducatur recta linea ipsum secans; anguli, quos ad contingentem facit, æquales erunt iis, qui in alternis circumuli portionibus consistunt.*



**C**irculum enim  $ABCD$ , contingat quædam recta linea  $EF$ , in  $B$ , & à puncto  $B$ , ad circumulum  $ABCD$ , ducatur recta linea  $BD$ , ipsum utcumque secans. Dico angulos, quos  $BD$ , cum  $EF$  contingente facit, æquales esse iis, qui in alternis circumuli portionibus consistunt, hoc est angulum  $FBD$ , esse æqualem angulo, qui constituitur




tur in  $DAB$  portione, videlicet ipsi  $DAB$ ; angulum verò  $EBD$ , æqualem angulo  $DCB$ , qui in portione  $DCB$ , constituitur. Ducatur enim à puncto  $B$ , ipsi  $EF$ , ad rectos angulos  $BA$ : ( 1 ) & in circumferentia  $BD$ , sumatur quodvis punctum  $C$ ; junganturque  $AD$ ,  $DC$ ,  $CB$ . Quoniam igitur circulum  $ABCD$ , contingit quædam recta linea  $EF$ , in puncto  $B$ ; & à contactu  $B$ , ad rectos angulos contingenti ducta est  $BA$ ; erit in ipsa  $BA$ , centrum  $ABCD$ , circuli, ( 2 ) quare  $BA$ , ejusdem circuli diameter est, & angulus  $ADB$ , in semicirculo est rectus; ( 3 ) reliqui igitur anguli  $BAD$ ,  $ABD$ , uni recto æquales sunt. ( 4 ) Sed, &  $ABF$ , est rectus; ergo angulus  $ABF$ , æqualis est angulis  $BAD$ ,  $ABD$ ; communis auferatur  $ABD$ ; reliquus igitur  $DBF$  ei, qui in alterna circuli portione consistit, videlicet angulo  $BAD$ , est æqualis. Et quoniam in circulo quadrilaterum est  $ABCD$ , & anguli ejus oppositi æquales sunt duobus rectis; ( 5 ) erunt  $DBF$ ,  $DBE$ , anguli angulis  $BAD$ ,  $BCD$ , æquales; quorum  $BAD$ , ostensus est æqualis ipsi  $DBF$ ; ergo reliquus  $DBE$  ei, qui in alterna circuli portione  $DCB$  constituitur, videlicet ipsi  $DCB$ , æqualis erit. Si igitur circulum contingat quædam recta linea, à contractu verò in circulum ducatur recta linea ipsum secans; anguli, quos facit ad contingentem, æquales erunt illis, qui in alternis circuli portionibus consistunt; quod oportebat demonstrare.

*Pro-*

( 1 ) 11. primi. ( 2 ) 19. hujus. ( 3 ) Ex antecedente.

( 4 ) 32. primi. ( 5 ) 22. hujus.

**Problema 5. Propositio 33.** In data recta linea describere portionem circuli, qua suscipiat angulum dato angulo rectilineo aequalem.



**S** It data recta linea AB, datus autem angulus rectilineus, qui ad C; itaque oportet in data recta linea AB, describere portionem circuli, quæ suscipiat angulum æqualem angulo, qui est ad C; vel igitur angulus ad C, acutus est, vel obtusus. Si primum acutus, ut in prima figura, & ad rectam lineam AB, & ad punctum in ea datum A, constituatur angulus BAD, angulo, qui est ad C, æqualis; (1) acutus igitur angulus est BAD, & à puncto A, ipsi AD, ad rectos angulos ducatur AE; (2) secetur autem AB, bifariam in F, (3) atque à puncto F, ducatur FG ad rectos angulos ipsi AB; & GB jungatur. Quoniam igitur AF, est æqualis FB, communis autem FG, dux AF, FG, duabus BF, FG, æquales sunt; & an-

(1) 23. primi. (2) 11. primi. (3) 10. primi.


& angulus AFG, æqualis angulo GFB; ergo basis AG, basi GB, est æqualis. ( 4 ) Itaque centro G, intervallo autem AG, circulus descriptus transibit etiã per B: ( 5 ) describatur, & sit ABE, jungaturque EB. Quoniam igitur ab extremitate diametri AE, & à puncto A, ipsi AE, ad rectos angulos ducta est AD; ipsa AD, circulum continget; & quoniam circulum ABE, contingit quædam recta linea AD, & à contactu, qui est ad A, in circulum ABE, ducta est recta linea AB: erit angulus DAB, æqualis angulo, qui in altera circuli portione constituitur, ( 6 ) videlicet ipsi AEB. Sed angulus DAB angulo, qui ad C, est æqualis; ergo, & angulus ad C, angulo AEB, æqualis erit. In data igitur recta linea AB, portio circuli descripta est AEB, suscipiens angulum AEB, dato angulo, qui ad C, æqualem. Sit deinde angulus, qui ad C, rectus, & oporteat rursus in recta linea AB, describere circuli portionem, quæ suscipiat angulum æqualem recto angulo, qui est ad C; constituatur enim rursus angulo recto, qui ad C, æqualis angulus BAD, ( 7 ) ut in secunda figura, seceturque AB, bifariam in F, & centro F, intervallo autem alterutra ipsarum AF, FB, circulus describatur AEB; ergo AD, recta linea circulum ABE contingit, ( 8 ) propterea quod rectus est, qui ad A angulus, & angulus BAD, æqualis angulo, qui est in portione AEB: rectus enim, & ipse est, in semicirculo consistens; sed BAD, æqua-

lis

---

( 4 ) 4. primi. ( 5 ) Corol. 16. hujus. ( 6 ) Ex antecedente. ( 7 ) 23. primi. ( 8 ) Corol. 16. hujus.

lis est ei, qui ad C. Ergo, & quod in portione AEB ei, qui ad C, est æqualis; descripta igitur est rursus in AB recta linea, portio circuli AEB, suscipiens angulum angulo recto, qui ad C, æqualem. Denique sit angulus ad C, obtusus, &




AB, bifariam in F; ipsi verò AB, ducatur ad rectos  
angulos FG, & GB jungatur. Et quoniam AF, est  
æqualis FB; communis autem FG; duæ AF, FG, dua-  
bus BF, FG, æquales sunt, & angulus AFG, angulo  
BFG, æqualis; basis igitur AG, est æqualis basi GB.  
(9) Quare centro G, intervallo autem AG, circulus  
descriptus etiam per B, transibit; transeat, ut AEB.  
Et quoniam diametro AE, ab extremitate ad rectos  
angulos ducta est AD, ipsa AD, circulum AEB, con-  
tinget: (10) & à contactu, qui ad A, ducta est AB;  
quare angulus BAD ei, qui in altera circuli portio-  
ne AHB, constituitur est æqualis. Sed BAD angulus  
æqualis est angulo, qui ad C; angulus igitur, qui in  
portione AHB angulo, qui ad C, æqualis erit. Ergo  
in data recta linea AB, descripta est AHB, circuli por-  
tio, suscipiens angulum æqualem ei, qui est ad C;  
quod facere oportebat.

**Pre-**

(9) 4. primi. (10) Corol. 16. hujus,


*Problema 6. Propositio 34. A dato circulo portionem abscindere, qua suscipiat angulum dato angulo rectilineo aequalem.*



**S**it datus circulus ABC, datus autem angulus rectilineus qui ad D; oportet à circulo ABC, portionem abscindere, qua suscipiat angulum angulo, qui ad D, æqualem. Ducatur recta linea EF, circulum ABC,

in puncto B, contingens: (1) & ad rectam lineam BF, & ad punctum in ea B, constituatur angulus FBC angulo, qui est ad D, æqualis. (2) Quoniam igitur circulum ABC, contingit quædam recta linea EF, in B puncto, & à contactu B, ducta est BC, erit angulus FBC, æqualis ei, qui in alterna circuli portione constituitur. Sed FBC angulus, angulo, qui ad D, est æqualis; ergo, & angulus, qui in portione BAC, angulo, qui ad D, æqualis erit. A dato igitur circulo ABC abscissa est portio quædam BAC, suscipiens angulum dato angulo rectilineo, qui est ad D, æqualem. Quod facere oportebat.

**Theorema 29. Propositio 35.** *Si in circulo dua recta linea se se mutuo secant, rectangulum portionibus unius contentum aequale est ei, quod alterius portionibus continetur.*



**I**N circulo enim ABCD, duae rectae lineae AC, BD, se se mutuo in puncto E, secant. Dico rectangulum contentum AE, EC,

aequale esse ei, quod DE, EB, continetur. Si igitur AC, BD, per centrum transeant, ita ut E, sit centrum ABCD circuli; manifestum est aequalibus existentibus AE, EC, DE, EB, & rectangulum contentum AE, EC, aequale esse ei, quod DE, EB, continetur. Itaque AC, DB, non transeant per centrum; & sumatur centrum circuli ABCD, quod sit F: & ad F, ad rectas lineas AC, DB, perpendiculares ducantur FG, FH: junganturque FB, FC, FE. Quoniam igitur recta quaedam linea GF per centrum ducta, rectam lineam quandam AC non ductam per centrum ad rectos angulos secat, & bisariam ipsam secabit; (1) quare AG, ipsi GC, est aequalis. Et quoniam recta linea AC, secta est in partes aequales in puncto G, &

(1) 3. hujus.


in partes inæquales in E, erit rectangulum AE, EC, contentum, unà cum ipsius EG quadrato, æquale quadrato ex GC; ( 2 ) commune addatur ex GF quadratum; ergo rectangulum AEC, una cum iis quæ ex EG, GF quadratis, æquale est quadratis ex CG, GF. Sed quadratis quidem ex EG, GF, æquale est quadratum ex FE; ( 3 ) quadratis verò ex CG, GF, æquale, quod ex FC, quadratum; rectangulum igitur AEC, unà cum quadrato ex FE, æquale est quadrato ex FC; est autem CF, æqualis FB; ergo rectangulum AEC, una cum quadrato ex EF, æquale est ei, quod ex FB, quadrato. Eadem ratione & rectangulum DEB, una cum quadrato ex FE, æquale est quadrato ex FB; ostensum autem est, & rectangulum AEC, una cum quadrato ex FE, æquale ei, quod ex FB, quadrato; ergo rectangulum AEC, una cum quadrato ex FE, æquale est rectangulo DEB, una cū quadrato ex FE; commune auferatur, quod ex FE, quadratum; reliquum igitur rectangulum AEC, reliquo DEB rectangulo æquale erit. Quare si in circulo duæ rectæ lineæ se se mutuo secant, rectangulum portionibus unius contentum æquale est ei, quod alterius portionibus continetur, id quod demonstrare oportebat.

---

( 2 ) 5. secundi. ( 3 ) 47. primi.

*Theorema 30. Propositio 36. Si extra circulum aliquod punctum sumatur, & ab eo in circulum cadant duæ rectæ lineæ, quarum altera quidem circulum secet, altera verò contingat; rectangulum, quod tota secante, & exterius assumpta inter punctum, & curvam circum-*

ferentiam continetur, aequale erit ei, quod à contingente fit, quadrato.



**E** Xtra-  
circu-  
lum enim  
ABC, su-  
matur ali-  
quod pū-  
ctum D,  
& ab eo  
ad dictū  
circulum  
cadāt duę  
rectę li-  
neę DCA,  
DB : &  
DCA, qui-


dem circulum ABC, secet; DB verò contingat. Dico  
rectangulum ADC, quadrato, quod fit ex DB, æqua-  
le esse. Vel igitur DCA, per centrum transit, vel nō.  
transcat primum per centrum circuli ABC, quod sit  
F, & FB jungatur; erit angulus FBD, rectus. (1)  
Itaque quoniam recta linea AC, bifariam secta est  
in F, & ipsi adjicitur CD, rectangulum ADC, una-  
cum quadrato, quod ex FC, æquale erit ei, quod fit  
ex FD, quadrato, (2) æqualis autem est CF, ipsi FB,  
ergo rectangulum ADC, una cum quadrato, quod ex  
FB, æquale est quadrato ex FD. Sed quadratum ex  
FD,

(1) 18. hujus. (2) 6. secundi.

FD, est æquale quadratis ipsarum FB, BD, rectus enim angulus est FBD; rectangulum igitur ADC, una cum quadrato ex FB, æquale est ipsarum FB, BD, quadratis. Commune auferatur quadratum, quod ex FB; ergo reliquū ADC rectangulum, quadrato, quod sit à contingente DB, æquale erit. Sed DCA, non transeat per centrum ABC circuli: sumaturque centrum E, & ab ipso E, ad AC, perpendicularis agatur EF, & jungantur EB, EC, ED, rectus igitur est EFD, angulus. Et quoniam recta linea quædam EF, per centrum ducta, rectam lineam quandam AC, non ductam per centrum ad rectos angulos secat, & bifariam ipsam secabit; (3) quare AF, ipsi FC, est æqualis. Rursus quoniam recta linea AC, bifariam secta est in F, atque ipsi adjicitur CD, erit rectangulum ADC, una cum quadrato ex FC, æquale quadrato, quod ex FD; (4) commune apponatur, quod ex FE quadratum; rectangulum igitur ADC, una cum quadratis ex CF, FE, est æquale quadratis ex DF, FE; sed quadratis quidem ex DF, FE, æquale est, quod ex DE, quadratum; etenim rectus est angulus EFD: quadratis verò ex CF, FE, æquale est quadratum ex CE; ergo rectangulum ADC, una cum quadrato, quod ex CE, est æquale quadrato ex ED, æqualis autē est CE, ipsi EB; rectangulum igitur ADC, una cum quadrato ex EB, æquale est ei, quod ex ED quadrato; sed quadrato ex ED, æqualia sunt quadrata ex EB, BD: si quidem rectus est angulus EBD; ergo rectan-

gulum ADC, una cum quadrato ex EB, æquale est eis, quæ ex EB, BD, quadratis; commune auferatur quadratum ex EB; reliquum igitur ADC rectangulum, quadrato, quod fit ex DB, æquale erit. Si igitur extra circulum aliquod punctum sumatur, & quæ deinceps sunt; quod oportebat demonstrare.

*Theorema 31. Propositio 37. Si extra circulum sumatur aliquod punctum, atque ab eo in circulum cadant duæ rectæ lineæ, quarum altera quidem circulum secet, altera verò incidat, sit autem quod tota secante, & exterius assumpra inter punctum, & curvam circumferentiam continetur, rectangulum æquale ei, quod ab incidente fit quadrato: incidens linea circulum conginget.*



**E**Xtra circulum enim ABC, sumatur aliquod punctum D, atque ab ipso in circulum cadant duæ rectæ lineæ DCA, DB; DCA, quidem circulum secet, DB verò incidat, sitque rectangulum ADC æquale quadrato, quod fit ex DB. Dico ipsam DB, circulum ABC, contingere. Ducatur enim recta linea DE, contingens circulum ABC, & sumatur circuli ABC centrum, quod sit F, junganturque FE, FB, FD; ergo angulus FED, rectus est.

(1) Et

(1) Et quoniam DE, circulum ABC contingit, secat autem DCA, rectangulum ADC, æquale erit quadrato, quod ex DE; sed rectangulū ADC, ponitur æquale quadrato, quod ex DB; quadratum igitur, quod ex DE, quadrato ex DB, æquale erit, ac propterea linea DE, ipsi DB æqualis; est autem, & FE, æqualis FB; duæ igitur DE, EF, duabus DB, BF, æquales sunt; & basis ipsarum communis FD; angulus igitur DEF, est æqualis angulo DBF; (2) rectus autem DEF; ergo, & DBF est rectus; atque est FB, producta diameter; quæ verò ab extremitate diametri circuli ad rectos angulos ducitur circulum contingit; ergo DB circulum ABC contingat necesse est. Similiter demonstrabitur, & si centrum sit in ipsa AC. Si igitur extra circulum sumatur aliquod punctum, & reliqua; quod demonstrare oportebat.

---

(1) 18. hujus. (2) 8. primi.

**Finis Libri Tertij.**

# EUCLIDIS

## ELEMENTORUM

### LIBER QUARTUS.

Ex traditione Federici  
Commandini.


#### *DIFFINITIONES.*

1. **F**igura rectilinea in figura rectilinea describi dicitur, quando unusquisque figuræ descriptæ angulus unumquodque latus ejus, in qua describitur, contingit.
2. Figura similiter circa figuram describi dicitur quando unumquodque latus descriptæ unūquemque angulum ejus, circa quam describitur, contingit.
3. Figura rectilinea in circulo describi dicitur, quando unusquisque descriptæ figuræ angulus circuli circumferentiam contingit.
4. Figura rectilinea circa circumulum describi dicitur, quando unumquodque latus descripti circuli circumferentiam contingit.
5. Circulus similiter in figura rectilinea describi di-

dicatur, quando circuli circumferētia unumquodque latus ejus, in qua describitur contingit.

6. Circulus circa figuram rectilineam describi dicitur, quando circuli circumferentia unumquemque angulum ejus, circa quam describitur, contingit.
7. Recta linea in circulo aptari dicitur, quando ejus extrema ad circuli circumferentiam se applicant.

*Problema 1. Propositio 1. In dato circulo data recta linea, qua diametro ejus major non sit, aequalem rectam lineam aptare.*




**S**it datus circulus ABC, data autem recta linea non major circuli diametro D; oportet in circulo ABC, rectæ lineæ D, æqualem rectam lineam aptare. Ducatur circuli ABC, dia-

meter BC. Si quidem igitur BC sit æqualis ipsi D, factum jam erit, quod proponebatur; etenim in circulo ABC, aptata est AC, rectæ lineæ D, æqualis. Siminus, major est BC, quam D, ponaturque ipsi D, æqualis CE: & centro quidem C, intervallo autem CE, circulus describatur AEF: & CA jungatur. Itaq; quoniam punctum C, centrum est AEF circuli; erit CA, ipsi CE, æqualis. Sed D est æqualis CE, ergo, & D, ipsi

D, ipsi AC, æqualis erit. In dato igitur circulo ABC, datæ rectæ lineæ D, non majori circuli diametro, æqualis aptata est AC; quod facere oportebat.

**Problema 2. Propositio 2. In circulo dato, dato triangulo  
aquiangulum triangulum describere.**




**S**it datus circulus  
ABC, datum  
autem triagulum  
DEF; oportet in  
ABC circulo de-  
scribere triangulū  
triangulo DEF,  
equiangulum. Du-  
catur recta linea

GAH, contingens circulum ABC, in puncto A: (1) & ad rectam lineam AH, & ad punctum in ea A, angulo DEF, æqualis angulus constituatur HAC; (2) rursus ad rectam lineam AG; & ad punctum in ipsa A, angulo DEF, æqualis constituatur angulus GAB; & BC jungatur. Quoniam igitur circulum ABC, contingit quædam recta HAG; à contactu autem in circulum ducta est AC: erit HAC, angulus æqualis ei, qui in altera circuli portione consistit, (3) videlicet ipsi ABC. Sed HAC, angulus æqualis est angulo DEF, ergo, & angulus ABC, angulo DEF, est æqualis. Eadem ratione, & angulus ACB, est æqualis angulo

(1) 17.tertij (2) 23.primi. (3) 32.tertij.

lo DFE; reliquus igitur BAC angulus reliquo EDF, æqualis erit; ergo triangulum ABC, triangulo DEF, est æquiangulum; & descriptum est in circulo ABC. In dato igitur circulo dato triangulo æquiangulum triangulum descriptum est; quod facere oportebat.

*Problema 3. Propositio 3. Circa datum circulum, triangulo dato æquiangulum triangulum describere.*




**S** It datus circulus ABC: datum autē triangulum DEF; oportet circa circulū ABC, describere triangulum, triangulo DEF, æquiangulum; protrahatur ex utraque parte EF, ad

puncta H, G, & sumatur circuli ABC, centrum K: & recta linea KB utcumque ducatur: constituaturque ad rectam lineam KB, & ad punctum in ea K, angulo quidem DEG, æqualis angulus BKA, (1) angulo autē DFH, æqualis angulus BKC, & per A, B, C, puncta ducantur rectæ lineæ LAM, MBN, NCL, circulum ABC, contingentes. (2) Quoniam igitur circulum ABC, cōtingunt LM, MN, NL, in punctis A, B, C, à cētro autem K, ad A, B, C, puncta ducuntur KA, KB, KC; erunt anguli ad puncta A, B, C recti; (3) & quoniam

(1) 23. primi. (2) 17. tertij. (3) 18. tertij.

niam quadrilateri AMBK anguli quatuor, quatuor  
sectis æquales sunt, etenim in duo triangu-  
la dividitur; quorum anguli



quorum anguli  
KAM, KBM, sunt  
recti; erunt reliqui  
AKB, AMB, duobus  
rectis æquales. Sunt  
autē, & DEG, DEF,  
æquales duobus re-  
ctis; anguli igitur  
AKB, AMB, angulis

DEG, DEF, æquales sunt, quorum AKB, ipsi DEG,  
est æqualis; ergo reliquus AMB, reliquo DEF, æqua-  
lis erit. Similiter demonstrabitur angulus LNB, ipsi  
DFE, æqualis; ergo, & reliquus MLN, est æqualis  
reliquo EDF; æquiangulum igitur est LMN, trian-  
gulum triangulo DEF, & descriptum est circa circu-  
lum ABC. Quare circa datum circum triangulo  
dato æquiangulum triangulum descriptum est; quod  
facere oportebat.

*Problema 4. Propositio 4. In dato triangulo circum-  
describere.*





**S** It datum triangulum ABC, oportet in triangulo ABC, circum-  
describere. Secentur anguli ABC,  
BCA, bifariam rectis lineis BD, CD,  
(1) quæ convenient inter se in D,  
pau-

(1) 9. primi.

puncto, & à puncto D, ad rectas lineas AB, BC, CA, perpendiculares ducantur DE, DF, DG. (2) Et quoniam angulus ABD, est æqualis angulo CBD, est autem & rectus BED, recto BFD, æqualis: erunt duo triangula EBD, DBF, duos angulos duobus angulis æquales habentia, & unum latus uni lateri æquale, & utrique commune BD, quod scilicet uni æqualium, angulorum subtenditur; ergo, & reliqua latera reliquis lateribus æqualia habebunt, (3) atque erit DE, æqualis DF; & eadem ratione DG, æqualis DF; ergo, & DE, ipsi DG, est æqualis; tres igitur rectæ lineæ DE, DF, DG, inter se æquales sunt; quare centro D, intervallo autem una ipsarum DE, DF, DG, circulus descriptus etiam per reliqua transibit puncta; & rectas lineas AB, BC, CA, continget; propterea, quod recti sunt ad EFG, anguli. Si enim ipsas secet, quæ ab extremitate diametri circuli ad rectos angulos ducitur, intra circulum cadet; quod est absurdum; (4) non igitur centro D, intervallo autem una ipsarum DE, DF, DG, circulus descriptus secabit rectas lineas AB, BC, CA, quare ipsas continget; atque erit circulus descriptus in triangulo ABC. In dato igitur triangulo ABC, circulus EFG, descriptus est; quod facere oportebat.

*Problema 5. Propositio 5. Circa datum triangulum circum-  
lum describere.*




**S**it datum triagulum  $ABC$ ; oportet circa datum triagulum  $ABC$ , circumlum describere; secantur  $AB, AC$ , bifariam in  $D, E$  pñctis: (1) & à pñctis  $D, E$ , ipsis  $AB, AC$ , ad rectos angulos ducantur  $DF, EF$ ; (2) quæ quidẽ vel intra triagulum  $ABC$ , convenient, vel in recta linea  $BC$ , vel extra ipsam. Conveniãt primum intra triagulum in puncto  $F$ : &  $BF, FC, FA$ , jungantur. Quoniã igitur  $AD$ , est æqualis  $DB$ , cõmunis autẽ, & ad rectos angulos  $DF$ ; erit basis  $AF$ , basi  $FB$ , æqualis. (3) Similiter ostendetur, &  $CF$ , æqualis  $FA$ ; ergo, &  $BF$ , est æqualis  $FC$ ; tres igitur  $FA, FB, FC$ , inter se æquales sunt; quare centro  $F$ , intervallo autem una ipsarum  $FA, FB, FC$ , circulus descriptus etiã per reliqua pun-

puncta transibit: atque erit circulus descriptus circa triangulum ABC; & describatur, ut ABC. Sed DF, EF, convenient in recta linea BC, in puncto F, ut habetur in secunda figura, & AF jungatur. Similiter demonstrabimus punctum F, centrum esse circuli circa triangulum ABC, descripti. Postremo DF, EF, convenient extra triangulum ABC rursus in F puncto, ut in tertia figura: & jungantur AF, FB, FC. Et quoniam rursus AD, est æqualis DB, communis autem, & ad rectos angulos DF, basis AF, basi FB, æqualis erit. Similiter demonstrabimus, & CF, ipsi FA, æqualem esse; quare, & BF, est æqualis FC. Rursus igitur centro F, intervallo autem una ipsarum FA, FB, FC, circulus descriptus, & per reliqua transibit puncta; atque erit circa triangulum ABC descriptus; & describatur, ut ABC. Circa datum igitur triangulum, circulus descriptus est; quod facere oportebat.

Et manifestum est, quando centrum circuli intra triangulum cadit, angulum BAC, existentem in portione semicirculo majore minorem esse recto, quando autem centrum circuli cadit in recta linea BC, angulum BAC, quod sit in semicirculo, rectum esse, & quando extra BC, quod sit in portione minore semicirculo, recto esse majorem. Quare, & quando datus angulus minor sit recto, DF, EF, intra triangulum convenient: quando autem rectus in ipsa BC, & quando major recto, extra BC; quod ostendere oportebat.

**Problema 6. Propositio 6.** In dato circulo quadratum describere.



**S**it datus circulus ABCD ; oportet in ABCD circulo quadratum describere. Ducantur circuli ABCD diametri ad rectos angulos inter se AC, BD : & AB, BC, CD, DA, jungantur. Quoniam igitur BE, est æqualis ED, etenim centrum est E. communis autem, & ad rectos angulos EA ; erit basis


BA æqualis basi AD. Et eadem ratione utraque ipsarum BC, CD, utrique BA, AD, æqualis ; æquilaterum igitur est ABCD quadrilaterum. Dico, & rectangulum esse. Quoniam enim recta linea BD, diameter est ABCD circuli, erit BAD semicirculus ; quare, angulus BAD, rectus est. (1) Et eadem ratione, unusquisque ipsorum ABC, BCD, CDA, est rectus ; rectangulum igitur est ABCD quadrilaterum ; ostensum autem est, & æquilaterum esse ; ergo quadratum necessarium erit, & descriptum est in circulo ABCD. In dato igitur ABCD circulo quadratum ABCD, descriptum est ; quod facere oportebat.

(1) 31. rectii.

**Problema 7. Propositio 7.** Circa datum circulum quadratum describere.

**S**it datus circulus ABCD, oportet circa ABCD circulum quadratum describere ; ducantur circuli ABCD,

ABCD, duæ diametri AC, BD, ad rectos inter se angulos, & per puncta A, B, C, D, ducatur circulus ABCD, contingentes FG, GH, HK, KF.



(1) quoniam igitur FG, contingit circulum ABCD, à centro autem E, ad contactum, qui est ad A, ducitur EA; erunt anguli ad A, recti. (2) Eadem ratione, & anguli ad puncta B, C, D, recti sunt. Et quoniam angulus AEB rectus est, est

autem & rectus ERG; erit GH, ipsi AC, parallela. (3) Eadem ratione, & AC, parallela est FK. Similiter demonstrabimus, & utramque ipsarum GF, HK, ipsi BED, parallelam esse; quare, & GF, est parallela HK; parallelogramma igitur sunt GK, GC, AK, FB, BK, ac propterea GF quidem est æqualis HK, GH, verò ipsi FK. (4) Et quoniam AC, æqualis est BD: Sed AC quidem utrique ipsarum GH, FK, est æqualis; BD verò æqualis utrique GF, HK, & utraque GH, FK, utrique GF, HK, æqualis erit. Æquilaterum igitur est FGHK quadrilaterum. Dico, & rectangulum esse; quoniam enim parallelogrammum est GBEA, atque est rectus AEB angulus, & ipse AGB rectus erit. Similiter demonstrabimus angulos etiam, qui ad puncta H, K, F, rectos esse; rectangulum igitur est quadrilaterum FGHK: demonstratum autem est, &


K 2

æqui-

(1) 17. tertij. (2) 18. tertij. (3) 18. primj.  
(4) 34. primj.

æquilaterum; ergo quadratum sit necesse est; & descriptum est circa circulum ABCD. Circa datum igitur circulum quadratum descriptum est; quod facere oportebat.

*Problema 8. Propositio 8. In dato quadrato circulum describere.*



**S**it datum quadratum ABCD; oportet in quadrato ABCD, circulum describere. Secetur utraque ipsarum AB, AD, bifariam in punctis F, E; (1) & per E quidem alterutri ipsarum AB, CD, parallela ducatur EH; (2) per F verò ducatur FK, parallela alterutri AD, BC; parallelogrammum igitur est unum.


quodque ipsorum AK, KB, AH, HD, AG, GC, BG, GD: & latera ipsorum, quæ ex opposito sunt, equalia. (3) Et quoniam DA est æqualis AB; & ipsius quidem AD, dimidia est AE; ipsius verò AB, dimidia AF; erit AE, ipsi AF æqualis; quare, & opposita latera æqualia sunt; ergo FG, est æqualis GE. Similiter demonstrabimus, & utramque ipsarum GH, GK, utrique FG, GE, æqualem esse; quatuor igitur GE, GF, GH, GK, inter se sunt æquales. Itaque centro quidem G, intervallo autem una ipsarum GE, GF, GH, GK, circulus descriptus etiam per reliqua transibit puncta, & rectas lineas AB, BC, CD, DA, continget propte-

(1) 10. primi. (2) 31. primi. (3) 34. primi.

pterea, quòd anguli ad E, F, H, K, recti sunt. Si enim circulus secabit rectas lineas AB, BC, CD, DA, quæ ab extremitate diametri circuli ad rectos angulos ducitur, intra circulum cadet; quod est absurdum; (4) non igitur centro quidem G, intervallo autem una ipsarum GE, GF, GH, GK, circulus descriptus rectas lineas AB, BC, CD, DA, secabit; quare ipsas necessario continget: atque erit descriptus in quadrato ABCD. In dato igitur quadrato circulus descriptus est; quod facere oportebat.


(4) 16. tertij.

*Problema 9. Propositio 9. Circa datum quadratum circulum describere.*



**S** It datum quadratū ABCD; oportet circa ABCD, quadratum circulum describere: jungantur enim AC, BD, quæ se invicem in puncto E, secant. Et quoniā DA est æqualis AB, communis autem AC; duæ DA, AC, duabus BA, AC, æquales sunt; & basis DC, æqualis basi CB; erit angulus DAC, angulo BAC, æqualis; angulus igitur DAB bifariam sectus est recta linea AC. Similiter demonstrabimus unumquemque angulorum ABC, BCD, CDA, rectis lineis AC, DB, bifariam sectum esse. Quoniā igitur angulus DAB, angulo ABC, est æqualis; atque est anguli qui-


dem DAB, dimidius angulus EAB, anguli verò ABC, dimidius EBA; & EAB, angulus angulo EBA, æqualis erit; quare, & latus EA, lateri EB, est æquale. Similiter



demonstrabimus, & utramque rectarum linearum EC, ED, utrique EA, EB, æqualem esse; ergo quatuor rectæ lineæ EA, EB, EC, ED, inter se sunt æquales; centro igitur E, intervallo autem una ipsarum EA, EB,

EC, ED, circulus descriptus etiam per reliqua puncta transibit; atque erit descriptus circa ABCD quadratum; describatur, ut ABCD; circa datum igitur quadratum circulus descriptus est; quod facere oportebat.

*Problema 10. Propositio 10. Equicrurum triangulum conficere, habens utrumque angulorum, qui sunt ad basin, duplum reliqui.*



**E**xponatur recta quædam linea AB, & secetur in C, puncto, ita ut rectangulum contentum AB, BC, æquale sit ei, quod ex CA, describitur quadrato: (1) & centro quidem A, intervallo autem AB, circulus describatur BDE; apteturque

(1) 11. secundæ.

turque in BDE circulo recta linea BD, æqualis ipsi AC, quæ non sit major diametro circuli BDE; (1) & junctis DA, DC, circa ADC triangulum circulus ACD describatur. Itaque quoniam rectangulum ABC æquale est quadrato, quod sit ex AC; æqualis autem est AC ipsi BD; erit ABC rectangulum quadrato, quod ex BD, æquale. Et quoniam extra circulum ACD, sumptum est aliquod punctum B, & à puncto B, in circulum ACD, cadunt duæ rectæ lineæ BCA, BD, quarum altera quidem secat, altera verò incidit, atque est rectangulum ABC æquale quadrato, quod ex BD, recta linea BD, circulum ACD, continget. (2) Quoniam igitur BD contingit, & à contactu, qui ad D, ducta est DC; erit BDC angulus æqualis ei, qui in alterna circuli portione constituitur, (4) videlicet angulo DAC. Quod cum angulus BDC æqualis sit ipsi DAC, communis apponatur CDA; totus igitur BDA, est æqualis duobus angulis CDA, DAC. Sed ipsis CDA, DAC, exterior angulus BCD, est æqualis; (5) ergo, & BDA æqualis est ipsi BCD. Sed BDA angulus est æqualis angulo CBD, quoniam & latus AD lateri AB est æquale; ergo, & DBA, ipsi BCD, æqualis erit. Tres igitur anguli BDA, DBA, BCD, inter se æquales sunt. Et quoniam angulus DBC æqualis est angulo BCD, & latus BD, lateri DC, est æquale. (6) Sed BD, ponitur æqualis ipsi CA, ergo, & AC, est æqualis CD; quare, & angulus CDA, æqualis

K 4

lis


---

(1) 1. hujus. (2) ult. tertij. (4) 31. tertij.

(5) 31. primi. (6) 6. primi.

lis est angulo  $\text{DAC}$ ; anguli igitur  $\text{CDA}$ ,  $\text{DAC}$ , ipsius anguli  $\text{DAC}$  dupli sunt; est autem &  $\text{BCD}$ , angulus angulis  $\text{CDA}$ ,  $\text{DAC}$  æqualis, ergo, &  $\text{BCD}$ , duplus est ipsius  $\text{DAC}$ . Sed  $\text{BCD}$ , est æqualis utrique ipsorum  $\text{BDA}$ ,  $\text{DBA}$ ; quare, & uterque  $\text{BDA}$ ,  $\text{DBA}$ , ipsius  $\text{DAC}$ , est duplus; æquicrura igitur triangulum constitutum est  $\text{ADB}$ , habens utrumque eorum angulorum, qui sunt ad basim, duplum reliqui; quod facere oportebat.

*Problema II. Propositio II. In dato circulo pentagonum æquilaterum, & æquiangulum describere.*



**S**it datus circulus  $\text{ABCDE}$ , oportet in  $\text{ABCDE}$  circulo pentagonum æquilaterum, & æquiangulum describere. Exponatur triangulum æquicrura  $\text{FGH}$ , habens utrumque corū,

qui sunt ad  $\text{G}$ ,  $\text{H}$ , angulorum duplum anguli, qui est ad  $\text{F}$ : ( 1 ) & describatur in circulo  $\text{ABCDE}$ , triangulo  $\text{FGH}$ , æquiangulum triangulum  $\text{ACD}$ , ( 2 ) ita ut angulo quidem, qui est ad  $\text{F}$ , æqualis sit angulus  $\text{CAD}$ : utrique verò ipsorum, qui ad  $\text{G}$ ,  $\text{H}$ , sit æqualis uterque  $\text{ACD}$ ,  $\text{CDA}$ , & uterque igitur  $\text{ACD}$ ,  $\text{CDA}$ , anguli  $\text{CAD}$ , est duplus; secetur uterque ipsorum  $\text{ACD}$ ,  $\text{CDA}$ , bifariam rectis lineis  $\text{CE}$ ,  $\text{DB}$ : ( 3 ) &  
AB,

---

( 1 ) Ex antecedente ( 2 ) 2. hujus. ( 3 ) 9. primi.

AB, BC, CD, DE, EA, jungantur. Quoniam igitur uterque ipsorum ACD, CDA, duplus est ipsius CAD, & secti sunt bifariam rectis lineis CE, DB, quinque anguli DAC, ACE, ECD, CDB, BDA, inter se sunt æquales; æquales autem anguli in æqualibus circumferentijs insistant; (4) quinque igitur circumferentiæ AB, BC, CD, DE, EA, æquales sunt inter se. Sed æquales circumferentias æquales rectæ lineæ subtiendunt; (5) ergo, & quinque rectæ lineæ AB, BC, CD, DE, EA, inter se æquales sunt; æquilaterum igitur est ABCDE, pentagonum. Dico, & æquiangulum esse. Quoniam enim circumferentia AB, æqualis est circumferentiæ DE, cōmunis apponatur BCD; tota igitur ABCD, circumferentia toti circumferentiæ EDCB, est æqualis, & in circumferentia quidem ABCD, insistit angulus AED, in circumferentia verò EDCB, insistit BAE. Ergo, & BAE, angulus est æqualis angulo AED. Eadem ratione, & unusquisque angulorum ABC, BCD, CDE, unicuique ipsorum BAE, AED, est æqualis; æquiangulum igitur est ABCDE, pentagonum: ostensum autem est, & æquilaterum esse. Quare in dato circulo pentagonum æquilaterum, & æquiangulum descriptum est; quod facere oportebat.

---

(4) 26. tertij. (5) 29. tertij.

*Problema 13. Propositio 12. Circa datum circulum pentagonum æquilaterum, & æquiangulum describere.*

**S**it datus circulus ABCDE; oportet circa circulum ABCDE, pentagonum æquilaterum, & æquiangu-

culū describere ; intelligantur pentagoni in circulo descripti angulorū pūcta A, B, C, D, E, ( 1 ) ita ut circumferentiæ AB, BC, CD, DE, EA, sint æquales ; & per puncta A, B, C, D, E, ducantur circulū cōtingentes GH, HK, KL, LM, MG, ( 2 ) & sumpto circuli ABCDE centro F, jungantur FB, FK, FC, FL, FD. Quoniam igitur recta linea KL contingit circulum ABCDE, in




puncto C, & à centro F, ad contactum, qui est ad C, ducta est FC, erit FC, ad ipsam KL, perpendicularis. ( 3 ) Rectus igitur est uterque angulorum, qui sunt ad C ; eadem ratione, & anguli, qui ad puncta B, D, recti sunt ; & quoniam rectus angulus est FCK, quadratum, quod fit ex FK, æquale est quadratis, quæ ex FC, CK ; & ob eandem causam quadratis ex FB, BK, æquale est, quod ex FK, quadratum. Quadrata igitur ex FC, CK, quadratis ex FB, BK, æqualia sunt, quorum, quod ex FC, ei, quod ex FB, est æquale. Ergo reliquum, quod ex CK, reliquo, quod ex BK, æquale erit ; æqualis igitur est BK, ipsi CK. Et quoniam FB, est æqualis FC, communis autem FK, duc BF, FK, duabus CF, FK, æquales sunt ; & basis BK, est æqualis basi KC ; erit angulus quidem BFK, angulo KFC, æqualis, ( 4 ) angulus vero BKF, angulo FKC ; duplus

( 1 ) Ex antecedente. ( 2 ) 17. tenii. ( 3 ) 18. tenii.  
( 4 ) 8. primi.

plus igitur est angulus  $BFC$ , anguli  $KFC$ , & angulus  $BKC$ , duplus ipsius  $FKC$ . Eadem ratione, & angulus  $CFD$ , anguli  $CFL$ , est duplus: angulus verò  $CLD$ , duplus anguli  $CLF$ ; & quoniam circumferentia  $BC$ , circumferentiæ  $CD$ , est æqualis, & angulus  $BFC$ , angulo  $CFD$ , æqualis erit; (5) atque est angulus quidam  $BFC$ , anguli  $KFC$  duplus: angulus verò  $DFC$ , duplus ipsius  $LFC$ , æqualis igitur est angulus  $KFC$ , angulo  $CFL$ . Itaque duo triangula sunt  $FKC$ ,  $FLC$ , duos angulos duobus angulis æquales habentia, alterum alteri, & unum latus uni lateri æquale, quod ipsis cōmune est  $FC$ . Ergo, & reliqua latera reliquis lateribus æqualia habebunt, & reliquum angulum, reliquo angulo æqualem (6) recta igitur linea  $KC$ , est æqualis rectæ  $CL$ , & angulus  $FKC$ , angulo  $FLC$ . Et quoniam  $KC$ , est æqualis  $CL$ , erit  $KL$ , ipsius  $KC$ , dupla. Eadem ratione, &  $HK$ , ipsius  $BK$ , dupla ostendetur. Rursus quoniam  $BK$ , ostensa est æqualis ipsi  $KC$ , atque est  $KL$ , quidem dupla  $KC$ .  $Hk$ , verò ipsius  $Bk$ , dupla: erit  $Hk$ , ipsi  $kL$ , æqualis. Similiter, & unaquæque ipsarum  $GH$ ,  $GM$ ,  $ML$ , ostendetur æqualis utrique  $Hk$ ,  $kL$ . Æquilaterum igitur est  $GHkLM$ , pentagonum. Dico etiam æquiangulum esse. Quoniam enim angulus  $FkC$ , est æqualis angulo  $FLC$ : & ostensus est ipsius quidam  $FkC$ , duplus angulus  $HkL$ , ipsius verò  $FLC$ , duplus  $kLM$ : erit, &  $HkL$ , angulus angulo  $kLM$ , æqualis. Simili ratione ostendetur, & unusquisque ipsorum  $kHG$ ,  $HGM$ ,  $GML$ , utrique  $HkL$ ,

$HL, kLM$ , equalis. Quinque igitur anguli  $GHk, HkI, kLM, LMG, MGH$ , inter se æquales sunt; ergo æquiangulum est  $GHkLM$  pentagonum; ostensum autem est etiam æquilaterum esse: & descriptum est circa  $ABCDE$ , circulum; quod facere oportebat.

**Problema 13; Propositio 13.** In dato pentagono, quod æquilaterum, & æquiangulum sit, circulum describere.




**S**it datum pentagonum æquilaterum, & æquiangulum  $ABCDE$ ; oportet in  $ABCDE$ , pentagono circulum describere; secetur uterque angulorū  $BCD, CDE$ , bifariam (1) rectis lineis  $CF, DF$ ; & à puncto  $F$ , in quo conveniunt inter se  $CF, DF$ , ducantur rectæ lineæ  $FB, FA, FE$ . Quoniam igitur  $BC$ , est æqualis  $CD$ , communis autem  $CF$ , dux  $BC, CF$ , duabus  $DC, CF$ , æquales sunt, & angulus  $BCF$ , est æqualis angulo  $DCF$ ; basis igitur  $BF$ , basi  $FD$ , est æqualis, &  $BFC$  triangulum æquale triangulo  $DCF$ , & reliqui anguli reliquis angulis æquales, quibus æqualia latera subtenduntur; (2) angulus igitur  $CBF$ , angulo  $CDF$ , æqualis erit. Et quoniam angulus  $CDE$  anguli  $CDF$  est duplus, & angulus quidem  $CDE$ , angulo  $ABC$ , angulus verò  $CDF$ , angulo  $CBF$  æqualis; erit &  $CBA$ , angulus duplus anguli  $CBF$ ; ac propterea angulus

(1) 9. primi. (2) 4. primi.

lus ABF, angulo FBC æqualis; angulus igitur ABC,  
 bifariam sectus est recta linea BF. Similiter demon-  
 strabitur, & unumquemque angulorum BAE, AED,  
 rectis lineis AF, FE, bifariam sectum esse. Itaque à  
 puncto F, ad rectas lineas AB, BC, CD, DE, EA, du-  
 cantur perpendiculares FG, FH, Fk, FL, FM. Et quo-  
 niam angulus HCF, est æqualis angulo kCF; est autē,  
 & rectus FHC, recto FkC æqualis: erunt duo trian-  
 gula FHC, FkC, duos angulos, duobus angulis æqua-  
 les habentia, & unum latus uni lateri æquale, com-  
 mune scilicet utrisque FC, quod uni æqualium an-  
 gulorum subtenditur; ergo, & reliqua latera reliquis  
 lateribus æqualia habebunt, ( 3 ) atque erit perpen-  
 dicularis FH, perpendiculari Fk, æqualis. Similiter  
 ostendetur, & unaquæque ipsarū FL, FM, FG, æqua-  
 lis utrique FH, Fk, quinque igitur rectæ lineæ FG,  
 FH, Fk, FL, FM, inter se æquales sunt; quare centro  
 F, intervallo autem una ipsarum FG, FH, Fk, FL, FM,  
 circulus descriptus, etiam per reliqua transibit pun-  
 cta, & rectas lineas AB, BC, CD, DE, EA continget,  
 propterea quòd anguli ad G, H, K, L, M, recti sunt. Si  
 enim non continget, sed ipsas secabit, quæ ab extre-  
 mitate diametri circuli ad rectos angulos ducitur  
 intra circulum caderet, quod absurdum esse ostensum  
 est; ( 4 ) non igitur centro F, & intervallo uno ipso-  
 rum puncto-  
 rum G, H, K, L, M, circulus descriptus rectas  
 lineas AB, BC, CD, DE, EA secabit; quare ipsas con-  
 tingat necesse est; describatur, ut GHkLM. In dato  
 igitur

igitur pentagono, quod est æquilaterum, & æquiangulū, circulus descriptus est. Quod facere oportebat,

*Problema 14. Propositio 14. Circa datum pentagonum, quod æquilaterum, & æquiangulum sit, circulum describere.*




**S**It datum pentagonum æquilaterum, & æquiangulum ABCDE; oportet circa pentagonum ABCDE, circulum describere: secetur uterque ipsorum BCD, CDE, angulorum bifariam rectis lineis CF, FD: & à puncto F, in quo conveniunt rectæ lineæ, ad puncta

BAE, ducentur FB, FA, FE. Similiter, ut in antecedenti, demonstrabitur unumquemque angulorum CBA, BAE, AED, rectis lineis BF, FA, FE, bifariam sectum esse. Et quoniam angulus BCD, angulo CDE, est æqualis; atque est anguli quidem BCD, dimidius angulus FCD, anguli vero CDE, dimidius CDF, erit, & FCD, angulus æqualis angulo FDC, quare, & latus CF, lateri FD, cō æquale. Similiter demonstrabitur, & unaquæque ipsarū FB, FA, FE, æqualis unicuique FC, FD; quinque igitur rectæ lineæ FA, FB, FC, FD, FE, inter se æquales sunt; ergo centro F, & intervallo una ipsarum FA, FB, FC, FD, FE, circulus descriptus etiam per reliqua transiit puncta: atque erit descriptus circa pentagonum ABCDE, quod æquilaterum est, & æquiangulum; describatur, &

fit  $ABCDE$ ; circa datum igitur pentagonum æquilaterum, & æquiangulum circulus descriptus est. Quod facere oportebat.


**Problema 15. Propositio 15.** In dato circulo hexagonum æquilaterum, & æquiangulum describere.



**S**it datus circulus  $ABCDEF$ ; oportet in circulo  $ABCDEF$ , hexagonum æquilaterum, & æquiangulum describere; ducatur circuli  $ABCDEF$ , diameter  $AD$ , sumaturque centrum circuli  $G$ ; & centro quidem  $D$ , intervallo autem  $DG$ , circulus describatur  $EGCH$ ; iuxta  $EG$ ,  $CG$ , ad puncta  $B$ ,  $F$  producantur, & jungantur  $AB$ ,  $BC$ ,  $CD$ ,  $DE$ ,  $EF$ ,  $FA$ ; dico hexagonum  $ABCDEF$ , æquilaterum, &

æquiangulum esse. Quoniam enim  $G$  punctum, centrum est  $ABCDEF$  circuli, erit  $GE$ , ipsi  $GD$ , æqualis. Rursus quoniam  $D$ , centrum est circuli  $EGCH$ , erit  $DE$ , æqualis  $DG$ , sed  $GE$ , ipsi  $GD$ , æqualis ostensa est; ergo  $GE$ , ipsi  $ED$ , est æqualis; æquilaterum igitur est  $EGD$  triangulum, ideoque tres ipsius anguli  $EGD$ ,  $GDE$ ,  $DEG$ , inter se æquales sunt, quoniam æquicrurium triangulorum anguli ad basin inter se sunt æquales: (1) & sunt trianguli tres anguli æquales

les duobus rectis; ( 2 ) angulus igitur EGD, duorum rectorum tertia pars est. Similiter ostendetur, &



DG, duorum rectorum tertia; & quoniam recta linea CG super rectam EB insistens angulos, qui deinceps sunt EGC, CGB, duobus rectis æquales efficit; ( 3 ) erit, & reliquæ CGB, tertia duorum rectorum; anguli igitur EGD, DGC, CGB; inter se sunt æquales; ergo, & qui ipsis ad verticem sunt anguli BGA, AGF, FGE, æquales sunt angulis EGD, DGC, CGK; quare sex anguli

EGD, DGC, CGB, BGA, AGF, FGE, inter se æquales sunt; sed æquales anguli æqualibus circumferentiis insunt. ( 4 ) Sex igitur circumferentiæ AB, BC, CD, DE, EF, FA, inter se sunt æquales; æquales autem circumferentias æquales rectæ lineæ subtendunt; ( 5 ) ergo, & sex rectæ lineæ inter se æquales sint necesse est, ac propterea æquilaterum est ABCDEF, hexagonum. Dico, & æquiangulum esse. Quoniam enim circumferentia AF, circumferentiæ ED, est æqualis, cōmunis apponatur circumferentia ABCD: tota igitur FABCD, circumferentia æqualis est toti circumferentiæ EDCBA; & circumferentiæ quidem FABCD,


( 2 ) 32. primi. ( 3 ) 13. primi. ( 4 ) 26. tertii.  
( 5 ) 19. tertii.

FABCD, angulus FED infistit, circumferentia verò EDCBA, infistit angulus AFE; angulus igitur AFE, angulo DEF, est æqualis. Similiter ostenduntur, & reliqui anguli hexagoni ABCDEF sigillatim æquales utrique ipsorum AFE, FED, ergo æquiangulum est ABCDEF hexagonum; ostensum autem est, & æquilaterum esse: & descriptum est in circulo ABCDEF. In dato igitur circulo hexagonum æquilaterum, & æquiangulū descriptum est. Quod facere oportebat.

C O R O L L A R I U M.

Ex hoc manifestum est hexagoni latus, ei, quæ est ex cetro circuli, æquale esse. Et si per pūcta A, B, C, D, E, F contingentes circulum ducamus, circa circulum describetur hexagonum æquilaterum, & equiangulum cōsequenter ijs, quæ in pentagono dicta sunt, & prætereā similiter in dato hexagono circulum describemus, & circumscribemus; quod facere oportebat.


*Problema 16. Propositio 16. In dato circulo quindecagonum æquilaterum, & æquiangulum describere.*



**S** It datus circulus ABCD; oportet in ABCD circulo quindecagonum æquilaterum, & æquiangulum describere. Describatur in circulo ABCD, trianguli quidē æquilateri in ipso descripti latus AC, pentagoni

L 15goni

goni verò æquilateri latus AB. Quarum igitur partium est ABCD circulus quindecim, earum circum-



ferentia quidē ABCD tertia existens circuli, erit quinque; circumferētia verò AB, quæ quinta est circuli, erit trium; ergo reliqua BC est duarum; secetur BC bifariam in puncto E; quare utraque ipsarum BE, EC circumferētiarū,

quintadecima pars est ABCD circuli. Si igitur iungentes BE, EC, æquales ipsis in continuum rectas lineas, in circulo ABCD aptabimus, in ipso quindecagonum æquilaterum, & æquiangulum descriptum erit; quod facere oportebat.

Similiter autem iis, quæ dicta sunt in pentagono, si per circuli divisiones contingentes circulum ducamus, circa ipsum describetur quindecagonum æquilaterum, & æquiangulum. Et insuper dato quindecagono æquilatero, & æquiangulo circulum describemus, & circumscribemus.

Finis Libri Quarti.

# EUCLIDIS

## ELEMENTORUM

### LIBER QUINTUS.

Ex traditione Federici  
Commandini.

#### *DIFFINITIONES.*

1. **P** Ars est magnitudo magnitudinis, minor majoris, quando minor majorem metitur.
2. Multiplex est major minozis, quando majorem minor metitur.
3. Proportio est duarum magnitudinum ejusdem generis, quatenus ad quantitatem pertinet, mutua quzdam habitudo.
4. Proportionem habere inter se magnitudines dicuntur, quz multiplicata se invicem superare possunt.
5. In eadem proportionem magnitudines esse dicuntur prima ad secundam, & tertia ad quartam, quando primaz, & tertiæ zque multiplices, secundaz, & quartæ zque multiplices iuxta quamvis multiplicationem utraque utramque, vel unâ superant,


vel unà æquales sunt, vel unà deficient inter se comparatæ.

6. Magnitudines, quæ eandem proportionem habent, proportionales vocentur.
7. Quando autem æque multiplicium multiplex quidem primæ superaverit multiplicem secundæ, multiplex verò tertiæ non superaverit multiplicem quartæ, tunc prima ad secundam maiorem proportionem habere dicitur, quàm tertia ad quartam.
8. Analogia est proportionum similitudo.
9. Analogia verò in tribus minimis terminis consistit.
10. Quando tres magnitudines proportionales sunt, prima ad tertiam duplam proportionem habere dicitur ejus, quàm habet ad secundam.
11. Quando autem quatuor magnitudines sunt proportionales, prima ad quartam triplam habere proportionem dicitur ejus, quam habet ad secundam, & semper deinceps una plus, quoad analogia processerit.
12. Homologæ, vel similis rationis magnitudines dicuntur antecedentes quidem antecedentibus, consequentes verò consequentibus.
13. Permutata ratio est sumptio antecedentis ad antecedentem, & consequentis ad consequentem.
14. Conversa ratio est sumptio consequentis, ut antecedentis, ad antecedentem, ut ad consequentem.
15. Compositio rationis est sumptio antecedentis, unà cum consequente tamquam unius ad ipsam consequentem.

16. Divisio rationis est sumptio excessus, quo antecedens superat consequentem, ad ipsam consequentem.
17. Conversio rationis est sumptio antecedentis ad excessum, quo antecedens ipsam consequentem superat.
18. Æqua ratio, si vè ex æquali est, cum plures magnitudines extiterint, & aliæ ipsis numero æquales, quæ binæ sumantur, & in eadem proportionem fueritque, ut in primis magnitudinibus prima ad ultimam, ita in secundis magnitudinibus prima ad ultimam: vel aliter, est sumptio extremarum per subtractionem mediarum.
19. Ordinata analogia est quando fuerit, ut antecedens ad consequentem, ita antecedens ad consequentem; ut autem consequens ad aliam quampiam, ita consequens ad aliam quampiam.
20. Perturbata verò analogia est, quando tribus existentibus magnitudinibus, & aliæ ipsis numero æqualibus, fuerit, ut in primis magnitudinibus antecedens ad consequentem, ita in secundis magnitudinibus antecedens ad consequentem; ut autem in primis magnitudinibus consequens ad aliam quampiam: ita in secundis alia quampiam ad antecedentem.

*Theorema 1. Propositio 1. Si fuerint quocumque magnitudines quocumque magnitudinū aequalium numero singule singularum &que multiplices, quotuplex est una magnitudo univ...*

**S**int quotcūque magnitudines AB, CD, quęcumque magnitudinum E, F æqualium numero, singulę singulari æque multiplices. Dico quotuplex est AB, ipsius E, totuplices esse, & AB, CD, ipsarum E, F. Quoniam enim AB, æque multiplex est ipsius E, & CD, ipsius F, quot magnitudines sūt in AB æquales ipsi E, tot erūt, & in CD, æquales ipsi F; dividatur




AB, quidem in partes ipsi E æquales, quę sint AG, GB: CD verò dividatur in partes æquales ipsi F, videlicet CH, HD; erit igitur multitudo partium CH, HD æqualis multitudini ipsarum AG, GB; & quoniam AG, est æqualis E, & CH, æqualis F, erunt, & AG, CH, æquales ipsi E, F; eadem ratione quoniam GB est æqualis E, & HD, ipsi F, erunt, & GB, HD æquales ipsis E, F; quot igitur sunt in AB æquales ipsi E, tot sunt, & in AB, CD, æquales ipsis EF; ergo quotuplex est AB, ipsius E, totuplices erunt, & AB, CD, ipsarum EF; si igitur fuerint quotcūque magnitudines quocumque magnitudinum æqualium numero singulę singularum æque multiplices, quotuplex est una magnitudo unius, totuplices erunt, & omnes omnium; quod demonstrare oportebat.

*Theorema 2. Propositio 2. Si prima secunda aęue multiplex fuerit, ac tertia quarta fuerit autem, & quinta secunda aęue multiplex, ac sexta quarta; erit etiam composita prima, & quinta secunda aęue multiplex, ac tertia, & sexta quarta.*

Pri-

**P**rima enim AB, secundæ C  
æque multiplex sit, ac ter-  
tia DE, quartæ F; si autem, & quin-  
ta BG, secundæ C, æque multi-  
plex, ac sexta EH, quartæ F. Di-  
co, & compositam primam, &  
quintam AG, secundæ C æque  
multiplicem esse, ac tertiam, &  
sextam DH, quartæ F. Quoniam  
enim AB, æque multiplex est C,  
ac DE, ipsius F; quot magnitudi-  
nes sunt in AB, æquales C, tot  
erunt, & in DE, æquales F; eadē  
ratione, & quot sūt in BG, æqua-  
les C, tot & in EH, erunt æquales F; quot igitur  
sunt in tota AG, æquales C, tot erunt, & in tota DH,  
æquales F; ergo quoruplex est AG, ipsius C, totuplex  
est, & DH, ipsius F; & composita igitur prima, &  
quinta AG, secundæ C æque multiplex erit, ac ter-  
tia, & sexta DH, quartæ F: quare si prima secundæ  
æque multiplex fuerit, ac tertia quartæ: fuerit autē,  
& quinta secundæ æque multiplex, ac sexta quartæ:  
erit composita quoque prima, & quinta æque multi-  
plex secundæ, ac tertia, & sexta quartæ; quod oportebat demonstrare.



*Theorema 3. Propositio 3. Si prima secunda æque multi-  
plex fuerit, ac tertia quarta; sumantur autem æque  
multiplices prima, & tertia, erit, & ex aquali sum-  
ptarū utraque utriusque æque multiplex, altera qui-  
dam secunda, altera verò quarta.*

**P**rima enim A, secundæ B æque  
multiplex sit, ac tertia C,  
quartæ D: & sumantur ipsarum  
A, C, æque multiplices EF, GH. Di-  
co EF, æque multiplicem esse ip-  
sius B, ac GH ipsius D. Quoniam  
enim EF, æque multiplex est ip-  
sius A, ac GH, ipsius C; quot ma-  
gnitudines sūt in EF, æquales A,  
tot erunt, & in GH, æquales C. Di-  
vidatur EF, quidē in magnitudi-  
nes ipsi A, æquales EK, KF; GH verò dividatur in ma-  
gnitudines æquales C, videlicet GL, LH; erit igitur  
ipsarū EK, KF multitudo æqualis multitudini ipsarū  
GL, LH; & quoniam æque multiplex est A, ipsius B, ac  
C, ipsius D, æqualis autē EK, ipsi A, & GL, ipsi C; erit  
EK æque multiplex ipsius B, ac GL, ipsius D; eadē ra-  
tione æque multiplex erit KF, ipsius B, & LH, ipsius  
D; quoniā igitur prima EK, secundæ B æque multiplex  
est, ac tertia GL, quartæ D; est autem, & quinta KF,  
secundæ B æque multiplex, ac sexta LH, quartæ D:  
erit, & composita prima, & quinta EF, secundæ B æque  
multiplex, ac tertia, & sexta GH, quartæ D. (1) Si  
igitur prima secundæ æque fuerit multiplex, ac ter-  
tia quartæ, sumantur autem primæ, & tertiæ æque  
multiplices: erit, & ex æquali sumptarum utraque  
utriusque æque multiplex, altera quidem secundæ,  
altera verò quartæ; quod ostendisse oportuit.

Theo-

(1) Ex antecedente.

*Theorema 4. Propositio 4. Si prima ad secundam eandem habent proportionem, quam tertia ad quartā, & aque multiplices prima, & tertia ad aque multiplices secunda, & quarta, iuxta quamvis multiplicationem, eandem proportionem habebunt inter se comparata.*

**P**rima enim A, ad secundam B eandem proportionem habeat, quā tertia C, ad quartam D: & sumantur ipsarum, quidem A, C aliz utcumque æque multiplices E, F, ipsarum verò B, D alię utcūque æque multiplices G, H; dico E ad G ita esse, ut F, ad H; sumantur enim rursus ipsarum E, F, æque multiplices K, L, & ipsarū G, H, æque multiplices M, N. Quoniam igitur E, æque multiplex est ipsius A, atque F, ipsius C; sumantur autem ipsarum E, F, æque multiplices K, L: erit K æque multiplex ipsius A, atque L, ipsius C; (1) eadem ratione M æque multiplex erit ipsius B, atque N, ipsius D; & quoniam est ut A, ad B; ita C, ad D; sumptæ autem sunt ipsarū A, C, æque multiplices K, L; & ipsarum B, D aliz utcumque æque multiplices M, N: si K superat M, superabit & L ipsam N; & si æqualis æqua-



(1) Ex antecedente.

æqualis; & si minor minor. (2) Suntque K, L, quidem ipsarum E, F æquæ multiples; M, N verò ipsarum G, H aliz utcumque æquæ multiples; ut igitur E ad G, ita erit F ad H; (3) quare si prima ad secundam eandem habeat proportionem, quam tertia ad quartam, & æquæ multiples primæ, ac tertiæ ad æquæ multiples secundæ, ac quartæ iuxta quamvis multiplicationem eandem proportionem habebunt inter se comparatæ; quod demonstrare oportebat.

Quoniam igitur demonstratum est si K superat M, & L ipsam N superare; & si æqualis, æqualem esse, & si minor, minorem; constat etiam si M superat K, & N superare ipsam L; & si æqualis, æqualem esse; & si minor, minorem; (4) ac propterea, ut G ad E, ita esse H ad F.



(2) Per conversam quintæ diffin. (3) 5. diffin.  
(4) 5. diffinit.

### C O R O L L A R I U M.

Ex hoc manifestum est si quatuor magnitudines sint proportionales, & contra proportionales esse.

Theo-

*Theorema 5. Propositio 5. Si magnitudo magnitudinis aque multiplex sit, atque ablata ablata, & reliqua reliqua aque multiplex erit, atque tota totius.*


**M**agnitudo enim AB magnitudinis CD aque multiplex sit, atque ablata AE, ablatæ CF; dico, & reliquam EB reliquæ FD æquè multiplicem esse, atque totam AB totius CD; quoniam enim est AE ipsius CF, totuplex fiat, & EB ipsius CG; & quoniam AE æque multiplex est CF, atque EB ipsius CG, erit AE æquè multiplex CF, & AB ipsius GF. (1) ponitur autem æque multiplex AE ipsius CF, & AB ipsius CD; æque multiplex igitur est AB, utriusque GF, CD; ac propterea GF ipsi CD est æqualis; communis auferatur CF, reliqua igitur GC æqualis est reliquæ DF. (2) Itaque quoniam AE æque multiplex est CF, & EB ipsius CG, estque CG æqualis DF; erit AE æque multiplex CF, & EB ipsius FD; æque multiplex autem ponitur AE ipsius CF, & AB ipsius CD; ergo EB est æque multiplex FD, & AB ipsius CD; & reliqua igitur EB reliquæ FD æque multiplex est, atq; tota AB totius CD; quare si magnitudo magnitudinis æque multiplex sit, atq; ablata ablatæ, & reliqua reliquæ æque erit multiplex, atq; tota totius. Quod oportebat demonstrare.

(1) 1. hujus. (2) 2. com. not.

*Theorema 6. Propositio 6. Si dua magnitudines duarum magnitudinum aque multiplices sint, & ablata quadam*

*dam sint earundem aequae multiplices, erunt & reliqua  
vel ejusdem aequales, vel ipsarum aequae multiplices.*

**D**ux enim magnitudines AB, CD, duarum magnitudinum E, F aequae multiplices sint, & ablatae AG, CH earundem sint aequae multiplices; dico, & reliquas GB, HD, vel ipsis EF aequales esse. vel ipsarum aequae multiplices; sit enim primum GB, aequalis E; dico, & HD, ipsi F esse aequalis; ponatur ipsi F, aequalis CK; & quoniam AG aequae multiplex est E, & CH, ipsius F; estque CB, quidem aequalis E; CK vero aequalis F; erit AB aequae multiplex E, & KH, ipsius F; (1) aequae autem multiplex ponitur AB, ipsius E, & CD, ipsius F; ergo KH aequae multiplex est F, & CD, ipsius F; quoniam igitur utraque ipsarum KH, CD est aequae multiplex F, erit KH aequalis CD; communis auferatur CH; ergo reliqua KC reliqua HD est aequalis. (2) Sed KC est aequalis F; & HD igitur ipsi F est aequalis; ideoque GB, ipsi E, & HD ipsi F aequalis erit. Similiter demonstrabimus si GB multiplex fuerit ipsius E, & HD ipsius F aequae mul-



(1) 1. hujus. (2) 1. com. not.

tiplicem esse. Si igitur duæ magnitudines duarum magnitudinū æque multiples sint, & ablatæ quædam sint earundem æque multiples erunt, & reliquæ vel eisdem æquales, vel ipsarum æque multiples. Quod demonstrare oportebat.

*Theorema 7. Propositio 7. Equales ad eandem, eandem habent proportionem, & eadem ad æquales.*

**S**int æquales magnitudines A, B, alia autem quævis magnitudo C. Dico utramque ipsarum A, B, ad C, eandem proportionem habere: & C, ad utramque A, B, similiter eandem habere proportionē. sumantur enim ipsarum A, B, æque multiples D, E, & ipsius C, alia utcumque multiplex F. Quoniā igitur æquē multiplex est D, ipsius A, & E, ipsius B, estque A, ipsi B æqualis, erit & D æqualis E, (1) alia autem utcumque est F, ergo si D superat F, & E ipsā F superabit, & si æqualis, æqualis, & si minor, minor; & sunt DE, quidē ipsarum A, B æquē multiples: F verò alia utcumque multiplex ipsius C; erit igitur, ut A ad C, ita B ad C. (2) Dico insuper C ad utramque ipsarum A, B, eandem habere proportionē; iisdem enim constructis similiter ostendemus D ipsi E æqualem esse, aliam verò quandam F; si igitur F superat D, ipsam quoque E superabit; & si æqualis, æqua-



(1) 1. com. not. (2) 5. diff.

æqualis & si minor, minor; atque est E. quidem ipsius C multiplex; DE verò alia utcūque æque multiplices ipsarum AB; ergo, ut C ad A, ita erit C ad B; (3) æquales igitur ad eandem, eandem habent proportionem, & eadem ad æquales. Quod ostendere oportebat.

(3) 5. diff.

*Theorema 8. Propositio 8. Inæqualium magnitudinum major ad eandem maiorem habet proportionem, quam minor: & eadem ad minorem maiorem proportionem habet, quam ad maiorem.*

**S**int inæquales magnitudines AB, C; & sit AB major: alia verò utcumq; D; dico AB ad D maiorem habere proportionē, quod C ad D: & D ad C maiorem habere, quam ad AB; quoniam enim AB major est, quam C, ponatur ipsi C æqualis BE. Itaque minor ipsarū AE, EB, multiplicata major aliquando erit, quod D. (1) Sit primum AE minor, quam EB, & multiplicetur AE, quo ad fiat major, quam D, sitque ipsius multiplex FG, quæ ipsa D sit major: quotuplex autem est FG, ipsius AE, totuplex fiat, & GH ipsius EB, & K ipsius C; sumaturque ipsius D dupla, quidem L, tripla verò M, & deinceps una plus, quo



(1) 4. diff.

quo ad ea, quæ sumitur, multiplex fiat ipſus D, & primo major, quā K ſumatur, ſitque N ipſus D quadrupla, & primo major quam K; quoniam igitur K primo minor eſt, quā N, non erit K minor, quam M; & cum æque multiplex ſit FG ipſus AE, & GH ipſus EB, erit, & FG æque multiplex AE, & FH ipſus AB; (2) æque autē multiplex eſt FG ipſi AE, & K ipſus C; ergo FH æque multiplex eſt AB, & K ipſus C, ac propterea FH, K ipſarum AB, C æque multiplices erunt; rurius quoniam GH æque multiplex eſt EB, & K ipſus C, eſtque EB æqualis C, erit, & GH ipſi K æqualis. (3) Sed K non eſt minor, quam M; non igitur GH minor eſt, quam M, major autem E, G, quam D; ergo tota FH utriſque DM major erit. Sed utraq;ue D, M ſunt æquales N, eſt enim M tripla ipſius D, & utraq;ue MD ipſius D quadrupla, eſt autē, & N quadrupla D; utraq;ue igitur MD ipſi N æquales ſunt, ſed FH major eſt quam MD. Quare FH ſuperat N. K verò ipſam N non ſuperat, & ſunt FH, K æque multiplices ipſarum AB, C, & N ipſius D, alia utcuq;ue multiplex; ergo AB, ad D majorem proportionē habet, quam C, ad D. (4) Dico præterea, & D ad C majorem habere proportionem, quam D ad AB; iſdē enim conſtructis ſimiliter oſtendemus N ſuperare K, ipſam verò FH non ſuperare, atque eſt N multiplex ipſius D, & FH, K, aliz utcuſq;ue ipſarum AB, C æque multiplices; ergo D ad C majorem proportionem habet, quā D ad AB. Sed ſit AE major, quā EB; erit  
mi-

---

(2) 1. hujus. (3) 1. com. not. (4) 7. diſf.

minor EB multiplicata aliquando major, quàm D; multiplicetur, & sit GH multiplex quidem ipsius EB, major verò, quàm D; & quoduplex est GH, ipsius EB, totuplex fiat, & FG, ipsius AE, & K ipsius C; simili ratione ostendemus FH, K ipsarū AB, C æque multiplices esse; sumatur deinde N multiplex D, primo autē major, quàm FG, ergo rursus FG non est minor, quàm M: major autem FG, quàm D; tota igitur FH superat DM, hoc est N; & K ipsam N nō superat: quoniam EG major existens, quàm GH, hoc est quàm K, nō superat N; & similiter, ut in iis, quę superius dicta sunt, demonstrationem absolvemus. Inæqualiū igitur magnitudinum major ad eandem majorem habet proportionem, quàm minor, & eadem ad minorem majorem proportionē habet, quàm ad majorem. Quod ostendere oportebat.



*Theorema 9. Propositio 9. Quæ ad eandem, eandem proportionem habent, inter se æquales sunt; & ad quas eadem, eandem habet proportionem, ipsa inter se sunt æquales.*

**H**abeat enim utraque ipsarum A, B ad C eādem proportionem. Dico A, ipsi B, æqualem esse, nam, si non esset æqualis, non haberet utraque ipsarū

A. B

A, B ad eandem proportionem. (1) habet autem; æqualis igitur est A ipsi B. Habeat rursus C ad utramque ipsarum A, B eādem proportionem. Dico A æqualem esse ipsi B; nisi enim ita sit, nō habebit C ad utramque A, B eandem proportionem; (2) habet autē; ergo A ipsi B necessario est æqualis; quæ igitur ad eandem, eandem proportionem, habent, æquales inter se sunt; & ad quas eadem eandem habet proportionem, ipsæ inter se sunt æquales; quod demonstrare oportebat.

(1) Ex antecedente. (2) Ex antecedente.

*Theorema 10. Propositio 10. Ad eandem proportionem habentium qua maiorem proportionem habet, illa major est; ad quam verò eadem maiorem habet proportionem, illa minor est.*

**H**abeat enim A ad C maiorem proportionem, quam B ad C. Dico A, quam B maiorem esse; si enim non est major, vel æqualis est, vel minor; æqualis autem non est A ipsi B, utraque enim ipsarum A, B ad C eandem haberet proportionem; (1) atqui eandem non habet; non igitur A ipsi B est æqualis. Sed neque minor est A quam B; haberet enim A ad C minorem proportionem, quā B; (2) atqui

(1) 7. hujus. (2) 8. hujus.

atqui non habet minorem, non igitur A minor est, quam B; ostensum autem est neque esse æqualem; ergo A quam B major erit. Habeat rursus C ad B maiorem proportionem, quam C ad A. Dico B minorem esse, quam A; si enim non est minor, vel æqualis est, vel maior; æqualis utique non est B ipsi A; etenim C ad utramque ipsarum A, B eandem proportionem haberet, (3) non habet autem; ergo A ipsi B non est æqualis. Sed neque maior est B, quam A; haberet enim C ad B minorem proportionem, quàm ad A; (4) atqui non habet; non igitur B quam A est major. Ostensum autem est neque æqualem esse; ergo B minor erit, quam A. Ad eandem igitur proportionem habentium quæ maiorem proportionem habet, illa major est: & ad quam eadem maiorem habet proportionem, illa minor est; quod oportebat demonstrare.

A  
C  
B

(3) 7. hujus. (4) 8. hujus.

*Theorema 11. Propositio 11. Quæ eidem eadem sunt proportionēs, & inter se eadem sunt.*

**S**it enim, ut A ad B, ita C ad D: ut autem C ad D, ita E ad F. Dico, ut A ad B, ita esse E ad F; sumantur enim ipsarū, quidem A, C, E æque multiplices G, H, K; ipsarum verò B, D, F aliz utcūque æque multiplices L, M, N. Quoniā igitur est, ut A ad B, ita C ad D, & sumptæ sunt ipsarum A, C æque multipli-

ca

ces G, H, & ipsarum B, D aliz utcumque  
æque multiples L, M, si G superat L, &  
H ipsā M superabit, & si æqualis, æqua-  
lis; & si minor, minor; (1) Rursus quoniā  
est, ut C ad D, ita E ad F, & sumptæ  
sunt ipsarū C, E æque multiples H, K;  
ipsarum verò D, F aliz utcumque æque  
multiples M, N, si H superat M, & K  
ipsam N superabit; & si æqualis, æqua-  
lis; & si minor, minor; sed si H superat  
M, & G superabit L; & si æqualis, æqua-  
lis; & si minor minor; quare si G supe-  
rat L, & K ipsam N superabit; & si æqua-  
lis, æqualis & si minor, minor; & sunt  
G, K quidem ipsarum A, E æque multi-  
plices; L, N verò ipsarū B, F aliz utcum-  
que æque multiples; ergo, ut A ad B,  
ita erit E ad F, (2) quæ igitur eidem  
eædem sunt proportionēs, & inter se  
eædem sunt, quod ostendisse oportuit.

G A B L

H C D M

(1) Ex conversa 5. diff. (2) 5. diff.

K E F N

*Theorema 12. Propositio 12. Si quotcunque magnitudi-  
nes proportionales fuerint, ut una ante edentium ad  
unam consequentium, ita erunt antecedentes omnes  
ad omnes consequentes.*

**S**int quotcunque magnitudines proportionales A, B,  
C, D, E, F, & ut A ad B, ita sit C ad D, & E ad F. Di-

co, ut A ad B; ita esse A, C, E ad B, D, F; sumatur enim ipsarū A, C, E æq; multiplices G, H, K, & ipsarū B, D, F aliæ utcūq; æque multiplices L, M, N. Quoniam igitur, ut A ad B, ita est C ad D, & E ad F, & sūptæ sunt ipsarum, quidem A, C, E æque multiplices G, H, K, ipsarū verò B, D, F aliæ utcūque æque multiplices L, M, N; si G superat L, & H ipsam M superabit, & K ipsam N, & si æqualis, æqualis, & si minor, minor; (1) quare, & si G superat L, superabūt, & G, H, K ipsas L, M, N, & si æqualis, æquales; & si minor, minores; suntque G, & G, H, K ipsarum A, & A, C, E æque multiplices: quoniam si fuerint quocūque magnitudines quocumque magnitudinum æqualium numero, singulæ singularum æque multiplices; quotuplex est una magnitudo unius, totuplices erunt, & omnes omnium; (2) eadē ratione, & L, & L, M, N ipsarum B, & B, D, F sūt æque multiplices; est igitur, ut A ad B, ita A, C, E ad B, D, F; (3) quare si quocūque magnitudines proportionales fuerint, ut una antecedentium ad unam consequentiū, ita erunt antecedentes omnes ad omnes consequentes; quod demonstrare oportebat.



(1) Per conversam. 5. diff. (2) 1. hujus. (3) 5. diff.

*Theorema 13. Propositio 13. Si prima ad secundam eandem habeat proportionem, quam tertia ad quartam; tertia autem ad quartam maiorem proportionem habeat, quam quinta ad sextam: & prima ad secundam maiorem habebit proportionem, quā quinta ad sextam.*

**P**rima enim A ad secundam B eandem proportionem habeat, quam tertia C ad quartam D, tertia autem C ad quartam D maiorem habeat proportionem, quam quinta E ad sextam F. Dico, & primam A ad secundam B, maiorem proportionem habere, quam quintam E ad sextam F. Quoniam enim C ad D maiorem proportionem habet, quam E ad F, sunt quædam ipsarū C, E æque multiplices, & ipsarum D, F aliz utcumque æque multiplices: & multiplex quidē C superat multiplicem D; multiplex verò E nō superat multiplicem F. (1) Sumantur, & sint ipsarum C, E æque multiplices G, H, & ipsarum D, F

M 3 aliz

(1) Per conversam. 7. diff.



alix utcumque æque multiples K, L, ita ut G, quidē superet K; H verò ipsam L non superet: & quoduplex est G ipsius C, totuplex sit, & M ipsius A; quoduplex autem K ipsius D, totuplex sit, & N ipsius B; & quoniam est, ut A ad B, ita C ad D, & sumptæ sunt ipsarum A, C æque multiples M, G, & ipsarū B, D alix utcumque æque multiples N, K: si M superat N, & G ipsam K superabit; & si æqualis, æqualis; & si minor, minor. ( 2 ) Sed G superat K; ergo, & M ipsam N superabit, H verò non superat L, suntque M, H ipsarum A, E æque multiples, & N, L ipsarū B, F alix utcumque æque multiples; ergo A ad B maiorem proportionem habebit, quàm E ad F; ( 3 ) si igitur prima ad secundam eandem habeat proportionem, quàm tertia ad quartam; tertia verò ad quartam maiorem proportionem habeat, quam quinta ad sextā, & prima ad secundam maiorem habebit proportionem, quam quinta ad sextam: quod ostendere oportebat.


---

( 2 ) Per conversam. 5. diff. ( 3 ) 7. diff.

*Theorema 14. Propositio 14. Si prima ad secundam eandem habeat proportionem, quàm tertia ad quartam; prima autem maior sit, quam tertia, & secunda quam quarta maior erit, & si æqualis, æqualis, & si minor, minor.*

**P**rima enim A ad secundam B eandem proportionem habeat, quam tertia C ad quartam D:  
ma-

major autem sit A quàm C. Dico, & B quàm D majorem esse. Quoniam enim A major est quam C, & alia utcumque magnitudo B, habebit A ad B majorem proportionem, quàm C ad B. (1) Sed, ut A ad B, ita C ad D; ergo, & C ad D majorem habebit proportionem, quàm C ad B; (2) ad quã verò eadem majorem proportionem habet, illa minor est. (3) Quare D est minor, quàm B, ac propterea B quàm D major erit. Similiter demonstrabimus, & si A æqualis sit ipsi C, & B ipsi D esse æqualem, & si A sit minor, quam C, & B quàm D minorem esse. Si igitur prima ad secundam eandem habeat proportionem, quàm tertia ad quartam, prima autem major sit, quàm tertia, & secunda, quàm quarta major erit, & si æqualis, æqualis, & si minor, minor, quod demonstrare oportebat.



(1) 8. hujus. (2) Ex antecedente. (3) 10. hujus.

*Theorema 15. Propositio 15. Partes eodem modo multiplicium inter se comparata eandem habent proportionem.*

**S**it enim AB æque multiplex C, & DE ipsius F. Dico, ut C ad F, ita esse AB ad DE; Quoniam enim æque multiplex est AB ipsius C, & DE ipsius F; quot magnitudines sunt in AB æquales ipsi C, totidem erunt, & in DE æquales F; dividatur AB in

magnitudines ipsi C æquales, quæ A  
sunt AG, GH, HB, & DE dividatur in  
magnitudines æquales F, videlicet  
in DK, KL, LE; erit igitur ipsarum G  
AG, GH, HB multitudo æqualis mul-  
titudini DK, KL, LE; & quoniam  
æquales sunt AG, GH, HB, suntque H  
DK, KL, LE inter se æquales; ut AG  
ad DK, ita erit GH ad KL, & HB ad  
LE; atque erit, ut unum anteceden-  
tium ad unum consequentium, ita



omnia antecedentia ad omnia consequentia, (1) est  
igitur, ut AG ad DK, ita AB ad DE. Sed AG ipsi C  
est æqualis, & DK ipsi F; ergo, ut C ad F, ita erit AB  
ad DE; partes igitur eodem modo multiplicium in-  
ter se comparatæ eandem habent proportionē; quod  
ostendendum fuit,

(1) 12. hujus.

*Theorema 16. Propositio 16. Si quatuor magnitudines  
proportionales fuerint, & permutata proportionales  
erunt.*

**S**int quatuor magnitudines proportionales A, B,  
C, D, sitque, ut A ad B, ita C ad D. Dico, & per-  
mutatas proportionales esse, videlicet, ut A ad C,  
ita esse B ad D. Sumatur enim ipsarum, quidem A, B  
æque multiplices E, F, ipsarum verò C, D alię utcum-  
que æque multiplices G, H; & quoniam æque multi-  
plex

plex est E ipsius A, & F ipsius B, partes autem eodem modo multiplicium inter se comparatz eandem habent proportionem: ( 1 ) erit, ut A ad B, ita E ad F, ut autem A ad B, ita C ad D; ergo, & ut C ad D, ita E ad F; rursus quoniam G, H sunt ipsarum C, D æque multiples, partes autem eodem modo multiplicium eandem proportionē habent inter se comparatz, ( 2 ) erit, ut C ad D, ita G ad H; sed, ut C ad D, ita E ad F; ergo, & ut E ad F, ita G ad H. Quod si quatuor magnitudines proportionales sint, prima autem major sit, quàm tertia; & secunda quàm quarta major erit, & si æqualis, æqualis, & si minor, minor. ( 3 ) Si igitur E superat G, & F ipsā H superabit, & si æqualis, æqualis, & si minor, minor: suntque E, F ipsarū A, B æque multiples, & C, H ipsarū C, D, aliz utcumque æque multiples, ergo, ut A ad C, ita erit B ad D. ( 4 ) Si igitur quatuor magnitudines proportionales fuerint, & permutatz proportionales erunt. Quod ostendere oportebat.



*Theo-*

- (1) Ex antecedente (2) 11. hujus. (3) 14. hujus.  
(4) 5. diff.

*Theorema 17. Propositio 17. Si composita magnitudines sint proportionales, & divisa proportionales erunt.*

**S**int cōpositæ magnitudines proportionales AB, BE, CD, DF; sitque, ut AB ad BE, ita CD ad DF; dico etiā divisas ptoportionales esse; videlicet, ut AE ad EB, ita esse CF ad FD; sumātur enim ipsarum, quidem AE, EB, CF, FD, æque multiplices GH, HK, LM, MN, ipsarum, verò EB, FD, aliæ utcumque æque multiplices KX, NP; & quoniā æque multiplex est GH ipsius AE, & HK ipsius EB; erit GH ipsius AE æque multiplex, & GK ipsius AB; (1) æque autem multiplex est GH ipsius AE, & LM ipsius CF; (2) ergo GK æque multiplex est AB, & LM ipsius CF; rursus quoniam æque multiplex est LM ipsius CF, & MN ipsius FD; erit LM æque multiplex CF, & LN ipsius CD. (3) Sed æque multiplex erat LM ipsius CF, & GK ipsius AB; æque igitur multiplex est GK ipsius AB, & LN ipsius CD; (4) quare GK, LN, ipsarum AB, CD æque multiplices erunt. Rursus quoniā æque multiplex est HK ipsius EB, & MN ipsius FD, est autem, & KX ipsius EB æque multiplex, & NP ipsius FD; & composita HX ipsius EB æque



(1) 1. hujus. (2) 22. hujus. (3) 8. hujus.  
(4) 22. hujus.

$\alpha$ que multiplex est, & MP ipsius FD; (5) quod cum sit, ut AB ad BE, ita CD ad DF, & sumptæ sint ipsarum, quidem AB, CD,  $\alpha$ que multiplices GK, LN, ipsarum verò EB, FD aliæ utcumque  $\alpha$ que multiplices HX, MP; si GK superat HX, & LN superabit MP, & si  $\alpha$ qualis,  $\alpha$ qualis, & si minor, minor (6) superet igitur GK ipsam HX, communique ablata HK, & GH ipsam KX superabit; sed si GK superat HX, & LN superat MP; itaque superet LN, ipsam MP, communique MN ablata, & LM superabit NP; quare si GH superat KX, & LM ipsam NP superabit. Similiter demonstrabimus, & si GH sit  $\alpha$ qualis KX, & LM ipsi NP esse  $\alpha$ qualem, & si minor, minorem; sunt autem GH, LM ipsarum AE, CF  $\alpha$ que multiplices, & ipsarum EB, FD aliæ utcumque  $\alpha$ que multiplices KX, NP; ergo, ut AE ad EB, ita erit CF ad FD. (7) Si igitur compositæ magnitudines sint proportionales, & diuisæ proportionales erunt. Quod demonstrare oportebat.

---

(5) 2. hujus. (6) Ex conuersa 5. diff. (7) 5. diff.

*Theorema 18. Propositio 18. Si diuisa magnitudines sint proportionales, & composita proportionales erunt.*

**S**int diuisæ magnitudines proportionales AE, EB, CF, FD: & ut AE ad EB, ita CF ad FD. Dico etiam compositas proportionales esse, videlicet ut AB ad BE, ita esse CD ad DF. Si enim non est, ut AB ad BE, ita CD ad DF; erit, ut AB ad BE, ita CD  
vel

vel ad minorem, quàm DF, vel ad majorem. Sit primum ad minorem, nempe ad DG; & quoniam est, ut AB ad BE, ita CD ad DG compositæ magnitudines sūt proportionales; ergo, & divisæ proportionales erunt; (1) est igitur, ut AE ad EB, ita CG ad GD; ponitur autem, & ut AE ad EB, ita CF ad FD; quare, & ut CG ad GD, ita CF ad FD; (2) at CG prima, major est, quàm tertia CF; ergo, & secunda DG, quàm quarta DF major erit; (3) sed, & minor, quod fieri non potest; non igitur est, ut AB ad BE, ita CD ad DG; similiter ostendemus neque esse ad majorem, quàm DF; ad ipsam igitur DF sit necesse est. quare si divisæ magnitudines sint proportionales, & compositæ proportionales erunt. Quod oportebat demonstrare.



(1) Ex antecedente. (2) 11. hujus. (3) 14. hujus.

*Theorema 19. Propositio 19. Si fuerit, ut tota ad totam, ita ablata ad ablatam; & reliqua ad reliquam erit, ut tota ad totam.*

**S**it enim, ut tota AB ad totam CD, ita ablata AE ad ablatam CF; dico, & reliquam EB ad reliquā FD ita esse, ut tota AB ad totam CD; quoniam enim est, ut tota AB ad totam CD, ita AE ad CF, & permutando erit, ut BA ad AE, ita DC ad CF; (1) quoniam

(1) 16. hujus.

niam compositæ magnitudines sunt proportionales, & divisæ proportionales erunt, ( 2 ) ut igitur BE ad EA, ita DF ad FC, rursusque permutando, ut BE ad DF, ita EA ad FC. Sed, ut AE ad CF, ita posita est AB ad CD; & reliqua igitur EB erit ad reliquam FD, ut tota AB ad totam CD; ( 3 ) quare si fuerit, ut tota ad totam, ita ablata ad ablatam; & reliqua ad reliquam erit, ut tota ad totam. Quod demonstrare oportebat.

Et quoniam ostensum est, ut AB ad CD, ita esse EB ad FD, erit permutando, ut AB ad BE, ita CD ad DF; ergo compositæ magnitudines proportionales sunt; ostensum autem est, ut BA ad AE, ita DC ad CF, quod est per conversionem rationis.



( 2 ) 17. hujus. ( 3 ) 11. hujus.

### C O R O L L A R I U M.


Ex hoc igitur perspicuum est si compositæ magnitudines sint proportionales, & per conversionem rationis proportionales esse.

Factæ autem sunt proportionales, & in æque multiplicibus, & in analogiis; nam si prima secundæ æque multiplex sit, atque tertia quartæ, erit, & ut prima ad secundam, ita tertia ad quartam; sed non item

item ex contrario convertitur. Si enim sit, ut prima ad secundam, ita tertia ad quartam, non omnino erit prima, quidem secundæ æque multiplex, tertia verò, quartæ, velut in sesquialteris, vel in sesquiterciis proportionibus, vel aliis ejusmodi. Quod demonstrare oportebat.

*Theorema 20. Propositio 20. Si sint tres magnitudines, & alia ipsis numero æquales, quæ bina sumantur, & in eadem proportionem, ex aequali autem prima major sit, quàm tertia, & quarta quàm sexta major erit; & si æqualis, æqualis, & si minor, minor.*

**S**int tres magnitudines A, B, C, & aliz ipsis numero æquales D, E, F binæ sumptæ, & in eadem proportionem, sitque ut A ad B, ita D ad E, & ut B ad C, ita E ad F, ex æquali autem major sit A, quod C dico, & D quam F majorem esse, & si æqualis, æqualem, & si minor, minorem. Quoniam enim A major est, quàm C, alia vero utcumque B, & major ad eandem majorem habet proportionem, quàm minor, (1) habebit A ad B majorem proportionem, quam C ad B. Sed, ut A ad B, ita D ad E, & convertendo, ut C ad B, ita F ad E; ergo, & D ad E majorem habet proportionem, quàm F ad E. Ad eandem vero proportionem habentium quæ majorem ha-




(1) s. hujus.

habet proportionem, illa major est; (2) major igitur est D quam F. similiter ostendemus, & si A sit æqualis C, & D ipsi F æqualem esse, & si minor, minorem. Si igitur tres magnitudines fuerint, & alie ipsi numero æquales, quæ binæ sumantur, & in eadem proportionem, ex æquali autem prima major sit, quam tertia, & quarta quam sexta major erit, & si æqualis, æqualis, & si minor, minor. Quod ostendere oportebat.

(2) 10. hujus.

*Theorema 21. Propositio 21. Si sint tres magnitudines, & alie ipsi numero æquales, quæ binæ sumantur, & in eadem proportionem; sit autem perturbata earum analogia, & ex æquali prima major sit quam tertia; & quarta quæ sexta major erit, & si æqualis, æqualis, & si minor, minor.*

**S**int tres magnitudines proportionales A, B, C, & alie ipsi numero æquales D, E, F, binæ sumptæ, & in eadē proportionem. Sit aut perturbata earū analogia, videlicet, ut A quidem ad B; ita E ad F; ut vero B ad C, ita D ad E; & ex æquali A major sit, quam C. Dico, & D quam F majorem esse; & si æqualis, æqualem, & si minor, minorem. Quoniam enim major est A, quam C, alia vero B; habebit A ad B majorem propor-



tionem quam C ad B. (1) Sed, ut A ad B, ita E ad F, & convertendo, ut C ad B, ita E ad D. Quare, & E ad F maiorem habebit proportionem, quam E ad D. Ad quam vero eadem maiorem proportionem habet, illa minor est; (2) minor igitur est F, quam D; ac propterea D quam F maior erit. Similiter ostendemus, & si A sit æqualis C, & D ipsi F esse æqualem; & si minor, minorem. Si igitur sint tres magnitudines, & alix ipsis æquales numero, quæ binæ sumantur, & in eadem proportionem; sit autem perturbata earum analogia, & ex æquali prima maior sit quam tertia: & quarta, quam sexta maior erit; & si æqualis, æqualis; & si minor, minor; quod demonstrare oportebat.


---

(1) 8. hujus. (2) 10. hujus.

*Theorema 22. Propositio 22. Si sint quocumque magnitudines, & alia ipsis numero æquales, quæ binæ sumantur in eadem proportionem; & ex æquali in eadem proportionem erunt.*

**S**int quocumque magnitudines A, B, C, & alix ipsis numero æquales D, E, F binæ sumptæ in eadem proportionem, sitque, ut A quidem ad B, ita D ad E, ut autem B ad C, ita E ad F. Dico, & ex æquali in eadem proportionem esse, ut A ad C, ita D ad F. Sumantur enim ipsarum quidem A, D æque multiplices G, H; ipsarum vero B, E alix utcumque æque multiplices K, L, & ipsarum C, F alix utcumque æque mul-

multiplices M, N Quoniā igitur est, ut A ad B, ita D ad E, & sumptæ sunt ipsarum A, D, æque multiplices G, H, & ipsarum B, E, aliz utcumque æque multiplices K, L; erit, ut G ad K, ita H ad L. (1) Eadem quoque ratione erit, ut K ad M, ita L ad N. Et cū sint tres magnitudines G, K, M, & aliz ipsis numero æquales H, L, N, binæ sumptæ, & in eadem proportionē, ex æquali si G superat M, & H ipsam N superabit; & si æqualis, æqualis; & si minor, minor (2) suntque G, H, ipsarum A, D æque multiplices, & M, N ipsarum C, F alię utcumque æque multiplices. Ut igitur A ad C, ita erit D ad F. (3) Quare si sint quotcūque magnitudines, & aliz ipsis numero æquales, quæ binæ sumantur, in eadem proportionē, & ex æquali in eadem proportionē erunt. Quod demonstrare oportebat.



N

*Theo-*

(1) 4 hujus. (2) 20. hujus. (3) 5. diff.

**Theorema 23. Propositio 23.** *Si sint tres magnitudines, & alia ipsis numero aequales, quae bina sumantur in eadem proportione, sit autem perturbata earum analogia, & ex aequali in eadem proportione erunt.*

**S**int tres magnitudines A, B, C, & aliae ipsis numero aequales binæ sumptæ in eadē proportione D, E, F; sit autem perturbata earum analogia, & sit, ut A ad B, ita E ad F, & ut B ad C, ita D ad E. Dico, ut A ad C, ita esse D ad F; sumantur ipsarum quidem A, B, D, & quæ multiplicēs G, H, L, ipsarum verò C, E, F, aliz utcumque & quæ multiplicēs K, M, N; & quoniam G, H & quæ multiplicēs sunt ipsarum A, B, partes autem eodem modo multiplicium eandem habent proportionem; (1) erit, ut A ad B, ita G ad H; & simili ratione, ut E ad F, ita M ad N; atque est, ut A ad B, ita E ad F; ut igitur G ad H, ita M ad N; (2) rursus quoniam est, ut B ad C, ita D

ad



(1) 15. hujus. (2) 11. hujus.

ad E, & sumptæ sunt ipsarum B, D, æque multipli-  
ces H, L, ipsarum vero C, E aliz utcumque æque  
multiplices K, M: erit, ut H ad K, ita L ad M; (3)  
ostensum autem est, & ut G ad H, ita esse M ad N.  
Quoniam igitur tres magnitudines proportionales  
sunt G, H, K, & aliz ipsis numero æquales L, M, N bi-  
næ sumptæ in eadem proportionem, estque ipsarum  
perturbata analogia; ex æquali si G superat K, & L  
ipsam N superabit; & si æqualis, æqualis, & si minor,  
minor. (4) sunt autem G, K ipsarum A, C æque mul-  
tiplices, & L, N æque multiplices ipsarum D, F, ut  
igitur A ad C, ita erit D ad F; (5) quare si fuerint  
tres magnitudines, & aliz ipsis numero æquales, quæ  
binæ sumantur in eadem proportionem, sit autem per-  
turbata earum analogia; & ex æquali in eadem pro-  
portionem erunt: quod demonstrare oportebat.

---

(3) 4. hujus. (4) 21. hujus. (5) 5. diff.

*Theorema 24. Propositio 24. Si prima ad secundam ean-  
dem habeat proportionem, quam tertia ad quartam, &  
habeat autem, & quinta ad secundam proportionem  
eamdem, quam sexta ad quartam: & composita prima,  
& quinta ad secundam eandem proportionem habebit,  
quam tertia, & sexta ad quartam.*

**P**Rima enim AB, ad secundam C eandem habeat  
proportionem, quam tertia DE ad quartam F.  
habeat autem, & quinta BG ad secundam C propor-  
tionem eandem, quam sexta EH ad quartam F. dico,

N a

& com-

& compositam primam, & quintam AG ad secundam C eandem proportionem habere, quam tertiam, & sextam DH ad quartam F : quoniam enim est, ut BG ad C, ita EH ad F : erit convertendo, ut C ad BG, ita F ad EH : & quoniam, ut AB ad C, ita est DE ad F, ut autem C ad BG, ita F ad EH : erit ex æquali, ut AB ad BG, ita DE ad EH : (1) quod eum divisæ magnitudines sint proportionales, & compositæ proportionales erunt : ut igitur AG ad GB, ita est DH ad HE : sed, & ut GB ad C, ita EH ad F : ergo ex æquali, ut AG ad C, ita erit DH ad F : si igitur prima ad secundam eandem habeat proportionem, quam tertia ad quartam : habeat autem, & quinta ad secundam proportionem eandem, quam sexta ad quartam : & composita prima, & quinta ad secundam eandem proportionem habebit, quam tertia, & sexta ad quartam. Quod ostendere oportebat.




(1) 22. hujus.

*Theorema 25. Propositio 25. Si quatuor magnitudines fuerint proportionales, maxima ipsarum, & minima duabus reliquis majores erunt.*

**S**int quatuor magnitudines proportionales AB, CD, EF : & sit ut AB ad CD, ita E ad F : sit  
qu-

autem maxima ipsarum AB, & F minima : dico AB, F ipsi CD, E majores esse. Ponatur enim ipsi quidem E æqualis AG, ipsi vero F æqualis CH. Quoniam igitur est, ut AB ad CD, ita E ad F estque AG æqualis E, & CH æqualis F: erit, ut AB ad DC, ita AG ad CH, & quoniam ut tota AB ad totam CD, ita ablata AG ad ablatam CH: & reliqua GB ad reliquam HD erit, ut tota AB ad CD totam. (1) major



autem est AB, quàm CD: ergo, & GB, quàm HD major: quòd cum AG sit æqualis ipsi E, & CH ipsi F: erunt AG, F ipsius CH, E æquales: si autem inæqualibus æqualia addantur, tota inæqualia erunt: ergo GB, HD inæqualibus existentibus, quippè cum GB sit major, si ipsi quidem GB addantur AG, F, ipsi verò HD addantur CH, E, fient AB, F ipsi CD, F necessario majores. Si igitur quatuor magnitudines fuerint proportionales, maxima ipsarum, & minima duabus reliquis majores erunt. Quod demonstrare oportebat.

(1.) 19. hujus.

*Theorema 26. Propositio 26. Si prima ad secundam majorem habeat proportionem, quam tertia ad quartam, & convertendo secunda ad primam minorem propor-*

*tionem habebit, quam quarta ad tertiam.*

**H**abeat AB ad BC maiorem proportionem, quam DE ad EF. Dico CB ad BA minorem proportionem habere, quam FE ad ED; ut enim AB ad BC, ita sit DE ad aliam aliquam, ut ad G; ergo DE ad G maiorem habebit proportionem, quam DE ad EF, (1) ac propterea G minor erit, quam EF; ponatur ipsi G æqualis EH. Quoniam igitur est, ut AB ad BC, ita DE ad EH; erit convertendo, ut CB ad BA, ita HE ad ED. Sed HE ad ED minorem proportionem habet, quam FE ad ED, ergo, & CB ad BA minorem habebit proportionem, quam FE ad ED, quod demonstrare oportebat.

$$\frac{A \quad B \quad C}{D \quad E \quad H \quad F}$$


---


$$G$$

Similiter autem, & si AB ad BC minorem proportionem habeat, quam DE ad EF; demonstrabimus convertendo CB ad BA maiorem habere proportionem, quam FE ad ED; sed, ut AB ad BC, ita sit DE ad aliam, ut ad EG quæ major erit, quam EF; quare convertendo, ut CB ad BA, ita GE ad ED; at GE ad ED maiorem habet proportionem, quam FE ad ED; ergo CB ad BA maiorem proportionem habebit, quam FE ad ED.

$$\frac{A \quad B \quad C}{D \quad E \quad F \quad G}$$

(1) 8. hujus.

### C O R O L L A R I U M.

Ex his constat, si AB ad BC maiorem proportionem

nem habeat, quam DE ad EF, & FE ad ED majorem habere proportionem, quam CB ad BA. Et si AB ad BC minorem habeat proportionem, quam DE ad EF, & FE ad ED minorem proportionem habere, quam CB ad BA.

*Theorema 27. Propositio 27. Si prima ad secundam majorem proportionem habeat, quam tertia ad quartam, & permutando prima ad tertiam majorem habebit proportionem, quam secunda ad quartam.*

**H**Abeat AB ad BC majorem proportionem, quam DE ad EF; dico AB ad DE majorem proportionem habere, quam BC ad EF; ut enim AB ad BC, ita alia quædam GE sit ad EF; manifestum est eam majorem esse, quam DE; (1) quare permutando, ut AB ad GE, ita est BC ad EF; habet autem AB ad DE majorem proportionem, quam AB ad GE, hoc est quam BC ad EF; ergo AB ad DE majorem proportionem habebit, quam BC ad EF; quod oportebat demonstrare.

Eadem ratione, & si AB ad BC minorem habeat proportionem, quam DE ad EF; sequetur permutando AB ad DE minorem proportionem habere, quam BC ad EF; erit enim. ut AB ad BC, ita alia quædam GE ad EF.

$$\frac{A \quad B \quad C}{G \quad D \quad E \quad F}$$

$$\frac{A \quad B \quad C}{D \quad G \quad E \quad F}$$

N 4

EF.

(1) 8. hujus.

EF, quæ minor sit, quàm DE. Sed AB ad DE minorem habet proportionem, quàm AB ad GE, videlicet quàm BC ad EF: habebit igitur AB ad DE minorem proportionem, quàm BC ad EF.

*Theorema 28. Propositio 28 Si prima ad secundam majorem proportionem habeat, quàm tertia ad quartam: etiam componendo prima, & secunda, ad secundam majorem proportionem habebit, quàm tertia, & quarta, ad quartam.*

**H**abeat AB ad BC majorem proportionem, quàm DE ad EF; dico AC ad CB majorem habere proportionem, quàm DF ad FE, ut enim

A ————— B C

G D E F

AB ad BC, ita sit alia quædam GE ad EF; erit GE major, quàm DE; (1) quoniam igitur est, ut AB ad BC, ita GE ad EF; erit componendo, ut AC ad CB, ita GF ad FE. (2) Sed GF ad FE majorem proportionem habet, quàm DF ad FE; (3) ergo, & AC ad CB majorem habebit proportionem, quàm DF ad FE; quod demonstrare oportebat:

Quod si AB ad BC minorem proportionem habeat, quàm DE ad EF; habebit etiam componendo AC ad CB minorem proportionem, quàm DF ad FE;

A ————— B C

D G ————— E F

rum-

(1) 8. hujus. (2) 18. hujus. (3) 13. hujus.

rursus enim , quoniam AB ad BC minorem proportionem habet, quam DE ad EF , si ut AB ad BC , ita sit alia quzdam ad FE , velut GB, erit ea minor quàm DE , ( 4 ) & ut AC ad CB , ita erit GF ad FE. Sed GF ad FE minorem habet proportionem , quàm DF ad FE ; ergo , & AC ad CB minorem proportionem habebit , quàm DF ad FE.

( 4 ) 8. hujus.


*Theorema 29. Propositio 29. Si prima, & secunda, ad secundam majorem habeat proportionem, quam tertia, & quarta, ad quartam, & dividendo prima ad secundam majorem proportionem habebit, quam tertia ad quartam.*

**H**abeat AC ad CB majorem proportionem,  $\frac{A \quad G \quad B \quad C}{D \quad E \quad F}$  quam DF ad FE ; dico AB ad BC, majorem proportionem habere, quam DE ad EF ; ut enim DF ad FE, ita sit alia quzdam GC ad CB ; erit utique GC minor, quàm AC : ( 1 ) & dividendo GB ad BC , ut DE , ad EF , ( 2 ) at AB ad BC majorem proportionem habet, quam GB ad BC ; ( 3 ) ergo , & AB ad BC majorem habebit proportionem , quam DE ad EF.

Si vero AC ad CB minorem habeat proportionem, quam

( 1 ) 8. hujus. ( 2 ) 17 hujus. ( 3 ) 13. hujus.

quam DF ad FE; & dividendo AB ad BC minorem proportionem habebit, quam DE ad EF; (4) si enim rursus sit, ut DF ad FE, ita alia quædam



GC ad CB; erit GC quàm AC major; atque erit dividendo GB ad BC, ut DE ad EF; (5) habet autem AB ad BC minorem proportionem, quam GB ad BC; ergo, & minorem proportionem habebit, quàm DE ad EF.

(4) 8. hujus. (5) 17. hujus.

*Theorema 30. Propositio 30. Si prima, & secunda, ad secundam maiorem proportionem habeat, quam tertia, & quarta, ad quartam; per conversionem rationis primæ, & secundæ, ad primam, minorem habebit proportionem, quam tertia, & quarta ad tertiam.*

**H**abeat AC ad CB maiorem proportionem, quam DF ad FE; dico CA ad AB minorem habere proportionem, quam FD ad DE: sit enim, ut AC ad CB, ita DF ad aliam quandam, erit unque ad minorem, quàm FE, velut ad FG; quare per conversionem rationis, ut CA ad AB, ita erit FD ad DG, (1) sed FD ad DG minorem proportionem, habet, quam FD ad DE; ergo, & CA ad AB minorem habebit proportionem, quàm FD ad DE.

Si-

(1) Coroll. 19. hujus.

Similiter autem, & si AC ad CB minorem proportionem habeat, quam DF ad FE; habebit per conversionem rationis CA ad AB maiorem proportionem,



quam FD ad DE; erit enim, ut AC ad CB, ita DF ad FG maiorem, quam FE; reliqua vero manifesta erunt.

*Theorema 31. Propositio 31. Si prima ad tertiam maiorem proportionem habeat, quam secunda ad quartam, etiam prima ad tertiam habebit maiorem proportionem, quam prima, & secunda ad tertiam, & quartam.*

**H**abeat AB ad DE maiorem proportionem, quam BC ad EF, dico, & AB ad DE maiorem proportionem habere, quam AC ad DF. Sit



enim, ut AB ad DE, ita BC ad aliam; erit igitur ad minorem, quam EF, velut ad EG; tota igitur AC ad totam DG est, ut AB ad DE. (1) Sed AC ad DG maiorem proportionem habet, quam ad DF; (2) ergo AB ad DE maiorem habebit proportionem quam AC ad DF, & manifestum est totam AC ad totam DF minorem proportionem habere, quam AB ad DE, & si minor sit proportio partis, totius major erit.

*Theo-*

(1) 12. hujus. (2) 8. hujus.

**Theorema 32. Propositio 32.** Si tota ad totam maiorem habeat proportionem, quam ablata ad ablatam, & reliqua ad reliquam maiorem proportionem habebit, quam tota ad totam.

**H**abeat AC ad DF maiorem proportionem, quam AB ad DE. Dico, & reliquam BC ad reliquam EF maiorem proportionem habere, quam AC ad DF. Sit enim, ut AC ad DF, ita AB ad DG, ergo, & reliqua BC ad reliquam GF est, ut AC ad DF. (1) Sed BC ad EF maiorem proportionem habet, quam ad FG; ergo, & BC ad EF maiorem habebit proportionem, quam AC ad DF.



Si vero AC ad DF minorem proportionem habeat, quam AB ad DE, & reliqua BC ad reliquam EF minorem proportionem habebit, quam AC ad DF, quod eodem, quo supra, modo ostendetur.

(1) 19. hujus.

**Theorema 33. Propositio 33.** Si sint tres magnitudines, & alia ipsis numero aequales, habeatque prima priorum ad secundam maiorem proportionem, quam prima posteriorum ad secundam; secunda vero priorum ad tertiam maiorem proportionem habeat, quam secunda posteriorum ad tertiam: etiam ex equali prima priorum ad tertiam maiorem habebit proportionem, quam prima posteriorum ad tertiam. Ha-

**H**abeat A ad B majorem proportionem, quam D ad E, & B ad C majorem proportionem habeat, quàm E ad F. Dico ex æquali A ad C majorem habere proportionem, quam D ad F. Quoniam enim A ad B majorem proportionem habet, quam D ad E, habebit permutando A ad D majorem proportionem, quam B ad E, (1) & eadem ratione B ad E majorem, quam C ad F; ergo A ad D majorem habet proportionem, quam C ad F; & rursus permutando A ad C majorem habebit, quam D ad F. (2) Quod oportebat demonstrare.

Quod si prima priorum ad secundam minorem habeat proportionem, quam prima posteriorum ad secundam; secunda vero priorum ad tertiam minorem proportionem habeat, quam secunda posteriorum ad tertiam: similiter demonstrabitur etiam ex æquali primam priorum ad tertiam minorem proportionem habere, quam primam posteriorum ad tertiam.



(1) 27. hujus. (2) 27. hujus.

**Finis Libri Quinti.**

# EUCCLIDIS

## ELEMENTORUM

### LIBER SEXTUS.


Ex traditione Federici  
Commandini.

#### *DIFFINITIONES.*

1. **S**imiles figuræ rectilinéæ sunt, quæ & singulos  
angulos æquales habent, & circa æquales an-  
gulos latera proportionalia.
2. Reciproce figuræ sunt, quando in utraque figu-  
ra antecedentes, & consequentes rationes fuerint.
3. Extrema, ac media ratione secari recta linea di-  
citur, quando sit, ut tota ad majorem portionem,  
ita major portio ad minorem.
4. Altitudo cujusque figuræ est linea perpendicu-  
laris, quæ à vertice ad basim ducitur.
5. Proportio ex proportionibus componi dicitur,  
quando proportionum quantitates inter se multi-  
plicatz, aliquam efficiunt proportionem.


*Theorema 1. Propositio 1. Triangula, & parallelogramma, quae eandem habent altitudinem, inter se sunt, ut bases.*

**S**int triangu-  
la quidem  
ABC, ACD  
parallelogram-  
ma vero EC,  
CF, quae ean-  
dem habeant al-  
titudinem, vi-  
delicet perpen-



dicularem à puncto A ad B, D ductam. Dico, ut basis  
BC ad CD basim, ita esse triangulum ABC ad trian-  
gulum ACD, & parallelogrammum EC ad CF  
parallelogrammum; producatnr enim BD ex utraq;  
parte ad puncta H, L, & ipsi quidem BC basi æqua-  
les quocumque ponantur BG, GH, ipsi vero basi  
CD ponantur quocumque æquales DK, KL, & AG,  
AH, AK, AL iungantur. Quoniam igitur CB, BG,  
GH inter se æquales sunt, erunt, & triangu-  
la AHG, AGB, ABC inter se æqualia; (1) ergo quoduplex  
est basis NC ipsius BC basis, totuplex est AHC  
triangulum trianguli ABC. Eadem ratione quodu-  
plex est LC basis, ipsius basis CD, totuplex est, &  
triangulum ALC ipsius ACD trianguli: & si æqua-  
lis

lis est HC basis basi CL, & triangulū AHC triangulo ALC est æquale; & si basis HC basim CL superat, & triangulū AHC superabit triangulū ALC:



& si minor, minus. Quatuor igitur magnitudinibus existentibus, videlicet duabus basibus BC, CD, & duobus triangulis ABC, ACD, sumpta sunt æque multiplicia, basis quidem BC, & ABC trianguli, videlicet basis HC, & AHC triangulum: basis vero CD, & trianguli ACD, alia utcumque æque multiplicia, nempe CL basis, & ALC triangulum; atque ostensum est si HC basis basim CL superat, & triangulum AHC superare triangulum ALC; & si æqualis, æquale; & si minor, minus; (2) est igitur, ut BC basis ad basim CD, ita triangulum ABC ad ACD triangulum. Et quoniam trianguli ABC duplum est parallelogrammum EC, (3) & trianguli ACD parallelogrammum FC duplum: partes autem eodem modo multiplicium eandem inter se proportionem habent, (4) erit, ut ABC triangulum ad triangulum ACD, ita parallelogrammum EC ad CF parallelogrammum. Quoniam igitur ostensū est,


2) 5. diff. quinti. (3) 41. primi. (4) 19. quinti.

est, ut basis  $BC$  ad  $CD$  basim, ita esse  $ABC$  triangulum ad triangulum  $ACD$ ; ut autem  $ABC$  triangulum ad triangulum  $ACD$ , ita parallelogrammum  $EC$  ad  $CF$  parallelogrammum erit, ut  $BC$  basis ad basim  $CD$ , ita parallelogrammum  $EC$  ad  $CF$  parallelogrammum.  
(5) Quare triacula, & parallelogramma, quae eandem habent altitudinem inter se sunt, ut bases; quod demonstrare oportebat.

(5) 11. quinti.

*Theorema 2. Propositio 2. Si uni laterum trianguli parallela quadam recta linea ducta fuerit, proportionaliter secabit ipsius trianguli latera; & si trianguli latera proportionaliter secta fuerint, qua sectiones coniungit recta linea reliquo trianguli lateri parallela erit.*

**T**rianguli enim  $ABC$  uni laterum  $BC$  parallela ducatur  $DE$ . Dico, ut  $BD$  ad  $DA$ , ita esse  $CE$  ad  $EA$ . Iungantur enim  $BE$ ,  $CD$ ; triangulum igitur  $BDE$  triangulo  $CDE$  est æquale; in eadem enim sunt basi  $DE$ , & in eisdem  $DE$ ,  $BC$  parallelis; (1) aliud autem triangulum est  $ADE$ : sed æqualia ad idem eandem habent proportionem; (2) ergo, ut triangulum  $BDE$  ad triangulum  $ADE$ , ita est  $CDE$  triangulum ad triangulum  $ADE$ . ut autem triangulum  $BDE$  ad triangulum  $ADE$ , ita est  $BD$  ad



O

DA;

(1) 17. primi. (2) 7. quinti.

D-1; nam cū eandem altitudinem habeant, videlicet perpendicularē à pñcto E ad AB ductam, inter se sunt, uti bases; (3) & ob eandem causam, ut CDE triāgulum ad triāgulum ADE, ita CE ad EA. (4) Et ut igitur BD ad DA, ita est CE ad EA. Sed triāguli ABC latera AB, AC proportionaliter secta sunt, & ut BD ad DA, ita sit CE




ad EA: & jungantur DE. Dico DE ipsi BC parallelā esse; iisdem enim constructis, quoniam est, ut BD ad DA, ita CE ad EA; ut autem BD ad DA, ita est BDE triāgulum ad triāgulum ADE; & ut CE ad EA, ita CDE triāgulum ad triāgulum ADE: erit, ut triāgulum BDE ad triāgulum ADE, ita CDE triāgulum ad triāgulum ADE. (5) Quod cum, utrumque triāgulorum BDE, CDE ad triāgulum ADE eandem habeat proportionem; erit BDE triāgulum triāgulo CDE æquale; (6) & sunt in eadem basi DE; æqualia autem triāgula, & in eadem basi constituta, etiam in eisdem sunt parallelis; (7) ergo DE ipsi BC parallelā est. Si igitur uni laterum triāguli parallelā quædam recta linea ducta fuerit, proportionaliter secabit ipsius triāguli latera: & si triāguli latera proportionaliter secta fuerint, quæ sectiones coniungit recta linea reliquo triāguli lateri parallelā erit; quod oportebat demonstrare.

*Theo-*

(3) Ex antecedente. (4) 11. quinti. (5) 11. quinti.  
(6) 9. quinti. (7) 49. primi.

**Theorema 3. Propositio 3.** Si trianguli angulus bisariam secetur, secans autem angulum recta linea, secet etiā basim; basis partes eandem proportionem habebunt, quam reliqua trianguli latera: & si basis partes eandem proportionem habeant, quam reliqua trianguli latera, quæ à vertice ad sectionem ducitur recta linea, trianguli angulum bisariam secabit.

**S**it triangulum ABC, & secetur angulus BAC bisariam recta, linea AD. (1) dico, ut BD ad DC, ita esse BA ad AC; ducatur enim per C ipsi DA parallela CE. (2) & producta BA conveniat cum ipsa in E pūcto. Quoniam igitur in parallelas AD, EC incidit recta linea quædam AC, erit ACE angulus angulo CAD æqualis. (3) Sed CAD angulus ponitur æqualis angulo BAD. Ergo, & BAD ipsi ACE angulo æqualis erit. Rursus quoniam in parallelas AD, EC recta linea BAE incidit, exterior angulus BAD æqualis est interiori AEC; ostensus autem est, & angulus ACE angulo BAD æqualis; ergo, & ACE ipsi AEC æqualis erit: ac propterea latus AE æquale lateri AC. (4) Et quoniā uni laterum trianguli BCE, videlicet ipsi EC parallela ducta est AD; erit, ut BD ad DC, ita BA ad AE; (5) æqualis autem est AE ipsi AC; est igitur, ut BD ad DC, ita BA ad AC. (6) Sed




O 3

fit,

- 
- (1) 9. primi. (2) 3 r. primi. (3) 29. primi.  
 (4) 6. primi. (5) Ex antecedente. (6) 7. quinti.

fit, ut BD ad DC, ita BA ad AC, & AD jungatur. Dico angulum BAC bifariam sectum esse recta linea AD; iisdem enim constructis quoniam est, ut BD ad DC, ita BA ad AC; Sed, & ut BD ad DC, ita BA ad AE, etenim uni laterum trianguli BCE, videlicet ipsi EC parallela ducta est AD, (7) erit, & ut BA ad AC, ita BA ad AE; ergo AC est æqualis AE, (8) ac propterea, & angulus AEC angulo ECA æqualis. Sed angulus quidem AEC est æqualis angulo exteriori BAD; angulus vero ACE æqualis alterno CAD; (9) quare, & BAD angulus ipsi CAD æqualis erit; angulus igitur BAC bifariam sectus est recta linea AD. Ergo si trianguli angulus bifariam secetur, secans autem angulum recta linea, etiam basim secet; basis partes eandem proportionem habebunt, quam reliqua trianguli latera: & si basis partes eandem proportionem habeant, quam reliqua trianguli latera, quæ à vertice ad sectionem ducitur recta linea, trianguli angulum bifariam secabit. Quod oportebat demonstrare.




(7) Ex antecedente. (8) 9. quinti. (9) 29. primi.

*Theorema 4. Propositio 4. Equiangulorum triangulorum latera, quæ circum aequales angulos, proportionalia sunt, & homologa, sive ejusdem rationis sunt latera, quæ aequalibus angulis subtenduntur.*

Sint equiangula triangula ABC, DCE, quæ angulum  
qui

quidē ABC angulo DCE, F  
angulum vero ACB angulo  
DEC equalem habeant,  
& præterea angulum BAC  
angulo CDE. Dico trian-  
gulorum ABC, DCE pro-  
portionalia esse latera, quæ  
sunt circa æquales angu-  
los, & homologa, sive ejus-



dē rationis latera esse, quæ æqualibus angulis sub-  
tenduntur. Ponatur enim BC in directum ipsi CE.  
Et quoniam anguli ABC, ACB duobus rectis mino-  
res sunt, ( 1 ) æqualis autem est angulus ACB angulo  
DEC; erunt ABC, DEC anguli duobus rectis mino-  
res; quare BA, ED productæ inter se convenient;  
producantur, & convenient in puncto F; & quoniam  
angulus DCE est æqualis angulo ABC, erit FF ipsi  
DC parallela ( 2 ) Rursus quoniam æqualis est an-  
gulus ACB angulo DEC, parallela erit AC ipsi FE;  
parallelogrammum igitur est FACD; ac propterea  
FA quidem ipsi CD, AC vero ipsi FD est æqualis. ( 3 )  
Et quoniam uni laterum trianguli FBE, videlicet ip-  
si FE parallela ducta est AC; erit, ut BA ad AF, ita  
BC ad CE; ( 4 ) æqualis autem est AF ipsi CD. ut  
igitur BA ad CD; ita BC ad CE, ( 5 ) & permutando,  
ut AB ad BC, ita DC ad CE; rursus quoniam CD pa-  
rallela est BF, erit, ut BC ad CE, ita FD ad DE. ( 6 )

O 3


Sed

( 1 ) 17. primi. ( 2 ) 28. primi. ( 3 ) 34. primi.  
( 4 ) 2. hujus. ( 5 ) 7. quinti. ( 6 ) 2. hujus.

Sed  $DE$  est æqualis  $AC$ ; ergo, ut  $BC$  ad  $CE$ , ita  $AC$  ad  $ED$ ; permutando igitur, ut  $BC$  ad  $CA$ , ita  $CE$  ad  $ED$ . Itaque quoniam ostensum est, ut  $AB$  ad  $BC$ , ita  $DC$  ad  $CE$ , ut autem  $BC$  ad  $CA$ , ita  $CE$  ad  $ED$ : erit ex æquali, ut  $BA$  ad  $AC$ , ita  $CD$  ad  $DE$ ; æquiangularum igitur triangulorum proportionalia sunt latera, quæ circum æquales angulos, & homologa, sive ejusdem rationis latera sunt, quæ æqualibus angulis subtenduntur. Quod demonstrare oportebat.

*Theorema 5. Propositio 5. Si duo triacula latera proportionalia habeant, æquiangulara erunt triacula, & æquales habebunt angulos, quibus homologa latera subtenduntur.*

**S**int duo triacula  $ABC$ ,  $DEF$ , quæ latera proportionalia habeant, sitque, ut  $AB$  quidem ad  $BC$ , ita  $DE$  ad  $EF$ , ut autem  $BC$  ad  $CA$ , ita  $EF$  ad  $FD$ , & adhuc ut  $BA$  ad  $AC$ , ita  $ED$



ad  $DF$ . Dico triaculum  $ABC$  triaculo  $DEF$  æquiangulum esse, & æquales habere angulos quibus homologa latera subtenduntur, angulum quidem  $ABC$  angulo  $DEF$ , angulum vero  $BCA$  angulo  $EFD$ , & præterea angulum  $BAC$  angulo  $EDF$ . constituatur enim ad rectam lineam  $EF$ , & ad puncta in ipsa  $EF$ , angulo quidem  $ABC$  æqualis angulus  $FEG$ ; angulo

autem

autem BCA angulus EFG. (1) Quare reliquus BAC angulus reliquo EGF est æqualis. Ideoque æqui-  
angulum est triangulum ABC triangulo EGF; triangu-  
lorum igitur ABC, EGF proportionalia sunt latera,  
quæ circum æquales angulos, & homologa latera  
sunt, quæ æqualibus angulis subtenduntur; (2) er-  
go, ut AB ad BC, ita GE ad EF. Sed ut AB ad BC, ita  
DE ad EF. Ut igitur DE ad EF, ita GE ad EF (3)  
Quod cum utraque ipsarum DE, EG ad EF eandem  
proportionem habeat, erit DE ipsi EG æqualis. (4)  
Eadem ratione, & DF æqualis FG. Itaque quoniam  
DE est æqualis FG, communis autem EF; duæ DE, EF  
duabus GE, EF æquales sunt, & basis DF basi FG  
æqualis; angulus igitur DEF est æqualis angulo GEF,  
& DEF triangulum æquale triangulo GEF, & reliqui  
anguli reliquis angulis æquales, quibus æqualia la-  
tera subtenduntur; (5) ergo angulus quidem DFE  
est æqualis angulo GFE, angulus vero EDF æqualis  
angulo EGF. Et quoniam angulus FED est æqualis  
angulo GEF, & angulus GEF angulo ABC, erit, &  
angulus ABC angulo FED æqualis. Eadem ratione,  
& angulus ACB æqualis est angulo DFE, & adhuc  
angulus ad A angulo ad D; ergo ABC triangulum  
triangulo DEF æquiangulum erit. Si igitur duo tri-  
gula latera proportionalia habeant, æquiangula erunt  
triangula, & æquales habebunt angulos, quibus ho-  
mologa latera subtenduntur. Quod oportebat de-  
monstrare.


O 4

Theo-

(1) 21. primi. (2) Ex antecedente. (3) 11. quinti  
(4) 9. quinti. (5) 8. primi.

**Theorema 6. Propositio 6.** Si duo triacula unum angulum uni angulo aequalem habeant, circa aequales autem angulos latera proportionalia, aequiangula erunt triacula, & aequales habebunt angulos, quibus equalia latera subtenduntur.

**S**int duo triacula ABC, DEF unum angulum BAC uni angulo EDF æqualem habentia, circa æquales autem angulos latera proportionalia, sitque ut BA ad AC, ita ED ad DF. Dico triaculū



ABC triaculo DEF æquiangulum esse, & angulam quidem ABC habere æqualem angulo DEF; angulū vero ACB angulo DFE-constituatur enim ad rectam lineam DF, & ad puncta in ipsa DF, alterutri angulorum BAC, EDF æqualis angulus FDG, angulo autē ACB æqualis DFG; (1) reliquus igitur, qui ad B reliquo, qui ad G est æqualis; ergo triaculum ABC triaculo DGF, æquiangulum est, ac propterea, ut BA ad AC, ita est GD ad DF: (2) ponitur autem, & ut BA ad AC, ita ED ad DF. Ut igitur ED ad DF, ita GD ad DF; (3) quare ED æqualis est ipsi DG, (4) & com-

---

(1) 23. primi. (2) 4. huius. (3) 11. quinti.  
(4) 9. quinti.

& communis DF; ergo duæ ED, DF duabus GD, DF æquales sunt, & angulus EDF angulo GDF est æqualis; basis igitur EF est æqualis basi FG, triangulumque DEF æquale triangulo GDF, & reliqui anguli reliquis angulis æquales, alter alteri, quibus æqualia latera subtenduntur; (5.) ergo angulus quidem DFG est æqualis angulo DFE; angulus vero ad G angulo ad E. Sed angulus DFG æqualis est angulo ACB; & angulus igitur ACB angulo DFE est æqualis: ponitur autem, & BAC angulus æqualis angulo EDF; ergo, & reliquus, qui ad B æqualis reliquo, qui ad E; æquiangulum igitur est triangulum ABC triangulo DEF. Quare si duo triangula unum angulū uni angulo æqualem habeant, circa æquales autem angulos latera proportionalia; æquiangula erunt triangula, & æquales habebunt angulos, quibus homologa latera subtenduntur. Quod ostendere oportebat.


---

(5) 4. primi.

*Theorema 7. Propositio 7. Si duo triangula unum angulum uni angulo æqualem habeant, circa alios autem angulos latera proportionalia, & reliquorum utrumque simul, vel minorē, vel non minorem recto, æquiangula erunt triangula, & æquales habebunt angulos, circa quos latera sunt proportionalia.*

**S**int duo triangula ABC, DEF, unum angulum uni angulo æqualem habentia, videlicet angulum BAC angulo EDF æqualem, circa alios autem angulos

los ABC, DEF latera proportionalia, ut sit DE ad EF, sicut AB ad BC: & reliquorum qui ad C, F, primū utrumque simul minorem recto. Dico triangulū ABC triangulo DEF æquiangulum esse, angulūque ABC æqualem angulo DEF, &



reliquum videlicet qui ad C reliquo qui ad F æqualē. Si enim inæqualis est angulus ABC angulo DEF, unus ipforum major erit. Sit major ABC: & constitutur ad rectam lineam AB, & ad punctum in ipsa B angulo DEF æqualis angulus ABG. (1) Et quoniā angulus quidem A est æqualis angulo D, angulus vero ABG angulo DEF, erit reliquus AGB reliquo DFE æqualis; æquiangulum igitur est ABG triangulum triangulo DEF; quare, ut AB ad BG, sic DE ad EF: (2) utque DE ad EF, sic ponitur AB ad BC; & ut igitur AB ad BC, sic AB ad BG. Quod cum AB ad utramque BC, BG eandem habeat proportionem, erit BC ipsi BG æqualis: (3) ac propterea angulus ad C est æqualis angulo BGC; (4) minor autem recto ponitur angulus, qui ad C; ergo, & BGC minor est recto, & ob id qui ei deinceps est AGB major recto; (5) atque ostensus est angulus AGB æqualis angulo, qui ad F; angulus igitur, qui ad F recto major est; atqui

po-

---

(1) 23. primi. (2) 4. hujus. (3) 9. quinti.  
(4) 5. primi. (5) 13. primi.


ponitur minor recto, quod est absurdum; non igitur inæqualis est angulus ABC angulo DEF; ergo ipse est æqualis; est autem & angulus ad A æqualis ei, qui ad D, quare, & reliquus, qui ad C æqualis reliquo, qui ad F; æquiangulum igitur est ABC triangulum triangulo DEF. Sed rursus ponatur uterque angulorum, qui ad C, F non minor recto. Dico rursus & sic, triangulum ABC triangulo DEF æquiangulum esse. Iisdem enim constructis similiter demonstrabimus BC æqualem ipsi BG, angulumque ad C angulo BGC æqualem; sed angulus qui ad C non est minor recto, non minor igitur recto est BGC; quare trianguli BGC duo anguli non sunt duobus rectis minores, quod fieri non potest; (6) non igitur rursus inæqualis est ABC angulus angulo DEF; ergo æqualis necessario erit; est autem, & qui ad A æqualis ei, qui ad D; reliquus igitur, qui ad C reliquo, qui ad F est æqualis; ac propterea triangulum ABC triangulo DEF æquiangulum est. Si igitur duo triangula unum angulum uni angulo æqualem habeant, circa alios autem angulos latera proportionalia, & reliquorum utrumque simul, vel minorem, vel non minorem recto: æquiangula erunt triangula, & æquales habebunt angulos, circa quos proportionalia sunt latera. Quod oportebat demonstrare.

*Theo.*

*Theorema 8. Propositio 8. Si in triangulo rectangulo ab angulo recto ad basim perpendicularis ducatur; qua ad perpendicularem sunt triacula, & toti, & inter se similia sunt.*

**S**it triangulum rectangulum  $ABC$ , rectum habens angulum  $BAC$ . & à puncto  $A$  ad  $BC$  perpendicularis ducatur  $AD$ . Dico triacula  $ABD$ ,  $ADC$  toti triangulo  $ABC$ , & inter se similia esse. Quoniam enim angulus  $BAC$  est æqualis angulo  $ADB$ , rectus enim uterque est, & angulus, qui ad  $B$  communis duobus triangulis  $ABC$ ,  $ABD$  erit reliquus  $ACB$  reliquo  $BAD$  æqualis; æquiangulum igitur est triangulum  $ABC$  triangulo  $ABD$ ; quare, ut  $BC$ , quæ subtendit angulum rectum trianguli  $ABC$  ad  $BA$  subtendentem angulum rectum trianguli  $ABD$ , sic ipsa  $AB$  subtendens angulum qui ad  $C$  trianguli  $ABC$ , ad  $BD$  subtendentem angulum æqualem angulo qui ad  $C$ , videlicet  $BAD$  ipsius  $ABD$  trianguli; & adhuc  $AC$  ad  $AD$  subtendentem angulum qui ad  $B$ , communem duobus triangulis; ergo triangulum  $ABC$  triangulo  $ABD$  æquiangulum est, & circa æquales angulos latera habet proportionalia: (1) Simile igitur est triangulum  $ABC$  triangulo  $ABD$ . (2) Eadem ratione de-

mon-



(1) 4. hujus. (2) 1. diff. hujus.


monstrabimus etiā ADC triangulum triangulo ABC simile esse. Quare utrumque ipsorum ABD, ADC toti ABC triangulo est simile. Dico insuper triangula ABD, ADC etiam inter se similia esse. Quoniam enim angulus BDA rectus, est æqualis recto ADC. Sed, & BAD ostensus est æqualis ei, qui ad C, erit reliquus qui ad B reliquo DAC æqualis; æquiangulum igitur est triangulum ABD triangulo ADC; ergo, ut BD trianguli ABD subtendens BAD angulū, ad DA trianguli ADC subtendentem angulum, qui ad C, æqualem angulo BAD, sic ipsa AD trianguli ABD subtendens angulum, qui ad B, ad DC subtendentem angulum DAC ei, qui ad B, æqualem: & adhuc BA ad AC subtendentem angulum rectum ADC. Simile igitur est ABD triangulum triangulo ADC. Quare si in triangulo rectangulo ab angulo recto ad basim perpendicularis ducatur, quæ ad perpendicularem sunt triangula, & toti, & inter se, similia sunt. Quod oportebat demonstrare.

### C O R O L L A R I U M.

Ex hoc manifestum est, si in triangulo rectangulo ab angulo recto ad basim perpendicularis ducatur; ductam basis partium mediam proportionalem esse, & adhuc basis, & uniuscujusque partium latus, quod ad partem, medium esse proportionale. Quod demonstrare oportebat.

**Problema 1. Propositio 9.** *A data recta linea imperatam partem abscindere.*

**S**it data recta linea AB, oportet ab ipsa AB imperatam partem abscindere. Imperetur pars tertia, & ducatur à puncto A quædam recta linea AC, quæ cum ipsa AB angulum quemlibet contineat; sumaturque in AC, quodvis punctum D, & ipsi AD æquales ponantur DE, EC, deinde jungatur BC, & per D ipsi BC parallela ducatur DF. Itaque, quoniam uni laterum trianguli ABC, videlicet ipsi BC parallela ducta est FD; erit, ut CD ad DA, ita BF ad FA; (1) dupla autem est CD ipsius DA; ergo, & BF ipsius FA dupla erit; tripla igitur est BA ipsius AF. Quare à data recta linea AB imperata tertia pars AF abscissa est. Quod facere oportebat.



(1) 2. hujus.

**Problema 2. Propositio 10.** *Datam rectam lineam insectam, data recta linea secta similiter secare.*

**S**it data quidem recta linea insecta AB, secta vero AC; oportet rectam lineam AB insectam ipsi AC sectæ similiter secare. Sit secta AC in punctis D, E, & ponantur ita, ut angulum quemvis contineant, jun-  
cta-


Et quæ BC per puncta, quidem D, E ipsi BC parallelæ ducantur DF, EG; per D vero ipsi AB ducatur parallela DHK; parallelogrammum igitur est utrumque ipsorum FH, HB; ac propterea DH quidem est æqualis FG, HK vero ipsi GB (1) Et quoniam uni laterum trianguli DKC, ipsi scilicet KC parallela ducta est HE; erit ut CE ad ED, ita KH ad HD; (2) æqualis autem est KH quidem ipsi BG, HD vero ipsi GF, est igitur, ut CE ad ED, ita BG ad GF. Rursus quoniam uni laterum trianguli AGE, nimirum ipsi EG parallela ducta est FD, ut ED ad DA, ita erit GF ad FA. Sed ostensum est, ut CE ad ED, ita esse BG ad GF; ut igitur CE ad ED, ita est BG ad GF, & ut ED ad DA, ita GF ad FA. Ergo data recta linea infecta AB datæ rectæ lineæ sectæ AC similiter secta est. Quod facere oportebat.



(1) 34. primi. (2) 2. hujus.

*Problema 3. Propositio 11. Duabus datis rectis lineis tertiam proportionalem invenire.*

**S**int datæ duæ rectæ lineæ AB, AC, & ponantur ita, ut angulum quemvis contineant; oportet ipsarum AB, AC tertiam proportionalem invenire; producantur enim AB, AC ad puncta D, E: ponaturque ipsi AE æqualis BD, & juxta BC, ducatur per D ipsi BC parallela DE;




quo-

quoniam igitur uni laterum trianguli ADE, videlicet ipsi DE parallela ducta est BC, erit, ut AB ad BD, ita AC ad CE; æqualis autem est BD ipsi AC; ut igitur BA ad AC, ita est AC ad CE. Quare datis rectis lineis AB, AC tertia proportionalis inventa est CE. Quod facere oportebat.

*Problema 4. Propositio 12. Tribus datis rectis lineis quartam proportionalem invenire.*

**S**int datæ tres rectæ lineæ A, B, C oportet ipsarū A, B, C, quartā proportionalem invenire. Exponentur duæ rectæ lineæ DE, DF angulū quemvis EDF continentes: & ponatur ipsi quidem A æqualis DG, ipsi vero B æqualis GE, & ipsi C æqualis DH: juncta-




que GH per E ipsi parallela ducatur EF. Itaq; quoniam uni laterum trianguli DEF, nimirum ipsi EF parallela ducta est GH, erit, ut DG ad GE, ita DH ad HF; (1) est autē DG ipsi A æqualis; GE vero æqualis B; & DH æqualis C. Est igitur A ad B, ita C ad HF. Quare datis tribus rectis lineis A, B, C quarta proportionalis inventa est HF. Quod facere oportebat.

*Pro.*

*Problema 5. Propositio 13. Duabus datis rectis lineis mediam proportionalem invenire.*

**S**int datæ duæ rectæ lineæ AB, BC, oportet ipsarum AB, BC mediam proportionalem invenire; ponatur in directum, & in ipsa AC describatur semicirculus ADC, ducaturque à puncto B ipsi AC ad rectos angulos BD, & AD, DC jungantur. Quoniam igitur in semicirculo est angulus ADC, is rectus est; (1) & quoniam in triangulo rectangulo ADC ab angulo recto ad basim perpendicularis ducta est DB, erit DB basis partium AB, BC media proportionalis. (2) Duabus igitur datis rectis lineis AB, BC media proportionalis inventa est DB. Quod facere oportebat.



(1) 31. tertii. (2) cor. 3. hujus.


*Theorema 9. Propositio 14. Equalium, & unum uni aequalem habentium angulum parallelogrammorum latera, quæ circum aequales angulos, ex contraria parte sibi ipsis respondent; & quorum parallelogrammorum uni aequalem habentium angulum latera, quæ circum aequales angulos, ex contraria parte sibi ipsis respondent; ea inter se sunt aequalia.*

**S**int æqualia parallelogramma AB, BC, æquales habentia angulos ad B, & ponantur in directum

P


DB,

DB, BE; ergo, & in directum, erunt FB, BG. Dico parallelogrammorum AB, BC latera, quæ sunt circum æquales angulos ex contraria parte sibi ipsis respondere: hoc est, ut DB ad BE, ita esse GB ad BF; compleatur enim parallelogrammum FE; & quoniam parallelogrammum AB æquale est parallelogrammo BC;



aliud autem aliquod est FE parallelogrammum, erit, ut AB ad FE, ita BC ad FE. (1) Sed, ut AB quidem ad FE, ita est DB

ad BE; (2) ut autem BC ad FE, ita GB ad BF; & ut igitur DB ad BE, ita GB ad BF; (3) ergo parallelogrammorum AB, BC latera, quæ circum



æquales angulos, ex contraria parte sibi ipsis respondent. Sed ex contraria parte sibi ipsis respondeant latera, quæ circum æquales angulos, sit quæ, ut DB ad BE, ita GB ad BF. Dico parallelogrammum AB parallelogrammo BC æquale esse. Quoniam enim est, ut DB ad BE, ita GB ad BF, (4) ut autem DB ad BE, ita

(1) 7. quinti. (2) 1. hujus. (3) 11. quinti.  
(4) 11. quinti.


ita AB parallelogrammum ad parallelogrammum FE. (5) & ut GB ad BF, ita BC parallelogrammum ad parallelogrammum FE; erit, & ut AB ad FE, ita BC ad FE; æquale igitur est AB parallelogrammum parallelogrammo BC; (6) ergo æqualium, ut unum uni æqualem habentium angulum parallelogrammorum latera, quæ circum æquales angulos, ex contraria parte sibi ipsis respondent, & quorum parallelogrammorum unum uni æqualem habentium angulum latera, quæ circum æquales angulos, ex contraria parte sibi ipsis respondent, ea inter se sunt æqualia. Quod oportebat demonstrare.

(5) 1. hujus. (6) 9. quinti.

*Theorema 10. Propositio 15. Æqualium, & unum uni æqualem habentium angulum triangulorum latera, quæ circum æquales angulos, ex contraria parte sibi ipsis respondent, & quorum triangulorum unum uni æqualem habentium angulum latera, quæ circum æquales angulos, ex contraria parte sibi ipsis respondent, ea inter se sunt æqualia.*

**S**int æqualia triângula ABC, ADE unum angulum uni angulo æqualem habentia, angulum scilicet BAC angulo DAE. Dico triangulorum ABC, ADE latera, quæ circum æquales angulos ex contraria parte sibi ipsis respondere, hoc est, ut CA ad AD, ita esse EA ad AB; ponantur enim ita, ut in directum sit CA ipsi AD; ergo, & EA ipsi AB in directum

erit; (1) & iungatur BD. Quoniam igitur triangulum ABC æquale est triangulo ADE, aliud autem est ABD; erit, ut CAB trian-



gulum ad triangulum BAD, ita triangulum ADE ad triangulum BAD. (2) Sed, ut triangulum quidem CAB ad BAD triangulum, ita CA ad AD, (3) ut autem triangulum EAD ad ipsum BAD, ita EA ad AB; & ut igitur CA ad AD, ita EA ad AB. (4) Quare triangulorum ABC, ADE latera, quæ circum æquales angulos, ex contraria parte sibi ipsis respondent. Sed ex contraria parte sibi ipsis respondeant latera triangulorum ABC, ADE: & sit, ut CA ad AD, ita EA ad AB. Dico triangulum ABC triangulo ADE æquale esse. Iuncta enim rursus BD, quoniam, ut CA ad AD, ita est EA ad AB, ut autem CA ad AD, ita ABC triangulum ad triangulum BAD; & ut EA ad AB, ita triangulum EAD ad BAD triangulum, erit, ut ABC triangulum ad triangulum BAD, ita triangulum EAD ad BAD triangulum. Utrumque igitur triangulorum ABC, ADE ad triangulum BAD eandem habet proportionem; ac propterea æquale est  
ABC

(1) 14. primi. (2) 7. quinti. (3) 1. hujus.  
(4) 11. quinci.

ABC triangulum triangulo ADE ; ( 5 ) æqualium igitur , & unum uni æqualem habentium angulum triangulorum latera , quæ circum æquales angulos , ex contraria parte sibi ipsis respondent , & quorum triangulorum unum uni æqualem habentium angulum latera , quæ circum æquales angulos ex contraria parte sibi ipsis respondent , ea inter se sunt æqualia . Quod demonstrare oportebat .


( 5 ) 9. quinti.

*Theorema XI. Propositio 16.*

*Si quatuor rectæ lineæ proportionales fuerint , rectangulum extremis contentum æquale est ei rectangulo , quod medijs continetur ; & si rectangulum extremis contentum æquale fuerit ei , quod medijs continetur , quatuor rectæ lineæ proportionales erunt .*

**S**int quatuor rectæ lineæ proportionales AB, CD, E, F, sitque, ut AB ad CD : ita E ad F . Dico rectangulum contentum rectis lineis AB, F æquale esse ei , quod ipsis CD, E continetur . Ducantur enim à punctis A, C ipsis AB, CD ad rectos angulos AG, CH : ponaturque ipsi quidem F æqualis AG : ipsi vero E æqualis CH , & compleātur BG, DH parallelogramma . Quoniam igitur est , ut AB ad CD , ita E ad F ; est autem E æqualis CH , & F ipsi AG : erit, ut AB ad CD , ita CH ad AG ; parallelogrammorum igitur BG, DH latera , quæ circum

æquales angulos, ex contraria parte sibi ipsis respondēt; quoniam autem æquiangularum parallelogrammorum latera, quæ circum æquales angulos ex contraria parte sibi ipsis re-



spondent, ea inter se sunt æqualia; (1) ergo parallelogrammum BG æquale est parallelogrammo DH; atque est parallelogrammum quidem BG, quod rectis lineis AB, F continetur; est enim AG æqualis F, parallelogrammum vero DH, quod continetur ipsis CD, E, cum CH ipsi E sit æqualis; rectangulum igitur contentum AB, F est æquale ei, quod ipsis CD, E continetur. Sed rectangulum contentum AB, F sit æquale ei, quod CD, E continetur. Dico quatuor rectas lineas proportionales esse, videlicet, ut AB ad CD, ita E ad F; iisdem enim constructis: quoniam rectangulum contentum AB, F est æquale ei, quod CD, E continetur, atque est contentum quidem AB, F rectangulum BG, etenim AG est æqualis F: contentum vero CD, E est rectangulum DH, quod CH ipsi E sit æqualis, erit parallelogrammum BG æquale parallelogrammo DH, & sunt æquiangulara; æqualium autem, & æquiangularum parallelogrammorum latera, quæ circum æquales angulos ex contraria

ria parte sibi ipsis respondent; (2) quare, ut AB ad CD, ita CH ad AG, æqualis autem est CH ipsi E, & AG ipsi F. Ut igitur AB ad CD, ita E ad F. Ergo si quatuor rectæ lineæ proportionales fuerint, rectangulum extremis contentum æquale est ei, quod mediis continetur; & si rectangulum extremis contentum æquale fuerit ei, quod mediis continetur, quatuor rectæ lineæ proportionales erunt. Quod oportebat demonstrare.

(2) 14. huius.

*Theorema 12. Propositio 17.*

*Si tres rectæ lineæ proportionales fuerint, rectangulum extremis contentum æquale est ei, quod à media fit, quadrato; & si rectangulum extremis contentum æquale fuerit ei, quod à media fit, quadrato, tres rectæ lineæ proportionales erunt.*


**S**int tres rectæ lineæ proportionales A, B, C; & fit, ut A ad B, ita B ad C. Dico rectangulum contentum A, C, æquale esse ei, quod à media B fit, quadrato; ponatur ipsi B æqualis D. Et quoniam, ut A ad B, ita B ad C, æqualis autem B ipsi D: erit, ut A ad B, ita D ad C. (1) Si autem quatuor rectæ lineæ proportionales fuerint rectangulum extremis contentum est æquale ei, quod medijs continetur. (2)

P 4

er.

(1) 7. quinti. (2) Ex antecedenti.

ergo rectangulum  
A, C cōtentum, est  
æquale ei, quod  
cōtinetur B, D. Sed  
rectangulum con-  
tētū B, D est æqua-  
le quadrato, quod  
fit ex ipsa B; ete-  
nim B est æqualis




D; rectangulum igitur contentum A, C est æquale,  
ei quod ex B fit, quadrato. Sed rectangulum conten-  
tum A, C æquale fit quadrato, quod fit ex B. Dico, ut  
A ad B, ita esse B ad C; iisdem enim constructis: quo-  
niam rectangulum contentum A, C æquale est qua-  
drato, quod fit ex B; at quadratum, quod fit ex B est  
rectangulum, quod ipsis B, D continetur, est enim  
B æqualis ipsi D; erit rectangulum contentum A, C  
æquale ei, quod B, D continetur. Si autem rectangu-  
lum extremis contentum æquale fuerit ei, quod me-  
diis continetur, quatuor rectæ lineæ proportionales  
erunt; (3) est igitur, ut A ad B, ita D ad C: æqualis  
autem B ipsi D; ergo, ut A ad B, ita B ad C. Si igitur  
tres rectæ lineæ proportionales fuerint, rectangulū  
extremis contentum est æquale ei, quod à media fit,  
quadrato, & si rectangulum extremis contentum  
æquale fuerit ei, quod à media fit, quadrato, tres  
rectæ lineæ proportionales erunt. Quod oportebat  
demonstrare.

Pro-

(3) Ex antecedente.

**Problema 6. Propositio 18.** *A data recta linea dato rectilineo simile, & similiter positum rectilineum describere.*

**S**ic data recta linea AB, datum autem rectilineum CE oportet à recta linea AB rectilineo CE simile, & similiter positum rectilineum describere. jungatur DF, & ad



rectam lineam AB, & ad puncta in ipsa A, B, angulo quidem C æqualis angulus constituatur GAB, (1) angulo autem CDF angulus ABG; reliquus igitur CFD angulus reliquo AGB est æqualis; ergo æquiangulum est FCD triangulum triangulo GAB; ac propterea, ut FD ad GB, ita FC ad GA, & CD ad AB. (2) Rursus constituatur ad rectam lineam BG, & ad puncta in ipsa B, G, angulo quidem DFE æqualis angulus BGH, angulo autem FDE æqualis GBH; ergo reliquus qui ad E, reliquo, qui ad H est æqualis; æquiangulum igitur est triangulum FDE triangulo GBH. Quare, ut FD ad GB, ita FE ad GH, & ED ad HB; (3) ostensum autem est, & ut FD ad GB, ita FC ad GA, & CD ad AB; & ut igitur FC ad GA, ita CD ad AB; & FE ad GH, & adhuc ED ad HB; (4) itaque quoniam angulus quidem CFD est æqualis angulo AGB; angulus autem DFE angulo BGH; erit totus CFE

an-


(1) 23. primi. (2) 4. huius. (3) 4. huius. (5) 11. quinti

angulus totū AGH æqualis. Eadem ratione, & CDE est æqualis ipsi ABH, & præterea angulus quidem ad C angulo ad A æqualis, angulus vero ad E angulo ad H; æquiangulum igitur est AH ipsi CE, & latera circum æquales ipsi angulos habet proportionalia. Ergo rectilineum AH rectilineo CE simile erit. (5) A data igitur recta linea AB dato rectilineo CE simile, & similiter positum rectilineum AH descriptū est. Quod facere oportebat.

(5) diff. 1. hujus.

*Theorema 13. Propositio 19. Similia triangula inter se sunt in dupla proportionem laterum homologorum.*

**S**int similia triangula ABC, DEF habentia angulum ad B æqualem angulo ad E, & sit, ut AB ad BC, ita DE ad EF, ita ut latus BC homologum sit lateri EF.



Dico ABC triangulum ad triangulum DEF duplam proportionem habere ejus quam habet BC ad EF. Sumatur enim ipsarum BC, EF tertia proportionalis BG, (1) ut sit, sicut BC ad EF, ita EF ad BG, & jungatur GA, quoniam igitur, ut AB ad EC, ita est

(1) 11. hujus.

est DE ad EF; erit permutando, ut AB ad DE, ita BC ad EF. Sed, ut BC ad EF, ita EF ad BG; & ut igitur AB ad DE, ita EF ad BG; ( 2 ) quare triangulorum, ABG, DEF latera, quæ circum æquales angulos, ex contraria parte sibi ipsis respondent; quorum autem triangulorum unum uni æqualem habentium angulum latera, quæ circum æquales angulos ex contraria parte sibi ipsis respondent, ea inter se æqualia sunt; ( 3 ) æquale igitur est ABG triangulum triangulo DEF; & quoniam est, ut BC ad EF, ita EF ad BG: si autem tres rectæ lineæ proportionales sint, prima ad tertiam duplam proportionem habet ejus, quam habet ad secundam: ( 4 ) habebit BC ad BG duplam proportionem ejus, quam habet BC ad EF. Ut autem BC ad BG, ita ABC triangulum ad triangulum ABG; ( 5 ) ergo, & ABC triangulum ad triangulum ABG duplam proportionem habet ejus, quam BC ad EF; est autem ABG triangulum triangulo DEF æquale; & triangulum igitur ABC ad triangulum DEF duplam proportionem habebit ejus, quam habet BC ad EF. Quare similia triangula inter se in dupla sunt proportionem laterum homologorū. Quod ostendere oportebat.

---

( 2 ) 11. quinti. ( 3 ) 15. hujus. ( 4 ) Diff. 10. quinti.  
( 5 ) 1. hujus.

### C O R O L L A R I U M.


Ex hoc manifestum est, si tres rectæ lineæ proportionales fuerint, ut prima ad tertiam, ita esse triangulum.



lum; quod fit à prima, ad triangulum, quod à secunda, simile, & similiter descriptum, quod ostensum est, ut CB ad BG, ita ABC triangulum ad triangulum ABG, hoc est ad triangulum DEF; quod ostendere oportebat.

*Theorema 14. Propositio 20. Similia polygona in similia triacula dividuntur, & numero aequalia, & homologa totis; & polygonum ad polygonum duplam proportionem habet ejus, quam latus homologum habet ad homologum latus.*


**S**int similia polygona ABCDE, FGHL, & sit AB homologum ipsi FG, dico polygona ABCDE, FGHL in similia triacula dividi, & numero æqualia, & homologa totis; & polygonum ABCDE ad polygonum



FGHL duplam proportionem habere ejus, quam habet AB ad FG; jungantur BE, EC, GL, LH; & quoniam simile est ABCDE polygonum polygono FGHL, angulus BAE angulo GFL est æqualis: atque est, ut BA ad AE, ita GF ad FL. Quoniam igitur duo triacula sunt ABE, FGL unum angulum uni angulo æqualem habentia; circum æquales autem angulos latera proportionalia; erit triangulum ABE triangulo FGL æquiangulum; (1) ergo, & simile; angulus

lus igitur ABE æqualis est angulo FGL; est autem, & totus ABC angulus æqualis toti FGH, propter similitudinem polygonorum; ergo reliquus EBC reliquo LGH est æqualis; & quoniam ob similitudinem triangulorum ABE, FGL, est ut EB ad BA, ita LG ad GF. Sed, & propter similitudinem polygonorum, ut AB ad BC, ita est FG ad GH; erit ex æquali, ut EB ad BC, ita LG ad GH; & circum æquales angulos EBC, LGH latera sunt proportionalia; æquiangulum igitur est EBC triangulum triangulo LGH; ( 2 ) quare, & simile; eadem ratione, & ECD triangulum simile est triangulo LHK. Similia igitur polygona ABCDE, FGHLK in similia triangula dividuntur, & numero æqualia. dico, & homologa totis, hoc est, ut proportionalia sint triangula, & antecedentia quidē esse ABE, EBC, ECD, consequentia autem ipsorum FGL, LGH, LHK, & ABCDE polygonum ad polygonum FGHLK duplam proportionem habere ejus, quam latus homologum habet ad homologū latus; hoc est AB ad FG; jungantur enim AC, FH. Et quoniam propter similitudinem polygonorum, angulus ABC est æqualis angulo FGH; atque est, ut AB ad BC, ita FG ad GH, erit triangulum ABC triangulo FGH æquiangulum, æqualis igitur est angulus quidem BAC angulo GFH, angulus vero BCA angulo GHF; præterea quoniam æqualis est BAM angulus angulo GFN, ostensus autem est, & ABM angulus æqualis angulo FGN; erit, & reliquus AMB reliquo  
FNG

PNG æqualis ; ergo æquiangulū est ABM triangulum triangulo FGN ; similiter ostendemus, & triangulum BMC triangulo GNH æquiangulum esse. ut igitur AM ad MB, ita est FN ad NG, & ut



BM ad MC, ita GN ad NH, quare, & ex æquali, ut AM ad MC, ita FN ad NH, Sed, ut AM ad MC, ita ABM triangulum ad triangulum MBC, & triangulū AME ad ipsum BMC, inter se enim sunt, ut bases, (3) & ut unum antecedentium ad unum consequentium, ita omnia antecedentia ad omnia consequentia; (4) ut igitur AMB triangulum ad triangulum BMC, ita triangulum ABE ad ipsum CBE. Sed, ut AMB ad BMC, ita AM ad MC; (5) & ut igitur AM ad MC, ita ABE triangulum ad triangulum EBC. eadem ratione, & ut FN ad NH, ita FGL triangulum ad triangulum GLH; atque est, ut AM ad MC, ita FN ad NH; ergo, & ut triangulum ABE ad triangulū BEC, ita triangulum FGL ad GHL triangulum: & permutando, ut ABE triangulum ad triangulū FGL, ita triangulum EBC ad triangulum GHL. Similiter ostendemus junctis BD, GK, & ut BEC triangulum ad triangulum LGH, ita esse triangulum ECD ad triangulum LHK; & quoniam est, ut ABE triangu-

lum

(3) 1. hujus. (4) 12. quinti. (5) 1. hujus.


Ium ad triangulum FGL, ita triangulum EBC ad triangulum LGH, & adhuc triangulum ECD ad ipsū LHK: erit, & ut unum antecedentium ad unum consequentium, sic omnia antecedentia ad omnia consequentia, (6) ergo, ut triangulum ABE ad triangulum FGL, ita ABCDE polygonum ad polygonum FGHLK sed ABE triangulum ad triangulum FGL duplam proportionem habet ejus, quam latus homologum AB habet ad homologum latus FG: similia enim tria in dupla sunt proportionem laterum homologorum; (7) ergo, & ABCDE polygonum ad polygonum FGHLK duplam proportionem habet ejus, quam AB latus homologum habet ad FG homologum latus. Similia igitur polygona in similia tria dividuntur, & numero æqualia, & homologa totis, & polygonum ad polygonum duplam habet proportionem ejus, quam habet latus homologum ad homologum latus. Quod oportebat demonstrare.

Eodem modo, & in similibus quadrilateris ostenditur ea esse in dupla proportionem laterum homologorum; ostensum autem est, & in triangulis.

(6) 12. quinti. (7) Ex antecedente.

COROLLARIUM PRIMUM.

Ergo universæ similes rectilineæ figure inter se sunt in dupla proportionem homologorum laterum, & si ipsarum AB, FG tertia proportionalem sumamus, quæ sit X, habebit AE ad X duplam proportionem ejus, quæ habet AB ad FG, habet autem, & polygonum




ad polygonum, & quadrilaterum ad quadrilaterum duplam proportionem ejus, quam latus homologum habet ad homologum latus, hoc est  $AE$  ad  $FG$ , atque ostensum est hoc in triangulis.

### COROLLARIUM SECUNDUM.

Universè igitur manifestum est, si tres rectæ lineæ proportionales fuerint, ut prima ad tertiam, ita esse figuram, quæ sit à prima ad eam, quæ à secunda, similem, & similiter descriptam; quod ostendere oportebat.

Ostendemus etiam aliter, & expeditius homologa esse triacula.

**E**xponatur enim rursus polygona  $ABCDE$ ,  $FGHKL$ , & iungantur,  $BE$ ,  $EC$ ,  $GL$ ,  $LH$ . dico, ut  $ABE$  triangulum ad triangulum  $FGL$ , ita esse triangulum  $EBC$  ad triangulum  $LGH$ , &



triangulum  $CDE$  ad ipsum  $HKL$ ; quoniam enim simile est  $ABE$  triangulum triangulo  $FGL$ ; habebit  $ABE$  triangulum ad triangulum  $FGL$  duplam proportionem ejus, quam habet  $BE$  ad  $GL$ . (1) eadem

12-

(1) Ex antecedente.

ratione, & triangulum BEC ad GLH triangulum duplam proportionem habet ejus, quam BE ad GL; est igitur, ut ABE triangulum ad triangulum FGL ita triangulum BEC ad GLH triangulum; (2) rursus quoniam simile est triangulum EBC triangulo LGH, habebit EBC triangulum ad triangulum LGH duplam proportionem ejus, quam recta linea CE habet ad rectam HL; eadem ratione, & ECD triangulum ad triangulum LHK duplam proportionem habet ejus, quam CE ad HL; est igitur, ut triangulum BEC ad triangulum LGH, ita CED triangulum ad triangulum LHK; ostensum autem est, & ut EBC triangulum ad triangulum LGH, ita triangulum ABE ad triangulum FGL; ergo, & ut triangulum ABE ad triangulum FGL, ita triangulum BEC ad GLH triangulum, & triangulum ECD ad ipsum LHK; & ut igitur unum antecedentium ad unum consequentium, sic omnia antecedentia ad omnia consequentia, (3) & reliqua, ut in priori demonstratione. Quod ipsum demonstrare oportebat.

---

(2) 11. quinti. (3) 12. quinti.


*Theorema 15. Propositio 21. Quae eidem rectilineo sunt similia, & inter se similia sunt.*

**S**it enim utrumque rectilineorum A, B simile rectilineo C; dico, & rectilineum A rectilineo B simile esse. Quoniam enim simile est A rectilineum rectilineo C, & ipsi aequalangulum erit, & circum-

2

aqua-

$\propto$ quales angulos latera habebit proportionalia. Rursus quoniam simile est rectilineū B rectilineo C,  $\propto$ quiangulum ipsi erit, & circum  $\propto$ quales angulos latera



proportionalia habebit. Utrumque igitur rectilinerum A, B ipsi C  $\propto$ quiangulum est, & circum  $\propto$ quales angulos latera habet proportionalia. Quare, & rectilineum A ipsi B est  $\propto$ quiangulum, lateraque circum  $\propto$ quales angulos proportionalia habet; ac propterea A ipsi B est simile. Quod demonstrare oportebat.


*Theorema 16. Propositio 22. Si quatuor rectæ lineæ proportionales fuerint, & rectilineæ, quæ ab ipsis sunt, similia, & similiter descripta proportionalia erunt. Et si rectilineæ, quæ ab ipsis sunt, similia, & similiter descripta proportionalia fuerint, & ipsæ rectæ lineæ proportionales erunt.*

**S**int quatuor rectæ lineæ proportionales AB, CD, EF, GH, & ut AB ad CD, ita sit EF ad GH; describanturque ab ipsis quidem AB, CD similia, & similiter posita rectilinea KAB, LCD: ab ipsis vero EF, GH describantur rectilinea similia, & similiter posita MF, NH. (1) Dico, ut KAB rectilinerum ad rectilinerum LCD, ita esse rectilinerum MF ad ipsum  
NH

---

(1) 18. hujus.

NH rectilineum. Sumatur enim ipsarum quidē AB, CD tertia proportionalis X; (2) ipsarum vero EF, GH tertia proportionalis O; & quoniam est, ut AB ad CD, ita EF ad GH: ut autem CD ad X ita GH ad O; erit ex æquali, ut AB ad X, ita EF ad O. Sed, ut AB quidem ad X, ita est rectilineum KAB ad LCD rectilineum, (3) ut autem



EF ad O, ita rectilineum MF ad rectilineum NH. (4) Ut igitur KAB rectilineum ad rectilineum LCD, ita est rectilineum MF ad NH rectilineum. (5) Sed fit, ut KAB rectilineum ad rectilineum LCD, ita rectilineum MF ad rectilineum NH. Dico, ut AB ad CD, ita esse EF ad GH: fiat enim, ut AB ad CD, ita EF ad PR, (5) & describatur ab ipsa PR alterutri rectilineorū MF, NH simile, & similiter positum rectilineum SR. Quoniam igitur est, ut AB ad CD, ita EF ad PR, & descripta sunt ab ipsis quidem AB, CD similia, & similiter posita KAB, LCD rectilinea, ab ipsis vero EF, PR similia, & similiter posita rectilinea MF, SR, erit, ut KAB rectilineum ad rectilineum LCD, ita rectilineum

Q 2

MF

(2) 11. hujus. (3) Cor. 10. hujus. (4) 11. quinti.

(5) 12. hujus.


MF ad SR rectilineum, ponitur autem, & ut rectilineum KAB ad rectilineum LCD, ita MF rectilineum ad rectilineum NH, ergo, ut rectilineum MF ad rectilineum NH, ita MF rectilineum ad rectilineum SR. Quod cum rectilineam MF ad utrumque ipsorum NH, SR eandem habeat proportionem, erit rectilineum NH ipsi SR æquale; (6) est autem ipsi simile, & similiter positum. Ergo GH est æqualis PR. Et quoniam, ut AB ad CD, ita est EF ad PR, æqualis autem PR ipsi GH; erit, ut AB ad CD, ita EF ad GH. Si igitur quatuor rectæ lineæ proportionales fuerint, & rectilineæ, quæ ab ipsis fiunt, similia, & similiter descripta proportionalia erunt, & si rectilineæ, quæ ab ipsis fiunt, similia, & similiter descripta proportionalia fuerint, & ipsæ rectæ lineæ proportionales erunt. Quod oportebat demonstrare.

(6) 9. quinti.

*Theorema 17. Propositio 23. Equiangula parallelogramma inter se proportionem habent ex lateribus compositam.*

**S**int æquiangula parallelogramma AC, CF æqualem habentia BCD angulum angulo ECG. Dico parallelogrammum AC ad parallelogrammum CF proportionem habere compositam ex lateribus, videlicet compositam ex proportionem, quam habet BC ad CG, & ex proportionem quam DC habet ad CE. Ponatur enim, ut BC sit in directum ipsi CG; ergo, &  
DC

DC ipsi CE in directum erit :  
(1) & compleatur DG parallelogrammum:exponaturque recta linea quædam K, & fiat, ut BC quidem ad CG, ita K ad L, (2) ut autem DC ad CE, ita L ad M; proportionem igitur ipsis K ad L, & L ad M eadem sunt, quæ proportionem laterum, videlicet BC ad CG, & DC ad CE. Sed proportio K ad M composita est ex proportione K ad L, & proportione L ad M:quare, & K ad M; proportionem



habet ex lateribus compositam. Et quoniam est, ut BC ad CG, ita AC parallelogrammum ad parallelogrammum CH; (3) sed, ut BC ad CG, ita K ad L: erit, & ut K ad L, ita parallelogrammum AC ad CH parallelogrammum (4) Rursus quoniam est, ut DC ad CE, ita CH parallelogrammum ad parallelogrammum CF: ut autem DC ad CE, ita L ad M, & ut L ad M, ita erit parallelogrammum CH ad CF parallelogrammum. (5) Itaque cum ostensum sit, ut K quidem ad L, ita AC parallelogrammum ad parallelogrammum CH: ut autem L ad M, ita parallelogrammum CH ad CF parallelogrammum; erit ex æquali, ut K ad M, ita AC parallelogrammum ad ipsum CF;

Q 3


ha-

- { 1 } 14. primi. { 2 } 12. hujus. { 3 } 1. hujus.  
{ 4 } 11. quinti. { 5 } 11. quinti.

habet autem  $K$  ad  $M$  proportionem ex lateribus compositam; ergo, &  $AC$  parallelogrammum ad parallelogrammum  $CF$  proportionem habebit compositam ex lateribus; æquiangulara igitur parallelogramma. Inter se proportionem habent ex lateribus compositam. Quod oportebat demonstrare.

**Theorema 18. Propositio 24.** Omnis parallelogrammi, quæ circa diametrum sunt parallelogramma, & toti, & inter se similia sunt.

**S**it parallelogrammum  $ABCD$ , cuius diameter  $AC$ : circa diametrum vero  $AC$  parallelogramma sint  $EG, HK$ . Dico parallelogramma  $EG, HK$ , & toti  $ABCD$ , & inter se similia esse. Quoniam



enim uni laterum trianguli  $ABC$ , videlicet ipsi  $BC$  parallela ducta est  $EF$ , erit, ut  $BE$  ad  $EA$ , ita  $CF$  ad  $FA$ . (1) Rursus quoniam uni laterum trianguli  $ACD$ , nempe ipsi  $CD$  ducta est parallela  $FG$ , ut  $CF$  ad  $FA$ , ita erit  $DG$  ad  $GA$ ; sed, ut  $CF$  ad  $FA$ ; ita ostensa est, &  $BE$  ad  $EA$ ; ergo, & ut  $BE$  ad  $EA$ , ita  $DG$  ad  $GA$ , (2) componendoque, ut  $BA$  ad  $AE$ , ita  $DA$  ad  $AG$ , & permutando, ut  $BA$  ad  $AD$ , ita  $EA$  ad  $AG$ ; parallelogrammorum igitur  $ABCD, EG$  latera, quæ circa  
com-

(1) 2. hujus. (2) 11. quinti.

communem angulum BAD proportionalia sunt. Et quoniam parallela est GF ipsi DC, angulus quidem AGF est æqualis angulo ADC, (3) angulus vero GFA æqualis angulo DCA, & angulus DAC est communis duobus triangulis ADC, AGF; erit triangulum ADC triangulo AGF æquiangulum. Eadem ratione, & triangulum ACB æquiangulum est triangulo AFE; (4) totum igitur parallelogrammum ABCD parallelogrammo EG est æquiangulum; ergo, ut AD ad DC, ita AG ad GF, ut autem DC ad CA, ita GF ad FA, & ut AC ad CB, ita AF ad FE, & præterea, ut CB ad BA, ita FE ad EA. Itaque quoniam ostensum est, ut DC ad CA, ita esse GF ad FA, ut autem AC ad CB, ita AF ad FE; erit ex æquali, ut DC ad CB, ita GF ad FE; ergo parallelogrammorum ABCD, EG proportionalia sunt latera, quæ circum æquales angulos, ac propterea parallelogrammum ABCD parallelogrammo EG est simile. Eadem ratione, & parallelogrammum ABCD simile est parallelogrammo KH. Utrumque igitur ipsorum EG, HK parallelogrammorum parallelogrammo ABCD est simile; quæ autem eidem rectilineo sunt similia, & inter se similia sunt; (5) parallelogrammum igitur EG simile est parallelogrammo HK. Quare omnis parallelogrammi, quæ circa diametrum sunt parallelogramma, & toti, & inter se sunt similia. Quod ostendere oportebat.


(3) 29. primi. (4) 4. hujus. (5) 21. hujus.

*Problema 7. Propositio 25. Dato rectilineo simile, & alteri dato æquale idem conficere.*

Q 4

Sit

**S**it datum qui-  
dē rectilineū,  
cui oportet simile  
constituere ABC,  
cui autem æquale  
sit D; oportet ipsi  
ABC simile, & ipsi  
D æquale idem  
constituere; appli-




cetur enim ad rectam quidem lineam BC triangulo  
ABC æquale parallelogrammum BE; (1) ad rectam  
vero CE applicetur parallelogrammum CM æquale  
ipsi D, in angulo FCE, qui CBL angulo est æqualis;  
in directum igitur est BC ipsi CF, & LE ipsi EM. (2)  
Sumatur ipsarum BC, CF media proportionalis GH,  
(3) & ab ipsa GH describatur triangulum KGH si-  
mile, & similiter positum triangulo ABC. (4) Et  
quoniam est, ut BC ad GH, ita GH ad CF, si autem  
tres rectæ lineæ proportionales sint, ut prima ad ter-  
tiam, ita est figura, quæ sit à prima, ad eam, quæ à  
secunda, similem, & similiter descriptam, (5) erit,  
ut BC ad CF, ita ABC triangulum ad triangulum  
KGH; sed, & ut BC ad CF, ita parallelogrammū BE  
ad EF parallelogrammum, & ut igitur triangulum  
ABC ad triangulum KGH, ita BE parallelogrammū  
ad parallelogrammum EF. (6) Quare permutando,  
ut ABC triangulum ad parallelogrammum BE, ita  
trian-

(1) 44. primi. (2) 14 primi. (3) 13. hujus.  
(4) 18. hujus. (5) Cor. 19. hujus. (6) 11. quinti.

triangulum KGH ad EF parallelogrammum; est autem triangulum ABC æquale parallelogrammo BE; æquale igitur est, & KGH triangulum parallelogrammo EF. Sed EF parallelogrammum æquale est rectilineo D; ergo, & triangulum KGH ipsi D est æquale, est autem KGH simile triangulo ABC. Dato igitur rectilineo ABC simile, & alteri dato æquale idem constitutum est KGH. Quod facere oportebat.

*Theorema 19. Propositio 26. Si à parallelogrammo parallelogrammū auferatur simile toti, & similiter positū, communem ipsi angulū habens, circa eandē diametrum est toti.*

**A** Parallelogrammo enim ABCD parallelogrammū AF auferatur, simile ipsi ABCD, & similiter positū communemque ipsi angulū habens DAB; dico parallelogrammum ABCD circa eandem esse diametrum parallelogrammo AF. Nō enim: sed si fieri potest,



fit ipsorum diameter AHC, & producatuf GF ufque ad H; ducaturque per H alterutri ipfarum AD, BC parallela HK. Quoniam igitur circa eandem diametrum est ABCD parallelogrammum parallelogrammo KG; & erit parallelogrammum ABCD parallelogrammo KG simile; (1) ergo, ut DA ad AB, ita GA ad AK. (2) est autem, & propter fimilitudinem parallelogrammorum ABCD, EG, ut DA ad AB, ita GA ad AE, & ut

---


(1) 22. hujus. (2) 1. diff. hujus.

& ut igitur GA ad AE, ita GA ad AK. (3) Quòd cū GA ad utramque ipsarum AK, AE eandem proportionem habeat, erit AE ipsi AK æqualis, (4) minor majori, quod fieri non potest; non igitur circa eandem diametrum est ABCD parallelogrammum parallelogrammo AH. Quare circa eandem diametrum erit ipsi AF. Si igitur à parallelogrammo parallelogrammum auferatur simile toti, & similiter positū, communem ipsi angulum habens, circa eandem diametrum est toti. Quod demonstrare oportebat.

(3) 18. quinti. (4) 9. quinti.

*Theorema 20. Propositio 27. Omnium parallelogrammorum ad eandem rectam lineam applicatorum, & deficientium figuris parallelogramis similibus, & similiter positis eiqua à dimidia describitur, maximū est, quod ad dimidiam est applicatum simile existens defectui.*

**S**it recta linea AB, seceturque bifariam in C; & ad AB rectam lineā applicetur parallelogrammū AD deficiens figura parallelogramma DB, simili, & similiter posita ei, quæ à dimidia ipsis AB descripta est hoc est à CB. Dico om-



nium parallelogrammorum ad rectā lineam AB applicatorum, & deficientium figuris parallelogrammis similibus, & similiter positis ipsi DB, maximum esse AD. applicetur enim ad rectam lineam AB paral-



quod ad dimidiam est applicatum majus esse parallelogrammo AE. Quoniam enim simile est EB ipsi LB, circa eandem sunt diametrum; (1) fit ipsorum diameter EB, & describatur figura. Et quoniam LF æquale est LH, etenim FG ipsi GH est æqualis; (2) erit LF ipso EK majus; est autem LF æquale DL. (3) majus igitur est, & DL ipso EK: cōmune apponatur KD; ergo totum AL toto AE est majus; quod oportebat demonstrare.

---

(1) 24. sexti. (2) 36. primi. (3) 43. primi.

*Problema 8. Propositio 28. Ad datam rectam lineā dato rectilineo aequale parallelogrammum applicare, deficiens figura parallelogramma, quæ similis sit alteri data; oportet autem datum rectilineum, cui aequale applicandum est, non majus esse eo, quod ad dimidiam applicatur, similibus existentibus defectibus, & eo quod à dimidia, & eo, cui oportet simile deficere.*

**S**It data quidem recta linea AB: datum autem rectilineum, cui oportet æquale ad datam rectā, lineam AB applicare, sit C, non majus existens eo, quod ad dimidiam applicatum est, similibus existentibus defectibus: cui autem oportet simile deficere sit D; oportet ad datam rectam lineam AB, dato rectilineo C æquale parallelogrammum applicare, deficiens figura parallelogramma, quæ similis sit ipsi D. Secetur AB bifariam in E, & ab ipsa EB describatur simile, & similiter positū ipsi D; (1) quod sit EBFG, & com-

---

(1) 18. hujus.



& figura describatur; itaque quoniam GB est æquale ipsis C, KM, quorum GP est æquale KM, erit reliquus YΦΨ gnomon æqualis reliquo C, & quoniam OR est æquale XS, (5) commune apponatur PB; totum igitur, OB toti XB est æquale, sed XB est æquale TE, quoniam, & latus AE lateri EB; (6) quare, & TE ipsi OB æquale; commune apponatur XS; ergo totum TS est æquale toti gnomoni YΦΨ. At YΦΨ gnomon ipsi C ostensus est æqualis; & T, igitur ipsi C æquale erit. Quare ad datam rectam lineam AB dato retilineo C æquale parallelogrammum TS applicatum est, deficiens figura parallelogramma PB ipsi D simili, quoniam, & PB simile est ipsi GP. Quod facere oportebat.

---

(5) 43. primi. (6) 36. primi.


*Problema 9. Propositio 29. Ad datam rectam lineam, dato retilineo æquale parallelogrammum applicare, excedens figura parallelogramma, qua similis sit alteri data.*

**S**It data recta linea AB, datum vero retilineum, cui oportet æquale ad ipsam AB applicare, sit C, cui autem oportet simile excedere, D; itaque oportet ad AB rectam lineam dato retilineo C æquale parallelogrammum applicare, excedens figura parallelogramma simili D. Secetur AB bifariam in E, atque ex EB ipsi D simile, & similiter positum parallelogrammum describatur BF, (1) & utrisque quidem BF;

---

(1) 18. hujus.

BF, C, æquale, ipsi vero D simile, & similiter pos-  
situm idem constituatur  
GH. (2) Simile igitur  
est GH ipsi FB. Sitque  
KH quidē latus homo-  
logum lateri FL, KG ve-  
ro ipsi FE. Et quoniam  
parallelogrammum GH  
majus est ipso FB, erit  
recta linea KH major  
quàm FL, & KG major  
quàm FE; producantur  
FL, FE, & ipsi quidem  
KH æqualis sit FLM, ip-  
si vero KG æqualis FEN,  
& compleatur MN pa-  
rallelogrammum; ergo



MN æquale est, & simile ipsi GH. Sed GH est simile  
EL, & MN igitur ipsi EL simile erit; (3) ac propte-  
reà, circa eandem diametrum est EL ipsi MN. (4)  
Ducatur ipsorum diameter FX, & figura describatur.  
Itaque quoniam GH ipsis EL, C, est æquale, sed GH  
est æquale MN. erit, & MN æqualis ipsis EL, C; cō-  
mune auferatur EL; reliquus igitur YZ gnomon  
ipsi C est æqualis. Et quoniam AE est æqualis EB,  
æquale erit, & AN parallelogrammum parallelogrā-  
mo NB, hoc est ipsi LO; commune apponatur EX;

to-


(2) 25. hujus. (3) 21. hujus. (4) 26. hujus.

totū igitur  $AX$  æquale est gnomoni  $\phi Y \psi$ . Sed  $\phi Y \psi$  gnomon est æqualis  $C$ ; ergo, &  $AX$  ipsi  $C$  erit æquale. Ad datam igitur rectam lineam  $AB$  dato rectilineo  $C$  æquale parallelogrammum applicatū est  $AX$ , excedens figura parallelogramma  $PO$  ipsi  $D$  simili, quoniam, & ipsi  $EL$  simile est  $OP$ . (5) Quod fecisse oportebat.

(5) 24. hujus.

*Problema 10. Propositio 30. Datam rectam lineam terminatam extrema, ac media ratione secare.*

**S**it data recta linea terminata  $AB$ ; oportet ipsā  $AB$  extrema, ac media ratione secare. Describatur enim ex  $AB$  quadratū  $BC$ , (1) & ad  $AC$  ipsi  $BC$  æquale parallelogrammum applicetur  $CD$ ,



excedens figura  $AD$  ipsi  $BC$  simili. (2) Quadratum autem est  $BC$ ; ergo, &  $AD$  quadratum erit. Et quoniam  $BC$  est æquale  $CD$ ; commune auferatur  $CE$ ; reliquum igitur  $BF$  reliquo  $AD$  est æquale: est autē, & ipsi æquiangulum; ergo ipsorum  $BF$ ,  $AD$  latera, quæ circum æquales angulos, ex contraria parte sibi ipsis respondent, (3) ut igitur  $FE$  ad  $ED$ , ita est  $AE$   
ad

(1) 46. primi. (2) Ex antecedente. (3) 24. hujus.

ad EB; est autē FE æqualis AC, (4) hoc est ipsi AB, & ED ipsi AE; quare, ut BA ad AE, ita AE ad EB. Sed AB major est, quam AE; ergo AE quam EB est major. (5) Recta igitur linea AB extrema, ac media ratione secta est in E; & maior ipsius portio est AE, quod facere oportebat.

**A L I T E R.** Sit data recta linea AB; oportet ipsā AB extrema, ac media ratione secare. Secetur enim AB in C, ita ut rectangulum, quod continetur AB, BC æquale sit quadrato, ex AC. (6) Quoniam igitur rectangulum ABC æquale est quadrato ex AC, erit, ut BA ad AC, ita AC, ad CB, (7) ergo AB recta linea extrema, ac media ratione secta est; Quod facere oportebat.

---

(4) 34. primi. (5) 14. quinti. (6) 11. secund.  
(7) 17. hujus.

*Theorema 21. Propositio 31. In rectangulis triangulis figura, qua fit à latere rectum angulum subtendente, æqualis est eis, qua à lateribus rectum angulum continentibus sunt, similibus, & similiter descriptis.*


**S**it triangulum rectangulum ABC, rectum habens angulum BAC. Dico figurā, quæ fit ex BC æqualem esse eis, quæ ex BA, AC sunt, similibus, & similiter descriptis. Ducatur perpendicularis AD. Quoniam igitur in triangulo rectangulo ABC ab angulo recto, qui est ad A ad BC basim perpendicularis ducta est AD, erunt triangu-  

la ABD, ADC, quæ sunt ad

R

per-

perpendicularem similia toti  $ABC$ , & inter se se. (1) Et quoniam simile est  $ABC$  triangulū triangulo  $ABD$ , erit, ut  $CB$  ad  $BA$ , ita  $AB$  ad  $BD$ ; quod cum tres rectę lineę propor-



tionales sint, ut prima ad tertiam, ita erit figura, quę fit ex prima ad eam, quę ex secunda, similem, & similiter descriptam. (2) Ut igitur  $CB$  ad  $BD$ , ita figura, quę fit ex  $CB$  ad eam, quę ex  $BA$ , similem, & similiter descriptam. Eadem ratione, & ut  $BC$  ad  $CD$ , ita figura, quę fit ex  $BC$  ad eam, quę ex  $CA$ ; quare, & ut  $BC$  ad ipsas  $BD$ ,  $DC$ , ita figura, quę ex  $BC$  ad eas, quę ex  $BA$ ,  $AC$ , similes, & similiter descriptas; æqualis autem  $BC$  ipsis  $BD$ ,  $DC$ ; ergo figura, quę fit ex  $BC$  æqualis est eis, quę ex  $BA$ ,  $AC$  fiunt, similibus, & similiter descriptis. In rectangulis igitur triangulis, figura, quę fit à latere rectum, angulum subtendente, æqualis est eis, quę à lateribus rectum angulum continentibus fiunt similibus, & similiter descriptis; quod ostendere oportebat.

**A L I T E R.** Quoniam similes figurę sunt in dupla proportionē laterum homologorum; (3) figura, quę fit ex  $BC$  ad eam, quę ex  $BA$  duplam proportionem habebit ejus, quam habet  $BC$  ad  $BA$ ; habet au-

---

(1) 8.hujus. (2) Coro.20.hujus. (3) 20.hujus.

autem, & quadratum ex BC, ad quadratum ex BA  
duplam proportionem ejus, quam BC ad BA; ergo,  
& ut figura quæ ex BC ad eam, quæ ex BA, ita qua-  
dratum ex BC ad quadratum ex BA; eadem ratio-  
ne, & ut figura, quæ ex BC ad eam, quæ ex CA, ita  
quadratum, quod ex BC ad illud, quod ex CA qua-  
dratum, & ut igitur figura quæ ex BC ad eas, quæ ex  
BA, AC, ita quod ex BC quadratum ad quadrata,  
quæ ex BA, AC; (4) quadratum autem, quod ex BC  
æquale est eis, quæ ex BA, AC quadratis; (5) ergo,  
& figura, quæ fit ex BC est æqualis eis, quæ ex BA,  
AC fiunt, similibus, & similiter descriptis; quod  
ostendere oportebat.

(4) 12. quinti. (5) 47. primi.

*Theorema 22. Propositio 32. Si duo triangula componā-  
tur ad unum angulum, quæ duobus latera duobus lateri-  
bus proportionalia habeant, ita ut homologa latera  
ipsorum etiam sint parallela, reliqua triangulorum  
latera in directum sibi ipsis constituta erunt.*


**S**int duo triangula ABC, DCE, quæ duo latera  
BA, AC, duobus lateribus CD, DE proportio-  
nalia habeant, ut sit sicut BA ad AC; ita CD ad DE;  
parallela autem sit AB ipsi DC, & AC ipsi DE. Dico  
BC ipsi CE in directum esse. Quoniam enim AB pa-  
rallela est DC, & in ipsas incidit recta linea AC;  
erūt anguli alterni BAC, ACD æquales inter se se. (1)

R 2

Ea-

(1) 29. primi.

Eadem ratione, & angulus CDE æqualis est angulo ACD; quare, & BAC ipsi CDE est æqualis. & quoniã duotriangula sũt ABC, DCE, unum angulũ, qui ad A, uni angulo, qui ad D æqualem ha-




bentia, circum æquales autem angulos latera proportionalia, quod fit, ut BA ad AC, ita CD ad DE; erit triangulum ABC triangulo DCE æquiangulum; (2) ergo ABC angulus est æqualis angulo DCE; ostensus autem est, & angulus ACD æqualis angulo BAC; totus igitur ACE duobus ABC, BAC est æqualis; communis apponatur ACB; ergo anguli ACE, ACB angulis BAC, ACB, CBA æquales sunt. Sed BAC, ACB, CBA anguli duobus rectis sunt æquales; & anguli igitur ACE, ACB duobus rectis æquales erunt; itaque ad quandam rectam lineam AC, & ad punctum in ipsa C duæ rectæ lineæ BC, CE non ad easdem partes positæ angulos, qui deinceps sunt ACE. ACB duobus rectis æquales efficiunt; ergo BC ipsi CE in directum erit. (3) Si igitur duo triangula componantur ad unum angulum, quæ duo latera duobus lateribus proportionalia habeant, ita ut homologa latera ipsorum etiam sint parallela; reliqua triangulorum latera in directum sibi ipsis constituta erunt. Quod demonstrare oportebat. *Theo-*

---

(2) 6. hujus. (3) 14. primi.


**Theorema 23. Propositio 33.** *In circulis aequalibus anguli eandem habent proportionem, quam circumferentia, quibus insistant, siue ad centra, siue ad circumferentias insistant. Adhuc autem, & sectores, quippe qui ad centra sunt constituti.*

**S**int æquales circuli ABC, DEF; & ad centra quidem ipsorum G, H sint anguli BGC, EHF, ad circumferentias verò anguli BAC, EDF. dico, ut circū-



ferentia BC ad EF circumferentiam, ita esse, & BGC angulum ad angulum EHF, & angulum BAC ad angulum EDF: & adhuc sectorem BGC ad EHF sectorem ponantur enim circumferentiæ quidē BC æquales quocumque deinceps CK, KL; circumferentiæ vero EF, rursus æquales quocumque FM, MN: & iungantur GK, GL, HM, HN; quoniam igitur circumferentiæ BC, CK, KL inter se sunt æquales, & anguli BGC, CGK, KGL inter se æquales erunt. (1) quod duplex igitur est circumferentia BL circumferentiæ BC,


BC, totuplex est, & BGL angulus anguli BGC; eadē ratione, & quotuplex est circumferentia NE circū-



ferentia EF, totuplex, & EHN angulus anguli EHF. Si igitur æqualis est BL circumferentia circumferentia EN, & angulus BGL angulo EHN erit æqualis, & si circumferentia BL major est circumferentia EN, major erit, & BGL angulus angulo EHN, & si minor, minor. quatuor igitur existentibus magnitudinibus, duabus nimirum circumferentijs BC, EF, & duobus angulis BGC, EHF, sumpta sunt circumferentia quidem BC, & BGC anguli æque multiplicia, videlicet circumferentia BL, & BGL angulus; circumferentia vero EF, & EHF anguli æque multiplicia, nempe circumferentia EN, & angulus EHN; atque ostensum est si circumferentia BL superat circumferentiam EN, & BGL angulum superare angulum EHN, & si æqualis, æqualem, & si minor, minorem esse. Ut igitur circumferentia BC ad EF circumferentiam, ita angulus BGC ad angulū EHF. (2)  
Sed

(2) Diff. 6 quinti.


Sed, ut BGC angulus ad angulum EHF, ita angulus BAC ad EDF angulum; (3) uterque enim utriusque est duplus; (4) & ut igitur BC circumferentia ad circumferentiā EF, ita & angulus BGC ad angulum EHF, & angulus BAC ad EDF angulum; quare in circulis æqualibus anguli eandem habent proportionem, quam circumferentiæ, quibus insistant, siue ad centra, siue ad circumferentiā insistant. Dico insuper, & ut BC circumferentia ad circumferentiā EF, ita esse sectorem GBC ad HEF sectorem. jungantur enim BC, CK, & sumptis in circumferentiis BC, CK: punctis X, O, jungantur, & BX, XC, CO, OK; itaque quoniam duæ BG, GC duabus CG, GK æquales sunt,



& angulos æquales continent; erit, & basis BC basi CK æqualis: æquale igitur est, & GBC triangulum triangulo GCK. (5) & quoniam circumferentia BC  
cir-

3) 15. quinti. (4) 20. tertii. (5) 4. primi.

circumferentiæ  $CK$  est æqualis, & reliqua circumferentia, quæ complet totum circulum  $ABC$  æqualis est reliquæ, quæ eundem circulum complet; quare, & angulus  $BXC$  angulo  $COK$  est æqualis; similis igitur est  $BXC$  portio portioni  $COK$ , & sunt in æqualibus rectis lineis  $EC$ ,  $CK$ , quæ autem in æqualibus rectis lineis similes circulorum portiones, & inter se æqua-



les sunt; ergo portio  $BXC$  est æqualis portioni  $COK$ ; est autem, &  $BGC$  triangulum triangulo  $CGK$  æquale, & totus igitur sector  $BGC$  toti sectori  $CGK$  æqualis erit: eadem ratione, &  $GKL$  sector utrique ipsorū  $GKC$ ,  $GCB$  est æqualis, tres igitur sectores  $BGC$ ,  $CGK$ ,  $KGL$  æquales sunt inter se. Similiter, & sectores  $HEF$ ,  $HFM$ ,  $HMN$  inter se sunt æquales; quotuplex igitur est  $LB$  circumferentia circumferentiæ  $BC$ , totuplex est, &  $GBL$  sector sectoris  $GBC$ ; eadem ratione, & quotuplex est circumferentia  $NE$  circumferentiæ  $EF$ , totuplex est, &  $HEN$  sector sectoris  $HEF$ ; quare si circumferentia  $BL$  circumferentiæ  $EN$  est æqua-

$\alpha$ qualis, & sector EGL  $\alpha$ qualis est sectori EHN; & si circumferentia BL superat circumferentiam EN, superat, & BGL sector sectorem EHN, & si minor minor. Quatuor igitur existentibus magnitudinibus, duabus quidem BC, EF circumferentiis, duobus verò sectoribus GBC, EHF, sumpta sũt  $\alpha$ que multiplicia, circumferentiæ quidem BC, & GBC sectoris, circumferentia BL, & GBL sector; circumferentiæ vero EF, & sectoris HEF  $\alpha$ que multiplicia circumferentiæ EN, & HEN sector, atque ostensum est si BL circumferentia superat circumferentiam EN, & sectorem BGL superare sectorem EHN; & si  $\alpha$ qualis,  $\alpha$ qualem esse; & si minor minorem: est igitur, ut PC circumferentia ad circumferentiam EF, ita sector GBC ad HEF sectorem. Quod ostendere oportebat.

### C O R O L L A R I U M.

Perpicuum etiam est, & ut sector ad sectorem, ita esse angulum ad angulum.

**Finis Libri Sexti.**